







John Carter Brown  
Library  
Brown University

1881  
20. E  
66






VIRO RVM ILLVSTRIVM  
EX ORDINE EREMITARVM  
D. AVGVSTINI  
ELOGIA  
CVM SINGVLORVM  
EXPRESSIS AD VIVVM  
ICONIBVS.  
AVCTORE  
F. CORNELIO CVRTIO  
EIVSDEM ORD. HISTORIOGRAPHO  
DIFFINITORE GENERALI.

ANTVERPIÆ  
APVD IOANNEM CNOBBARVM  
M. DC. XXXVI.  
*Cum privilegio Regis Catholici.*







NOBILISSIMO AMPLISSIMOQVE VIRO,

D O M I N O

D. LVDOVICO CLARISSÆO,

E Q V I T I,

TOPARCHÆ DE BECKEZEEL, DILBEKE, &c.

VRBIS ANTVERPIENSIS

P R Æ T O R I


C I V I L I,

*Lub. Mer. Dedico, Consecroq.*

AMPLISSIME DOMINE,



REMVM, commune fe-  
rarum & latronum sta-  
bulum, adeò non hor-  
ruerunt olim viri san-  
cti, ut ipso etiam expe-  
rimento didicerint, vitam in eâ tutiùs  
agi, quàm in aulis Regum, inter ho-  
minum monstra, & animarum latro-  
nes.





nes. Nihil est, quòd exempla hîc multa  
congeram ad veritatem hanc firman-  
dam; quæ nullibi non obvia sunt, &  
flagritribæ in scholis pueri ad ferulam  
memoriter meminerunt. Ecce soli-  
dum satis in solis EREMITIS præsidium,  
quos S. Pater AVGVSTINVS, monachus  
adhuc, \* ante presbyteratum, instituit:  
qui latebris silvarum abditi, non priùs  
exiverunt, quàm à cælo moniti Ponti-  
fices \* Innocentius & Alexander IV.  
eos educerent, & non solis sibi, sed aliis  
quoque vivere juberent. Et verò lo-  
cum hi mutare potuerunt; animum  
non item. Nam qui altas jam radices  
egerat, perennavit in omnibus amor  
pristinæ ἀναχωρήσις: ut cùm in urbibus  
degerent, nomen tamen EREMITARVM  
non deponerent; & qui magna virtu-  
tum specimina passim ederent, latêre  
tamen amarent, & vulgo ignorari.

Quæ

\* Baron.  
Annal.  
tom. 4.  
an. 391.  
n. 24.

\* Anton.  
part. 3.  
tit. 24.  
cap. 14.  
§. 3. & 6.



Quæ modestia, veluti eremitis hære-  
ditaria tam pertinaciter hæerere visa  
est in nepotibus; ut avorum suorum  
encomia evulgare, religioni ferè du-  
xerint: quasi supervacaneum foret  
memoriam eorum perituris chartis  
commendare, quorum nomina relata  
jam essent in fastos æternitatis. Eam  
verò religionem ego hîc exuo, AVGV-  
STINIANOSq; , qui parum decoro si-  
lentio nimiùm diu latuerunt, ex EREMI  
suæ latebris in apertum protraho, vi-  
vamq; eorum effigiem artificis cælo,  
meo calamo virtutes omnibus repræ-  
sento. Et imprimis illos Tibi Vir Cla-  
rissime, L. VDOVICE CLARISSE, obla-  
tum eo; pro beneficiis, quæ à liberali  
manu Tuâ nuper accepi maxima, par-  
vum aliquod redhostimentum. Vidi,  
& reapse expertus sum adfectum er-  
ga me Tuum multò luculentissimum:



quidni ego coner vicem reponere, &  
ostendere grati animi amicum sym-  
bolum? Non texam hîc bonorû, quæ  
benigna in Te fortuna pleno cornu ef-  
fudit, longum catalogum; quia palpari  
nunquam didici: Virtutum quoque  
Tuarum insignem periodum addere  
vereor, ne lædam animi Tui pænè re-  
ligiosam modestiam. Et satis famige-  
ratum est CLARISSIORVM nomen a-  
pud Belgas; ut meâ buccinâ non indi-  
geat. Hoc tantummodò volo extare  
gratitudinis monumentû: ut cognos-  
cant omnes CVRTIVM scire beneficiû  
accipere, & cum non posset, saltem vo-  
luisse, reddere. Vale Vir præstantissi-  
me. Dedi tumultuario calamo, in iti-  
nere Romano, apud Vbios, XII. Kal.  
Februarii, ∞. Loc. XXXVI.

*Amplitudini Tuae*

addictus,

*F. Cornelius Curtius.*



## LECTORI MEO.



*E falsus sies, bene-vole Lector, bre-vi proloquio affari Te libet, & monere pauca quadam. Primum non dare nos hîc Viros, qui in Eremito Augustiniana sancta vita gloriâ eminuere: non enim Nicolaum hîc Tollentinatem vides, non legis Ioannem-Bonum Mantuanum, non Fridericum Ratisponensem, aut Isaiam Cracoviensem, aliosve, quorum vitam singulari volumine aliquando complecti meditamur. Tantum ergo eorum hîc elogia scribimus, qui inter Augustinianos doctrinâ & rerum gestarum magnitudine illustres, in ora virum etiam à morte venire meruerunt. Neque horum omnium: sed aliquorum duntaxat ex plurimis; scilicet, quorum vera effigies haberi potuit. Sed nec istorum*



# LECTORI

istorum omnino omnium: sed illorum tantum-  
modò, quos Eremitas Augustinianos fuisse a-  
pud omnes in confesso est. Nam Gelasium  
Papam, Amadæum Sabaudum, Paulli-  
num Nolanum, Fulgentium Ruspen-  
sem, aliosq, quos multis & longis argumen-  
tis Scriptores nostri in Augustinianam Ere-  
mum reduxerunt, nolo memorare, & actum  
agere; aut in certâ historiâ multa utilia ne-  
gligendo, ad futilia stilum stringere. Satis  
materia in novitiis est: quos à se clarissimos  
tenebris damnamus, dum in antiquitatis tene-  
bris nequidquam lucem quærimus. Video à no-  
bis nihil addi posse ad vetera; quæ dum no-  
vis commentis interpolare studemus, illos quo-  
rum recentem adhuc memoriam habemus, ne-  
gligimus, & steriles tantum de iis apud poste-  
ros conjecturas relinquimus. Ut ne nescias quo-  
que, unde vera hæ effigies petita sunt: pleraq;  
omnes Româ accepimus; ex bibliothecâ An-  
gelicâ



# LECTORI.

gelicâ *AVGVSTINVM*. *Paucas* submisit *Salamantica*, cùm posset plurimas: & , utinam *elogiorum materiam*, quam habent longè amplissimam, rogati *Patres Hispâni* in tempore suppeditassent! *Puteanum Parisiensibus* debemus. *Belgæ nostrâ pinacothecâ* sunt. *Germanorum nulla in hoc libro effigies est*: quod magnorum virorum illa ferax olim regio, intestinis ob religionis certamen dissidiis pronuper turbata, nunc *Vandalorum manibus* funditus pænè eversa, ne quidem imagines suorum tutari potuerit. *Veniam nobis dabunt alia provinciae*, quæ suos viros, quos celebres habent, non reperient. *Prodromus hic tantum liber est*, & ad eliciendas aliorum effigies, quoddam invitamentum. Non arridebit omnibus, scio, opella hac nostra; cuius se verum *Aristarchum* volet ille etiam agere, qui nihil potest agere. *Invidia seges hodie uberrima est*. *Alius dam-*  
*nabit librum, cuius tantum pretium est ab*  
*b iconi-*



## LECTORI.

iconibus, quas puerorum oblectamina nuncu-  
pabit. alius levi digito volutabit aliquam-  
multa folia, & prateritis elogiis tantum

Picturâ se pascet inani.

Alius denique aliquis erit ex eorum collu-  
vio, qui convivium aliis facere pro cibo ha-  
bent, & antè quàm seriò inspexerit, contem-  
net omnia, & parva esse dicet. At verò, ô  
Zoile, qualia qualia hæc sunt, meo illa nomine  
proculgare non erubui. Tibi autem,

Εἰ μικρὰ ταῦτα, σὺ τέλει τὰ μείζονα.  
ego tollam manum de tabulâ, & meliori A-  
pelli herbam lubens porrigam.



REV.<sup>do</sup> IN CHRISTO PATRI

CORNELIO CVRTIO

EREMITÆ AVGVSTINIANO

ILLVSTRIVM VIRORVM SVI ORDINIS

ELOGIA

PVBLICANTI.



*O C quoque jam nostris veneranda Colonia votis  
(Dum fugio patriæ contagia tristia terræ)  
Addidit, ut cujus toties monumenta relegi  
Divino formata stilo, mentisq; vigore*

*Plena, nec ætatis seræ subitura senectam;  
Aspicerem faciem, coramq; amplecterer ipsum,  
Quem celebrat pia Fama, Virum. Tu maxime CVRTI,  
Ille es, Te nostræ designant gaudia venæ.  
Pande fores animi, tenerumq; à matre clientem  
Castaliâ, placidi vultus dignare favore,  
Vt Phœbi persuadet amor; contemnere nescit  
Virtus plena annis, maturaq; temporis usu  
Imbelles juvenes: sed læto lumine spectat  
Per sua tendentes dubios vestigia gressus.  
Te pridem Aoniæ Mysteram dixere Camœnæ,  
Et læto augurio sacrati munere ritus  
Auxere. Hinc pendent circum Tua tempora lauri,  
Sertaq; pampineæ frondis, viridesq; corymbi.*



Hinc plectrum Tua dextra gerit, citharamque sinistra.  
Hinc quâ progredieris, violas Tibi conscia tellus  
Substernit, vernasque rosas. Quid parva moramur?  
Hinc Te purpureo Christi patientis orantem  
Sanguine CLAVI ornant, melius quàm murice latus.  
Intertextus erat clavus pro more Quiritum.  
Hinc Aurêi Solis radius pietate coruscas,  
Et stygias tenebras dispellis lumine verbi.  
Perge decus magnum magni Ordinis, orbis & ingens.  
Perge decus: dumque EVLOGIIS Tibi Fama Tuorum  
Comitur, eulogio post funera vive perenni.

PETRVS à STREITHAGEN,  
Canonicus Heinsbergensis pangebatur  
Coloniæ Vbiorum.



# ELOGIA

sic habent.

	pag.
1 S. AVGVSTINVS.	23
2 B. THOMAS DE VILLANOVA.	32
3 B. IOANNES. SAHAGVNTINVS.	49
4 BONAVENTVRA PATAVINVS.	61
5 B. ÆGIDIVS COLUMNIVS.	83
6 ALEXANDER OLIVA.	93
7 ÆGIDIVS VITERBIENSIS.	109
8 HIERONYMVS SERIPANDVS.	117
9 ALBERTVS PATAVINVS.	121
10 GREGORIVS ARIMINENSIS.	125
11 PAVLVS VENETVS.	129
12 B. AVGVSTINVS TRIVMPHVS.	141
13 CHRISTOPHORVS PATAVINVS.	147
14 ONVPHRIVS PANVINIVS.	157
15 FRANCISCVS RICHARDOTVS.	167
16 AVGVSTINVS FIVIZANVS.	173
17 ADAMAS FLORENTINVS.	177
18 LVDOVICVS DE MONTOYA.	181
19 ALEXIVS MENESIVS.	159
20 ROGERIVS IUVENIS.	203
21 FRANCISCVS A. CASTRO-VERDE.	207
22 CORNELIVS DE BYE.	229
23 ALOYSIVS LEGIONENSIS.	235
24 AVGVSTINVS ANTOLINEZ.	239
25 IOANNES CRABBIVS.	247
26 ANGELVS ROCCA.	259
27 IOANNES BAPT. A. GLANO.	267
28 IOANNES PVTEANVS.	275
29 IOANNES COOLS.	287
30 PETRVS VALDERAMA.	



M<sup>r</sup>. F. MICHAEL PALVDANVS  
*S. Theol. Doctor & Professor, Ord. Eremitarum S. Augustini  
in Belgio Prior Provincialis.*

**P**Ræsentium tenore & muneris nostri autoritate  
potestatem facimus R<sup>do</sup>. adm. P. Cornelio Curtio  
nostro in Officio Provincialatûs immediato Præ-  
decessori, typis mandandi Elogia illustrium Sacri Or-  
dinis nostri virorum. In quorum fidem præsentem hæc  
manûs propriæ subscriptione, officiiq; nostri sigillo  
signavimus. Datum Bruxellis 19. Februarii, 1636.

*F. Michaël Paludanus  
Provincialis.*

---

A P P R O B A T I O.

**I**Nfrascriptus perlegi Elogia quorundam illustrium, scientiâ &  
doctrinâ Virorum, Ord. Eremit. S. Augustini, non ex fide so-  
lùm, sed ex nitela & elegantia quoque, à R. P. Cornelio Curtio,  
Ex-Provinciali, S. Th. Licent. & ejusdem Ordinis Historiographo  
conscripta. Quare sicuti Magnum Alexandrum olim, nemini peni-  
cillo præter Apellem: nemini cælo præter Polycletum, exprimere  
licebat; ita qui Alexandrinos Heroës hos, stilo redderet, nemo juxta  
eum Auctore suo æquè potuit. Ita censeo; & prælo ac publico dignum  
opus. Lovanii Prid. Non. Maii. ∞. 1636. XXXV.

F. Io. Rivius S. T. Licent. SS. Litterar. Professor,  
Ord. Eremit. S. August. per Belgium Visitator.



## APPROBATIO.

**E**Logia Virorum illustrium ordinis S. Augustini  
authore R<sup>do</sup>. Patre Cornelio Curtio ejusdem or-  
dinis Historiographo generali, digna mihi viden-  
tur ut luce donentur; serviunt enim pietati instruendæ.  
Actum Antverpiæ 10. Decemb. 1635.

*Gasp. Estrix Plebanus ac lib. Censor.*

---

### *Summa Privilegii*

## REGIS CATHOLICI.

**P**HILIPPVS IV. Hispaniarum & Indiarum Rex  
Catholicus, potentissimus Belgarum Princeps,  
diplomate suo sanxit, ne quis R. P. F. *Cornelii Curtii*  
*Ordinis Eremitarum S. Augustini quondam Provincialis Virorum*  
*illustrium sui Ordinis Elogia*, intra duodecennium, præter  
Ioannis Cnobbari voluntatem, ullo modo imprimat,  
aut alibi terrarum impressa, in Germaniæ Inferioris  
ditiones importet, venaliave habeat. Qui secus faxit,  
confiscatione librorum, & aliâ gravi pœnâ mulctabitur:  
uti latius patet in litteris datis Bruxellæ 15. Februarii,  
an. 1636.

*Signat*

STEENHVYSE.





S. AVRELI<sup>9</sup> AVGVSTINVS Hippo<sup>9</sup> Episcop<sup>9</sup> Doctor Doctorum,  
Abyssus Sapientia<sup>9</sup>, Eremit<sup>9</sup> fundator, et Ascetarcha  
Maxim<sup>9</sup>, à multis copiose à nullo satis laudatus.

J. Francquart inv.

C. Galle sc.



ELOGIA S. P. AVGVSTINI.

I

S. A V R E L I V S

A V G V S T I N V S.



ALVE Antistes Optime,  
Maxime; ingenio, doctri-  
nâ, & virtute supra omnes  
mortales illustrissime; om-  
nium & Academiarum &  
Doctorem Doctorem; ortho-  
doxæ Ecclesiæ verè AVREE

ΗΑΙΟΣ, quam non modò eruditionis & sancti-  
tatis tuæ sparsis quaquà fulgentissimis radiis il-  
lustraisti, sed defendisti etiam, linguâ inprimis  
& stilo, atque contra nefarias, totoque orbe do-  
minantes hæreses feliciter vindicasti. Salve ite-  
rum non tantum nostri Auctor & Fundator, sed  
aliorum quoque Ordinum Magne, imò Ter-  
Maxime Pater. Salve denique mundi & naturæ  
miraculum,

*Quo nihil majus, meliusve terris*

*Fata donavêre, boniq; Divi*

*Nec dabunt; quamvis redeant in aurum*

*Tempora priscum.*

Sed quis dignum te elogium scribet calamus?  
quod os etiam aureum tuam satis doctrinam

A

de-



deprædicet ; cùm nemo homo possit legendo percurrere libros omnes , quos manus tua scripsit sine numero , & ( quod mirandum magis ) ante obitum non perfunctoriè retractavit ? Ego certè , qui aliorum laudes calamo non omnino fortasse indiserto conscribillare audeo , de hâc tabulâ manum tollo , & ingenuè profiteor infantiam meam. Altero enim Augustino opus est , qui de AVGVSTINO loquatur. Nihilo tamen minus de laudibus ejus delibandum est aliquid , & ubi mea trivialis nimiumque inficeta est , sexcentæ aliorum virorum illustrium linguæ provocandæ : quæ omnes simul cùm pro viribus dixerint , tantummodò de AVGVSTINO , quod de Augusto olim Horatius ,

*Nil oriturum aliàs , nil ortum tale , fatentes.*

Concilia  
Cartaginense  
& Milevi-  
tanum cele-  
brata anno  
416.

Conc. Oecu-  
menicum  
Constanti-  
nopolitanum  
celebratum  
an. 553.

Anne expectatis , quid Cartagine & Milevi in Numidiâ congregati de AVGVSTINO loquantur antistites ; quando pro omnibus unus AVGVSTINVS loqui jussus est , & suis scriptis nefandam Pelagii hæresin penitùs insectari ? Aliò potiùs bibulas aures convertite , & audite omnia Concilii

Quinti Generalis subsellia in plausum sonare , & unanimis suffragiis probare atque amplecti orthodoxam AVGVSTINI doctrinam.

*Sequimur per omnia S. AVGVSTINVM, & susci-  
pimus*



*pimus omnia, quæ de rectâ fide, & condemnatione hæreticorum exposuit.*

Aures iterum arrigite : in eandem sententiam acclamant omnes Concilii Florentini Patres.

Nunc Sanctorum Patrum auctoritates in medium afferamus, ac in primis A V G V S T I N I illustrissimi Latino-  
rum Doctoris, quem Quinta Synodus consecravit.

*Conc. Florentinum  
Generale  
sess. septima,  
quæ Ferraria  
habita est  
an. 1439.*

Nec minùs præclare de eodem pronunciavit Synodus Toletana.

Vir sanctissimus A V G V S T I N U S, investigationis ac-  
mine cautus, inveniendi arte præcipuus, asserendi copiâ  
profluus, eloquentiæ flore venustus, sapientiæ fructu fœ-  
cundus.

*Conc. Toletanum VIII.  
cap. 1. n. 2.  
celebratum  
an. 653.*

Et tamen illi tanto viro, nescio qui in Galliâ æmuli presbyteri Theoninum dentem infigere, & hæreseos stigma inurere annisi sunt. Et verò inussissent, nisi Regiensis & Arelatensis sanctissimi doctissimiq; Pontifices Prosper & Hilarius à magistri sui partibus stetissent, editis contra impudentes blaterones pro A V G V S T I N O libris apologeticis; Romam denique, quando buccones istos frænare non poterant, advolassent, imploratum Cælestini Papæ auctoritatem. Qui ex-  
templo datis ad Episcopos Galliæ litteris;

A V G V S T I N U M, inquit, sanctæ recordationis vi-  
rum, pro vitâ suisq; meritis in nostrâ semper communionem

*Cælestin. 1.  
epist. 1. ad  
Episc. Gallias.*



\* Innocent.  
Zosimo, &  
Bonifacio.  
Baron. an.  
430. n. 89.

habuimus, nec unquam hunc sinistrae suspicionis saltem rumor aspersit: quem tantæ scientiæ olim fuisse meminimus, ut inter magistros optimos etiam antè à meis \* prædecessoribus haberetur. Bene ergo de eo omnes in commune senserunt: utpote qui ubique cunctis & amoris fuerit, & honori. Vnde resistatur talibus, quos malè crescere videmus. Nefas est, hæc pati religiosas animas, quarum afflictione (quia membra nostra sunt) nos quoque convenit macerari: quamvis maneat hos beatitudo promissa, quicumq; probantur propter justitiam persecutionem sustinere.

Ioannes II.  
lib. de dua-  
bus naturis  
in Christo  
contra Eu-  
tychianos.

De vitâ  
contemplat.  
lib. 3. c. 31.

Nec aliter de AVGVSTINO post-secuti Pontifices loquuntur. Ioannes II. PP.

AVGVSTINI, ait, doctrinam secundum prædecessorum meorum statuta Romana sequitur & servat Ecclesia.

Vt ad AVGVSTINI discipulos revertamur; magistri sui encomiasten agit Prosper Aquitanus sequenti elogio.

Epist. ad  
Aratum  
diaconum.

S. AVGVSTINVS Episcopus, acer ingenio, suavis eloquio, secularis litteraturæ peritus, in Ecclesiasticis laboribus operosus, in cotidianis disputationibus clarus, omni suâ actione compositus, in expositione suâ fidei nostræ Catholicus, in quæstionibus absolvendis acutus, in revincendis hæreticis circumspectus, & in explicandis Scripturis cautus.

Hilarius autem;

Doctor excellentissimus AVGVSTINVS defensor fidei nostræ, in divinâ meditatione assiduus, metu mortis intre-



*intrepidus, destruxit sacrilegos, atque superavit hæreticos.*

Quàm ergo petulanter, malè feriat Gallidiam hæreseos illi impingunt, qui teste Possidio, *Possid in vitâ S. Augustini.*

Docebat, ac prædicabat privatim ac publicè in domo, & in Ecclesiâ salutis verbum cum omni fiduciâ adversus Africanas hæreses, maximeque contra Donatistas, Manichæos, & Pelagianos, libris confectis ac repetitis sermonibus. Ut paullò post, adjuvante Domino, levare in Africâ Ecclesia Catholica exorsa sit caput, quæ multo tempore illis convalescentibus hæreticis seducta & oppressa jacebat. Et hæc diebus ac noctibus ab eodem jugiter agebantur.

Ecce quàm procaciter mortuo leoni insultant lepores, & viri sacerrimi sugillant doctrinam ejus, cui Donatistæ

Causæ diffidentiâ nihil unquam rescribere voluerunt; *Ibidem.* sed irati furiosa loquebantur, atque seductorem deceptorumque animarum AVGVSTINVM esse, & privatim, & publicè conclamabant, & ut lupum occidendum esse in defensionem gregis, scilicet sui, dicebant, & tractabant; omniaque peccata à Deo, indubitanter esse credendum, posse dimitti iis, qui hoc facere ac perficere potuissent, nec Deum nec homines erubescerent.

Imò, ut sciatis, quàm parum à linguâ manus distarent.

*Aliquoties etiam vias armati iidem contra famulum Ibidem.*



Dei AUGUSTINUM obsederunt, dum fortè iret rogatus ad visitandas, instruendasque & exhortandas Catholicas plebes, quod frequentissimè faciebat. Et aliquando contigit, ut illi succenturiati hætenus perderent captivem. Evenit quidem Dei providentiâ, sed seductoris hominis errore, ut per aliam viam cum suis comitibus, sacerdos Dei AUGUSTINUS, quò tendebat, perveniret: atque per hunc postea errorem cognovit, se manus impias evassisse.

At verò quem benigno numine hyperaspistes Deus à furore hæreticorum eruit, vesani presbyteri in hæreticorum classem redigere magnis viribus contendunt. Ita ubique

Pindarus  
de 7. Py-  
thiorum.

Θρόνον ἀμειβόμενον τὰ καλὰ ἔργα.

Invidia gloriam rerum gestarum comitatur.

Dionysius  
Comicus  
apud Stobæum  
serm. 38.

Τοῖς ἑδὲν ἔσιν ἑδὲ εἰς ὅλως φθονεῖ

Iis qui nihil sunt, invidet nemo certè.

Invidiæ cibus, virtus est. quæ quia in AUGUSTINO, & illustris admodum, & non una fuit; quid mirum, si, qui aliàs tantum

Ovid. 1.  
Amor. 15.

Pascitur in vivis livor, post fata quiescit,  
pabulum invenerit, unde à sanctissimi viri morte adhuc viveret? Operæ verò pretium est invidiæ hoc tam diuturnum alimentum ex bonis discere. Hieronymus locuples in primis auctor, ita scribit AUGUSTINO.

Epist. 25.  
apud Au-  
gustinum.

Omni



Omni quidem tempore beatitudinem tuam, eo quo de-  
cet honore veneratus sum, & habitantem in te dilexi Do-  
minum Salvatorem: sed nunc, si fieri potest, cumulo ali-  
quid addimus, & plena complemus, ut absque tui nominis  
mentionem ne unam quidem horam præterire patiamur, qui  
contra flantes ventos (hæreticos) ardore fidei perstitisti.  
Macte virtute, in orbe celebraris. Catholici te conditorem  
antiquæ rursus fidei venerantur atque suspiciunt, & quod  
signum majoris gloriæ est, omnes hæretici detestantur, &  
me pari prosequuntur odio, ut quos gladio nequeunt, voto  
interficiant.

Non minùs præclarè de eodem loquitur M.  
Aurelius Cassiodorus, Senator primùm gravissi-  
mus & Regi Theodorico ab epistolis, deinde eru-  
ditissimus monachus.

*In præfa-  
tione super  
psalm.*

AUGUSTINUS litterarum omnium egregius ma-  
gister, quodque in ubertate rarum est, cautissimus dispu-  
tator: decurrit quippe tanquam fons purissimus, nullâ fæce  
pollutus, sed integritate fidei perseverans, nescit hæreticis  
locum dare, unde sese possint aliquâ colluctatione defende-  
re; totus Catholicus, totus orthodoxus invenitur, & in Ec-  
clesiâ Domini suavissimo nitore resplendens, superni lumi-  
nis claritate radiat.

Vt jure merito sanctus Paullinus Præsul No-  
lanus exclamet:

*Epist. 32.*

O verè sal terræ, quo præcordia nostra, ne possint sæ-  
culi



culi vanescere errore, condiuntur! O lucerna dignè super  
candelabrum Ecclesiæ posita, quæ latè Catholicis urbibus  
de septiformi lychno, partum oleo letitiæ lumen effundens,  
densas hæreticorum caligines discutis, & lucem veritatis  
à confusione tenebrarū splendore clarifici sermonis enubilas!

Id autem præstitit tam copiosè & luculenter,  
ut nullius prætereà adminiculo opus esset. Hiero-  
nymus contra Pelagianos,

Lib. 3. c. 6.

Scripsit, inquit, dudum vir sanctus & eloquens Epi-  
scopus AVGVSTINVS duos libros contra hæresim vestram,  
alios quoque cudere dicitur. Vnde supersedendum huic la-  
bori censeo, ne dicatur mihi illud Horatii, In silvam ne  
ligna feras. Aut enim eadem diceremus ex superfluo, aut si  
nova voluerimus dicere, à clarissimo ingenio occupata  
sunt meliora.

Et ad illum ipsum AVGVSTINVM.

Certè quidquid dici potuit, & sublimi ingenio descri-  
pturarum sanctarum hauriri fontibus, à te dissertum est.

Vi quoque tantâ irruit in adversarios,

Vt uno multiformi jaculo repente prostrati hæretici,  
morticinos spiritus non auderent exhalare.

Nam

Ex ejus ore non cessavit pluvia salutis, imò fluere flu-  
minis impetus contra flumen illud hæreticorum, quod post  
mulierem, id est Ecclesiam, de ore suo draco diabolus  
emisit.

Quod vult  
Deus, Arch.  
Cartag.  
epist. ad Au-  
gustinum  
quæ est ante  
lib. de hare-  
sibus.  
Rupertus  
Abbas Tui-  
tensis.

Vt



Vt propterea S. Bernardo sit

AVGVSTINVS validissimus malleus hereticorum, & *Serm. 80. in Cantica. Apud Dion. Cartusianũ Enarrat. in Gen. Lib. de sex atat. mundi, quem alii Adoni Vienne nsi adscribunt. Prefat. super Psal.*

alibi. *Lingua Ecclesiæ.*

Venerabili Bedæ

*Omnium Ecclesiarum doctor eximius.*

Aurelio Cassiodoro

*Famosorum palma certaminum.*

Hermanno Contracto, monacho Augiensi, viro non minùs docto, quàm pio,

*Ecclesiæ Christi, & Catholicæ fidei propugnator, & defensor invictissimus.*

S. Vincentio Ferrerio, viro Apostolico,

*Aureum templi candelabrum.*

Abbati Tuitiensi,

*Vox Christianæ legis, & organum Catholicæ fidei.*

Adriano I. Pontifici sancto, & erudito,

*Præcipuus Pater, & optimus Doctor.*

Ioanni X.

*Magnæ auctoritatis & sanctitatis Præsul, dilectus Deo & hominibus, cujus memoria in benedictione est, veluti gemmula carbunculi ignitæ charitatis, & flammeæ eloquentiæ.*

Sixto IV.

*Inter intemeratæ Ecclesiæ Doctores præcipuus, & subtilissimus evangeliorum, & sacrarum litterarum per- scrutator.*

B

Clau-



Lib. 3. de  
statu animæ.

Claudiano Mamerto, Viennensi in Galliâ Archiepiscopo,

*Chrysippus argumentandi virtute, Zenon sensuum subtilitate, Varro voluminum magnitudine.*

Lipfio nostro, Criticorum principi,

*Antistes Antistitum, & nostrorum scriptorum apex.*

Serm. de  
translat.  
S. Monica.

Sed omnium omnia de S. AVGVSTINO encomia simul accumulavit Martinus V.

*Quicumque, inquit, de Christo, de fide, de religione aliquid saperent, omnibus in ore erat AVGVSTINVS; ut nihil pænè ex sacris litteris possit nisi eo duce intelligi, nihil nisi eo interprete explicari. Eo jam auctore factum, ut nec Philosophis sapientiam inuideamus, non Oratorum eloquentiam desideremus, non studiosorum ingenia requiramus; non denique nobis acumen Aristotelis necessarium, non Platonis eloquentia, non prudentia Varronis, non gravitas Socratis, non auctoritas Pythagoræ, non Empedoclis solertia, non cuiusquam illius generis hominum scientia ac virtus documento esse debeat. Idem nobis Prophetarum oracula, idem Apostolorum voces refert, idem omnium scripturarum sensum exprimit. Vnus postremò omnium Patrum sapientiumq; ingenia ac studia exhibet. Si veritatem queritis, si doctrinam, si pietatem, quis doctior, quis justior, quis, ut ita dicam, sanctior AVGVSTINO? . . . . . AVGVSTINI tanta extant erga omnem Catholicam*  
Ec



*Ecclesiam beneficia ut nulli pænè, ita dicam, Sanctorum  
majora merita debeamus. Quidquid enim simul omnes  
Apostoli plantaverunt, quidquid Apollo, atque alii Apo-  
stolorum sectatores rigaverunt, hic coronavit.*

*Ne dicam, quod Volusianus (dandum id ejus  
affectui)*

*Epist. 2. ad  
Augustinũ.*

*Ut cumque absque detrimento cultus divini in aliis sa-  
cerdotibus toleratur inscitia: at cum ad Antistitem A V-  
G V S T I N V M venit, legi deest, quidquid ab eo contigerit  
ignorari.*

*Ecclesiæ Doctores alii extra numerum & viri  
eximii fuerunt, quos salem terræ cum Christo,  
& lucem mundi vulgò & meritò vocamus: Gre-*

*Regist. li. 8.  
epist. 37.*

*gorius tamen ipse,  
Si delizioso, inquit, cupitis pabulo saginari, beati  
A V G V S T I N I opuscula legite, & ad comparisonem  
similaginis illius nostrum furfurem non queratis.*

*Et Paullinus Nolanus: Augustinus subtilius omni-  
bus volans omnia referavit, & ideò meritò Angelus, non  
naturâ, sed gratiâ nuncupatur.*

*Epist. ad  
Valerium.*

*Haymonis etiam Halberstattenensis senten-  
tiâ,*

*In 2. ad Co-  
rinth. c. 12.*

*A V G V S T I N V S in elucidandis quæstionibus omnes  
Doctores post Apostolos præcellit.*

*Et apud Absalonem Sprinckirsbatensem Ab-  
batem,*

*Serm. 46.*



AVGVSTINVS ceteris Ecclesiæ Doctores præeminet.  
Remigius Antissiodorensis, monachus suo  
ævo doctissimus, excellentiæ gradum designat.

In 2. ad  
Corinth.

In exposit.  
psalm.

Sicut sol in lumine excedit omnes planetas: ita AVGVSTINVS omnes Doctores excessit in exponendis scripturis. Et alibi: Sicut stellæ lumen à sole recipiunt; sic omnes Doctores scientiam recipiunt ab AVGVSTINO.

Apud Oso-  
rium tom. 3.  
Conc. de  
S. August.

Vt homo Ethnicus Avicenna, crediderit non humanam fuisse AVGVSTINI scientiam.

Scientiam, ait, AVGVSTINO cælum dedit, & super omnes homines, & quantum dare potuit, illi concessit, non Platoni, non Aristoteli.

Ex Dacii  
l. 10. Chron.  
c. 1. Iacobus  
de Valentia  
in hymno  
Te Deum  
laudamus.  
Claruit.  
S. Dacius  
an. 560.

Neque aliter Catholici opinati sunt. S. Dacius Episcopus Mediolanensis

Beatus, inquit, AVGVSTINVS à principio sui baptismi recepit non solum gratiam gratum facientem, sed etiam dona Spiritus sancti, ad intelligendas & exponendas sacras scripturas; & per consequens habuit scientiam infusam, quia ex tempore confessus est profundissima mysteria in hoc cantico: imò propheticè locutus est.

Epist. 1. a-  
pud August.

A quo non dissentit Consentius, scribens ad illum ipsum AVGVSTINVM:

Tibi, inquit, ille Pater noster solus conscius secretorum, qui habet clavem David, serenissimo cordis obtutu cælorum machinam penetrare concessit, & revelatâ, ut scriptum est, facie, gloriam Domini speculari.

Neque



Neque aliud Gennadius voluit, quando de AVGVSTINO dicit:

*Introductus est in cubiculum Regis & decoratus veste multifariâ sapientiae Dei, exhibuit Ecclesiam sine maculâ aut rugâ.*

Clariùs & præclariùs Abbas Rupertus,

*Lib. 7 de o.  
per. Spiritus  
sancti c. 19.*

*In AVGVSTINO, ait, Spiritus manifestè operatus est, quod se dignum fuit, ad laudem suam, ad Ecclesiae suae defensionem, Catholicaeque fidei perpetuam munitionem. Iste est AVGVSTINVS columna & firmamentum veritatis; & verè columna nubis, in quâ thronum suum posuit sapientia Dei.*

Quare P. Ribadeneiræ videtur AVGVSTINVS

*In vita eius.*

*Doctor magnorum Doctorum, à Deo doctus, homo qui de fonte divinitatis bibit, ter-sanctus inter doctos, & ter-doctus inter sanctos, Cherubim per scientiam, Seraphim per amorem.*

Et quis perfriatâ id fronte negare audeat, qui audit,

*Tanta ab eo dictata & edita, tantaque in Ecclesiâ disputata, excepta, atque emendata, vel adversus diversos hereticos conscripta, vel ex canonicis libris exposita, ad ædificationem sanctorum Ecclesiae filiorum, ut ea vix quisquam studiosorum nosse & perlegere sufficiat?*

*Possidius in  
vita D. Aug-  
ustini.*

Isidorus Episcopus Hispalensis,

*Lib. 6. Etymolog. c. 8.*

*De nostris, inquit, apud Græcos Origenes in scriptu-*

B 3

*rarum*



rarum labore tam Græcos quàm Latinos operum suorum numero superavit; denique Hieronymus sex millia librorum ejus se legisse fatetur: horum tamen omnium studia AUGUSTINVS ingenio & scientiâ suâ vicit. nam tanta scripsit, ut diebus ac noctibus non solum non scribere quisquam libros ejus, sed nec legere quidem possit.

In Catalogo  
virorum  
illustrum.

Presbyter Massiliensis Gennadius:

AUGUSTINVS Hipponensis oppidi Episcopus vir eruditione divinâ & humanâ orbi clarus, fide integer, & vitâ purus, scripsit quanta nec inveniri possunt. Quis ergo gloriatur omnia se illius habere? aut quis tanto studio legat, quanto ille scripsit?

Possidius.

Quid verbis ultra opus?

Si cuncta corporis membra verterentur in linguas, adhuc non essem sufficiens ad laudandum tantum Patrem & Doctorem.

Finio ergo elogium, & claudo Possidii Episcopi Calamensis præconio.

AUGUSTINVS homo celestis, imago divinitatis, Pater Patrum, Doctor Doctorum, abyssus sapientiæ, præco veritatis, eructator divinarum eloquiorum, inquisitor prædictorum. AUGUSTINVS par Angelis in fervore, par Prophetis in absconditorum mysteriorum revelatione, par Apostolis in prædicatione, par Martyribus in desiderando passionem, par Confessoribus in disciplinarum traditione, & par Virginibus in continentiae observatione.

EPI-



## E P I S T O L A

THEODOSII IMPERATORIS,

quâ D. AVGVSTINVM ad Concilium  
Ephësinum invitat.

V E N E R A B I L I

DOMINO AVGVSTINO

EPISCOPO HIPPONENS I

THEODOSIVS IMPERATOR.

*Apud Lan-*  
*cillottū l. 3.**c. 43. de vita**S. August.**ex ea quæ**reperia est**Padue apud**Benedictinos.**Congr.**S. Iustina.*

**L**ibrorum à te conditorum præstantia & industria,  
quâ singulariter polles in enucleatione sacrarum lit-  
terarum, fructus etiam quos in omnem Ecclesiam  
protulisti, causa fuere, ut ubivis gentium illustrem gloriam  
sis adeptus. Gratia Deo, qui hac tempestate periculosissi-  
mâ, respiciens ex alto procellas quibus conflamur, te  
largitus est Ecclesiæ suæ tantum defensorem. Ego quantum  
me attinet, illam protegere totis viribus & quâ debeo ani-  
mi modestiâ, conabor. Quia si quæ meo Imperio ventura  
sit felicitas, si quæ accessio, si ve quæ præstanda securitas,  
id totum facile consequar, si IESV CHRISTO, qui à me  
debetur, honos tribuatur, ejusq; fidei Orthodoxæ; à quo ve-  
ra salus & vita provenit, & quidquid aliud boni posside-  
mus. Consilium istud dedit Constantinus sanctus, atque  
idipsum



\* Constan-  
tinopolin.

idipsum edocuit avus meus Theodosius: quod ego, quoad  
potero, sequi studebo; maxime qui sciam ejusce gloriam,  
non imperii magnitudine, sed Religionis spectatam fuisse:  
quam quidem cum Ecclesiâ Catholicâ eiusque ministris,  
altissime pectori infixam habebat. Non te latet ingens  
malum, quod novam hanc \* Romam excepit: nec ignoras,  
quàm sese latè propagaverit teterrima hæreseon lues per  
universam Græciam. Nestorius enim Episcopus, cum  
pietatem omnem & sanctimoniam prius simulasset, ad ex-  
tremum malitiam versipellis ingenii sui detexit; cumque  
Patris esset titulo insignitus, nobis inimicum se præbuit,  
factus ex pastore fur & latro; dum seminavit in vulgus  
nefandam hæresim, in vituperium Redemptoris nostri  
IESU CHRISTI, eiusque sanctissimæ Matris, quam omni  
tempore unâ cum Filio ejus benedicto summâ veneratione  
prosequimur, juxta sanctorum Patrum decreta. Itaque  
Pelagius hæreticus, tametsi damnatus est erroris per sa-  
cro sancta Concilia, nec non eruditissimis scriptis tuis, qui-  
bus eum planè confecisti; nihilominus efferre caput nititur,  
& ipsi Deo repugnare. Enimverò tam atrocia hæc mala,  
quæ patimur, fateor peccatis nostris deberi, & præsertim  
hujus Pharaonis obstinatæ voluntati. Atqui cum benignis-  
simus Deus ad has advertendum calamitates suggerat oportu-  
nè rationes; propositum nobis est opem ferre sanctissimo  
Domino nostro Cælestino, Episcopo universali totius Ec-  
clesiæ: nimirum ut secundum receptam à majoribus con-  
suetu-



suetudinem, Concilium generale celebretur. Proin<sup>us</sup> ut hoc votum nostrum Catholicum planè intelligat, liberum facimus, ut ex omnibus, quotquot nostro parent Imperio, civitatem aliquam seligat, quæ in hunc finem ei commodissima videbitur; qui est, ut unanimi Patrum ac Episcoporum conventu id statuat, quod nos, quorum est parère, indubitata fide, sequi debemus. Ad illum tanquam Principem omnium quæ fiunt, quæque decernuntur in Ecclesiâ, spectat providere; ut ne quid Orthodoxis incommodet. Ego vicissim tanquam filius Ecclesiæ Catholice, & ipsius Pontificis Romani, sum paratus quovis tempore ei inservire & obsequi, quibuscumque in rebus ope meâ possum Ecclesiæ commodare. Nunc igitur te, qui rebus in omnibus lumen es orbis Christiani, quique idem terror es, & hostis omnium sectariorum, qui sub oculis tuis comparere verentur; te, inquam, rogamus quàm possumus studiosissimè, ut Ephesi te sistas, quâ in urbe locus est Concilio, quod habebitur, designatus. Ita nimirum dicere poteris te omne vitæ tempus, quod reliquum est, sicut & elapsum, in gloriam & honorem Domini nostri IESU CHRISTI liberaliter expendisse; cui debemus vitam, salutem, & quidquid aliud ab eo habemus, non velut proprium aut juris nostri, sed tanquam ab eo mutuatum & acceptum. Non te absterreat mare, non longitudo itineris, non res quæcumque: totum enim id oportet ferre constanter in hoc pio molimine, cuius finis, quia est optimus, ad se nos invitat. Si tibi est animo de-

C

cretum



cretum venire, (quod Ecclesiae bono facere teneris) plurarescies ex nostro Ebagnio Magistrano, qui mihi à cubiculis est. Commendamus Imperii nostri cuncta negotia vestris orationibus: merita enim tua gratiaq; apud Deum perspecta nobis sunt, & quantum polles apud sanctissimam Trinitatem. Data in nostro palatio novae Romae, Basso & Antiocho Cos.

## DE DIVO AVGVSTINO

Poëtarum elogia.

S. Prosper lib. *Ἐὶ ἀχάριστον.*

**A**VGVSTINVS erat, quem Christi gratia cornu  
 Vberiore rigans, nostro lumen dedit ævo,  
 Accensum vero de lumine: nam cibus illi,  
 Et vita, & requies Deus est, omnisq; voluptas;  
 Vnus amor Christi est, unus Christus honor illi.  
 Et dum nulla sibi tribuit bona, fit Deus illi  
 Omnia, & in sancto regnat sapientia templo.  
 Istius ergo, inter cunctos, qui de grege sancto  
 Insanas pepulere feras, industria major,  
 Majus opus, totum præstantius imbuit orbem.  
 Nam quocumque gradum convertit callidus hostis,  
 Quaq; per ambages anceps iter egit opertas,  
 Hujus ab incurfu est præventus, mille viarum

*Insiditis*



*Insidiis aditum non repperientibus ullum.  
 Cumque foris rabies avidorum exclusa luporum  
 Frenderet, inque omnes mendacia verteret artes;  
 Ne mentes ullarum obuium corrumpere posset,  
 Neu dubia obliquis turbaret corda querelis;  
 Istius ore viri fecit Deus, istius ore  
 Flumina librorum mundum fluxere per omnem,  
 Quæ mites humilesque bibunt, campisque animorum  
 Certant vitalis doctrinæ immittere rivos.*

AE NE A S SY L V I V S  
 qui postea fuit

PIVS II. PONTIFEX MAXIMVS.

**B**Arbaricæ gentis decus AUGUSTINE perenne  
 Horrida quem nobis Africa terra tulit;  
 Qui scripturarum profers arcana sacrarum,  
 Eloquiis referans abdita cuncta tuis,  
 Doctior, ingenuaque omni cultissimus arte,  
 Et studio præstans, ingenioque nitens;  
 Quem nihil obscurum latuit, sed & omnia florent,  
 Atque humanæ simul dogmata, & alta patent.  
 Cujus & instruimur doctrinis, atque movemur  
 Exemplis, probitas cujus in orbe micat:  
 Millia librorum per te Pater alme leguntur  
 Edita, quæ promunt quidquid ubique latet.



*Sis cunctis fautor pius, ô sanctissime Præsul,  
Atque Dei summas offer ad alta preces.*

IOAN. IOVIANVS PONTANVS.

**D***Et monstra infelix tellus Massyla, det angues,  
Et Libycas pariat Punica terra leas;  
Arescant sitiente solo Nasamonica tesqua,  
Funditet & nullas gleba Libystis aquas:  
Dum tamen, AVGVSTINE, tuos non deneget ortus,  
Læta sit & partu Cinyphis ora tuo.  
Vnde illi inuideant & felix Lydia, & arva  
Quæ rigat auriferis lucidus Hermus aquis.  
Inuideat latis audax Germania terris,  
Dives aquis, populis dives & ipsa suis.  
Nil etenim, AVGVSTINE, tulit te te Africa majus,  
Cujus ab ingenio creverit alma fides.  
Per te Religio Christi stetit integra, per te  
Divinæ legis mystica operta patent.  
Tu secreta Dei pandis, tu tradita Patrum;  
Et verum & pietas manat ab ore tuo.  
Et pater, & patriæ princeps, & maxime rector,  
Accipias voces, Dive benigne, meas.*



M. HIERONYMVS VIDA,  
Episcopus Albanus,

Hymno ad D. AVGVSTINVM.

... neque enim quisquam certa verit unquam  
Laudibus, AVGVSTINE, tuis; tu maximus ille es,  
Nobis labentem qui verbis restituis rem.  
Templa tibi, tibi religio non perdita debet.  
Te nunquam ullius fando violentia vicit.  
Te nulla incautum veri sub imagine fugit  
Hostis pellacis fallacia. solvere nodos.  
Tu bonus, atque dolos verborum aperire latentes.  
Se tibi se ratio ostendit: tibi sepe futura  
Nosse datum, & verâ populis prædicere voce.  
Tu mulcere potens hominum fera pectora dictis  
Exacuens, animosq; rudes formare colendo,  
Nunc meritò celum mortali corpore functus  
Incolis, æthereæque plagæ juga leta, tibi omnis  
Astrorum chorus assurgit, tibi lucidus æthra  
Siderea applaudit polus. altum nubila longè  
Te nigra, te fugiunt, nimbiq; Austriq; madentes,  
Terroresque, metusque, & inexorabile lethum.  
Sub pedibus jacet. æreis tibi carmina campis,  
Perpetuasque canunt laudes vatam chorus omnis,  
Cœlestum vatam chorus omnis, amoena per arva



*Qui te incedentem medium comitantur obantes,  
 Sublimemq; humeris attollunt, atque beatos  
 Per cæli populos alacres arcana canentem  
 Magna ferunt, sistuntque supremi ante ora parentis.  
 Salve inter summos lumen venerabile diuos  
 Magne pater: facilis precibus nunc annue nostris,  
 Dum tibi solemnem de more novamus honorem,  
 Et cætum celebramus. adi hæc tibi sacra secundo  
 Templâ pede, & proprias tibi quas ereximus aras. &c.*

FRANCISCVS GONZAGA,  
 MANTVÆ MARCHIO,

Pro victoriâ, quam ei apparens D. AVGVSTINVS  
 promiserat, æternum hoc posteris monimen-  
 tum scripsit.

*V*Os patriæ cives, quibus hic Pater expulit olim  
 Bis Ligures, lætumq; dedit bis habere triumphum,  
 Dum sua curriculo bis fæsta darentur eodem,  
 Este boni memores, & grati advertite dona:  
 Huic mecum laudes, mecum huic celebretis honores.  
 Protector patriæ, spes & tutissima nostra,  
 AVGVSTINE parens, Doctor, Lux inclyta sacri  
 Eloqui, innumeras \* Ocnæas accipe laudes.  
 Tendimus inde manus humiles, oculosq; precantes,  
 Venture adversis, ut quondam, protege Princeps.

\* Ocnus  
 fuit condi-  
 tor Mantuæ

IVLIVS



IVLIVS CAESAR SCALIGER,

De triplici S. AVGVSTINI desiderio.

**N**E egredere è solo ac tetrico Pater alme recessu,  
 Vt Iesum videas; Christus ubique tibi est.  
 Ne egredere, ut Paulum auscultes magna illa sonantem;  
 In caelo Paulus mox tuus hospes erit.  
 Ne egredere, ut Romam spectes; stomachabere quando  
 Roma erit in Romá nulla reperta tibi.

P. NICASIVS BAXIVS.

De amore D. AVGVSTINI.

Δή ποτ' ἐρωτηθεὶς Ἀυρήλιε, ὅσων ἐράζη.  
 Τὸν Θεὸν, ἐξαίφνης χεύσειν εἶπε λόγον.  
 Τόσων, ἔφη, σε Θεὸς φιλέω, ἢ εἴαν Θεὸς εἶω;  
 Θνητὸς βυλτοίμην ἐμμελῆαι, ὥς σὺ Θεός.

ELO.






I. Fran. inv.

B. THOMAS a VILLA NOVA,  
Elemosinarius Ord. Erem. S. AVGVSTINI,  
Archiepiscopus Valentiae, Ecclesiastes Imp. Caroli V. obijt  
clarus miraculis, Anno Incarnati Verbi. 1555, 8 Septemb.  
ferijs natæ Deiparæ.



T H O M A S  
 DE VILLANOVA,  
 COGNOMINE  
 ELEEMOSYNARIVS,  
 ARCHIEPISCOPVS VALENTINVS.

OLEM indigitavimus : alia nunc fide-  
 ra suo penicillo damus, nullo colore  
 extraneo, nisi quem à suo Phœbo mu-  
 tuati sunt, fulgentia; nullo peregrino  
 calore, nisi quem ab isto Hyperione conceperunt,  
 flagrantia. Primum ab Hesperia occidente nobis  
 oritur ex *Villa-nova* T H O M A S, viduarum & pu-  
 pillorum Phosphorus, naufragorum in hoc mun-  
 di pelago Cynosura, stella nunquam non saluta-  
 ris. Verum est vetus illud dicibulum,

Εὐθλῶν ἀπὸ ἀνδρῶν εὐθλὰ γίγνεται τέκνα.

*Ex bonis viris liberos gigni bonos.*

*Eurip. in  
 Alcmaone  
 apud Stob.  
 serm. 88.*

Certè ex bonâ matre optimus hic filius est; ex  
 sanctâ *Luciâ Martinez* sanctissimus hic THOMAS.  
 Mater piè ac prodigiosè in pauperes prodiga,  
*Eleëmosynariæ* cognomen vulgò meruit : in filium  
 transiit cum nomenclaturâ pietas; ut non tam  
 D . . . vitæ,



tam vitæ, quàm virtutum semina naturali ab eâ traduce accepisse videatur. Etenim in tenerâ statim ætate igniculi isti sese prodidêre; &, qui prima tantùm litterarum elementa in scholâ discibat, ostendit, quàm à meliori intûs doctore ad sanctitatem instrueretur. Puer, cùm ad ludum itaret, jentaculum suum in primò obvium mendiculum conferre, ipse jejunos durare usque ad meridiem: cùm à didascolo rediret, dispertire pauperibus calceolos, caligulas, prætextam etiam suam, & se matri investem ac prope nudum sistere; nisi quòd virtutum pretioso amiculo supra interulam satis tegeretur. Ita in bullâ præludebat reliquæ vitæ THOMAS noster. Natus annos quindecim, à Musarum sinu, quas studiosè pro ætate coluerat, Complutum amandatus est, ubi gravioribus studiis, severioris doctrinæ fundamenta jaceret. Iecit porrò in philosophiâ profanâ, deinde sacrâ tam solida, ut statim pervenerit ad

*Edita doctrinâ sapientium templa serena;*

& ab imis subselliis ad cathedram ascenderit, Academicoque stipendio mactus, publicè, quod didicerat, professus sit. Quàm egregiè spartam illam ornarit, facile est conjectare, quando aliæ Doctorem istum ambierunt, tum Salmanticensis inprimis Academia grandi honorario ad se

THO-



THOMAM invitavit. Sed maluit ille honestiore ambitu candidatus cælum prensare, & mutare cum cucullo monachico epomidem magistralem. Iam ergò certus totus se se mundo eripere, incertus cui se monasterio devoveat, deliberat totum annum. Curioso interim oculo lustrat examinatq; singula; sed unum placuit, quod Salmanticæ habent Augustiniani, tum à crebris miraculis, quæ nuper defunctus Ioannes Saguntinus ibi patrabat, celebre; tum à religioso instituto, quod severè sanctèque fratres etiamnum observant, totâ urbe venerabile. Hîc ergo monachum induit, anno post redemptum mundum ∞. 10. XXVI. VILLANOVANVS. Et quia cum ætate magnâ (XXXIIX. annos numerabat) grandem quoque sapientiæ thesaurum adferebat, ad munia statim honoratiora adhibitus est. Incredibilis & supra naturam mira vis ejus fuit è sacro pulpito pro concione declamantis, ut auditorum animis adfectibusque quasi suo imperio dominari videretur. Quâ famâ totam implevit Hispaniam; sed & aures Caroli V. Cæsaris, qui eum coram se dicere, deinde suum Ecclesiasten esse iussit. Quippe qui non in ore tantum nata, sed ex intimis animi penetralibus verba fundebat: quorum testes irrefragabiles erant lacrimæ, quas,



cùm aliquid emphaticus pronuntiaret, ex oculis  
cælo defixis, torrentis in modum, largissimè &  
continenter derivabat. Testes quoque ecstases  
frequentes, in quas rapiebatur; ut, quæ sermone  
multo non satis exprimi poterant, mentis oculis  
clarè inspectaret. Neque minùs valida erat illius  
extra sacrum pulpitum oratio. Diceres sacrum  
Amphionem THOMAM esse, qui saxa etiam tra-  
heret. In eodem Cæsare specimen luculentum  
capere licet. Ejus jussu sententia capitalis data &  
dicta erat in viros aliquot nobiles; veniæ simul  
spes omnis præcisa. Quam nihilo tamen minùs  
à patre suo Princeps Philippus, Archipræsul To-  
letanus, alii primores Hispaniæ supplices pete-  
bant, sed frustra: quippe, qui reorum antè portus  
esse solebat Carolus, tunc scopulum induerat,  
atque induruerat. Venit tandem VILLANOVANVS,  
& supremum judicem aggressus est quodam ver-  
borum quasi fulmine, ut saxea Imperatoris præ-  
cordia frangeret, & ceræ instar ad misericordiam  
emolliret. Tum Carolus, qui nulli antehac victas  
manus dederat, THOMÆ dedit; jamque dum  
circumfusi quasi ad miraculum Optimates hæ-  
rent; Video vos, ait, obstupescere, quia, rogante  
Augustinianorum præfecto (Vallisoleti tum præ-  
erat) reos absolvi; at verò iste mihi videtur non  
rogan-



rogando impetrare, sed jubendo imperare, scilicet qui inter mortales positus, immortalium honore dignissimus sit. Tam insignem ergo virtutem ornare postea Carolus Cæsar voluit, & Archiepiscopatum Granatensem sponte offerre: sed illum tam generoso fastu, quam alii captant, THOMAS repudiavit. Non potuit tamen infulam Valentinam ab humeris suis excutere, quòd vim sacram adhiberet Franciscus *de Nieva* Provinciæ præfectus, excommunicationis gladium paratus in eum stringere, nisi acceptaret. Invitus ergò, reluctansque ascendit Pontificalem speculam, ex quâ oculos emissitios vibrans in subditum sibi gregem, primum omnium habuit carceres visere, & horrorem eorum nimium emendare; addens, Dei christos meliori & molliori modo ad mentem esse reducendos. Deinde perrexit agrum suum omnem diligentem curâ lustrare, licentiam agendi perperam, quæ passim invaluerat, frenare, habitis inter visitandum, ad clerum & populum è suggestu opportunis sermonibus; celebrare postea Provinciale concilium, & in eo leges sanctissimas condere, quibus ceu irpicibus vitiorum nata zizania stirpitus erueret, & ne repullularent, in posterum prohiberet. Flagitiis immersos & præfractè obstinatos presbyteros, quos



verbis corrigere non poterat, verberibus emendavit; quæ non ipsis reis, sed sibi infligit, tamque acriter & diu in sese defævit, donec illi qui meruerant, ad pœnitentiam suapte sponte compellerentur. Sed immane quantum illi cordolium erat, audire, sacerdotem captivum, quem in vinculis Pontifex detinebat, guttur infami sibi laqueo obstrinxisse, & pendere ab infelici trabe exanime cadaver. Inhorruit ad tragici facinoris nuncium THOMAS, tristis, non tam ob miserum corpus, à quo exclusa anima fugerat, quam ob animam ipsam, quæ cum corpore Deum reliquerat. Ille nihilominus vota precesque ingeminat, donec suspendiarius visus reviviscere, & sensibus rursus valere ac fungi, Præsuli que suo gratias immortales agere, qui eum ab utrâque morte ad meliorem vitam, quam deinde in locis solis sanctissimè exegit, revocasset. Ad Concilium, quod Tridenti Paullus III. indixerat, cum aliis evocatus ire non potuit, quod valetudine parum firmâ esset; cui præterea gravis admodum incumbibat senectus, nimis laboribus maturata. Affuit tamen in præsentî naufragio laborantibus, qui illuc navigabant Hispaniæ Episcopis; à quibus visus est sanctus Archipræsul per undantes fluctus oberrare, & baculo pastoritio  
maris



maris iram compescere, facilemque viam navi aperire ad optatum portum. Et verò, quid mirum turbatum illi elementum cedere, quando malorum dæmonum exercitum, qui impetuosius turbinibus aërem concutiebant, solo IESU nomine invocato in fugam dedit, solemque suum & malaciam universo cælo reddidit? Immò diceret illi in totam Stygem datum imperium: ita quòcunque ille pedem ferret, inde referre cogebatur infernalis genius, ex antiquo etiam hospitio, quod olim violentus diversitor invaserat, tenueratque fortiter adversus devotoria carmina, & vim precum atque sacrificiorum. Ceterum, quàm metuendus cacodæmonibus, tam blandus facilisque aliis omnibus erat, ut neminem aditu suo prohiberi vellet. Nunquam ulli opem roganti in quæstione fuit, ne quidem cùm lateret in oratorio: ubi inter preces, quas pro suorum salute Deo perdius pernoxque fundebat, repertus est frequenter à seipso exivisse; aliquando etiam creditus Crucifixo commortuus, nisi vitam suspiria prodidissent. Sed & orando duo à Cælo obtinuit: alterum fuit donum, quod vocant consilii; quo sic excelluit, ut quando in arduis negotiis sententiam rogatus, consulto antè Numine, respondisset, juris & causarum periti patroni affirmam-



firmarent, nihil potuisse aut æquius aut expedi-  
tius pronuciari: alterum fuit vaticinii; ut longè  
posita non ignoraret, & prævideret diu pòst fu-  
tura. Ad has tam eximias multasq; virtutes qui-  
bus ceu gemmis infulam suam ornabat, accessit,  
quam in monasterio legerat, pretiosa margarita,  
frugalitas. Feriis jejunalibus præter cibarium pa-  
nem & fontanam nihil sumpsit: aliis, cibum pa-  
rabilem atque obvium. Oeconomum, qui mu-  
rænam quatuor drachmis emptam à foro attu-  
lerat, acriter verbis castigatum jussit reddere pi-  
scem ichthyopolæ, & datum ab eo argentum  
repetere; addens, drachmis istis se totidem aut  
plures pauperes aliturum. In hos enim, quod à  
matris uberibus puer olim imbiberat, admira-  
bili semper studio se flagrare, sed maximè Pon-  
tifex ostendit. Obsidebant fores ejus quotidie  
toti manipuli mendicorū; & cū, ut minimū,  
numero quingenti essent, in singulos tamen cum  
potu cibatum & nummum, in nudos etiam ve-  
stem lineam laneamve distribui jussit. Vt nihil  
dicam de pupillis, quos veluti oculi sui pupillam  
custodiebat: nihil de orphanis, quarum nulla  
matrimonii jugum subivit, nisi ejus ope opibus-  
que fulta. Ne adducam matronas honestas, vi-  
duas, virgines, nobiles attenuatos, morbo aut  
vin-



vinculis impeditos, quibus omnibus liberalissimè succurrere solitabat. Et quomodo, nisi prodigio cælesti potuit tam prodigo satis semper superque fuisse quod largiretur? Nempe in dantis manu sæpe auctæ cælesti incremento pecuniæ, multiplicatæ vestes, farina inter pinsendum non imminuta, vacuefacto horreo divinitus importatum frumentum copiosum; ut veluti angustias ejus accusaret, & extra ostia se miraculumque effunderet. Porro ne deessent, qui patrem eum vocarent, infantes, quos matrum verecunda impudentia, aut non optimi semper consilii auctor egestas pro foribus alienis exposuerat, curiosâ imprimis curâ curabat, donatis etiam nummo aureo atriensibus, qui vagientem pro januâ suâ talem ad se attulisset. Singulos autem singulis nutricibus educandos committebat, quas etiam convenire quot mensibus jussit cum suis alumnulis, ut omnium vultus suis ipse oculis arbitraretur, nutricesq; quæ benè suos habuissent, auctario supra pactam mercedē honoraret. Cæterùm qui in alios miseros tam benignus fuit, duriter se ipsum misereque semper habuit, & paupertatem quam olim solenni formulâ professus erat, ne quidem in Archiepiscopale fastigium evectus, ut assolet, deseruit. Nam cum inopiam, quâ validè

E

. premi



premi novum suum Antistitem videbant, Canonici sublevatū ire vellent, oblatum honorarium quatuor aureorum millia accepit quidem THOMAS, sed statim in nosocomii, quod incendio fœdatum erat, sarta tecta reparanda convertit. Togam Augustinianam, quam ex monasterio attulerat, gestavit multos deinde annos, attritamque & laceram suā ipse manu refecit; neque deposuit, donec manum interpolatricem non admitteret. Sciebat pannuceam istam tunicam, licet fortasse Archiepiscopatum non ornaret, virtutem tamen optimè tegere. Tam humilem abjectumq; Præsulem ægrè ferre potuerunt generosi, ne dicam fastuosi, Canonici animi; quare virum ad-eunt, atque obtestantur, ut pro decore Pontificio, amiculo honestiori uteretur. Ille verò subridenti ore; *Me vobis curæ esse, gaudeo, inquit: scire tamē debetis, viles hosce pannos non esse dedecores Archiepiscopo, qui paupertatis ultroneo voto obstrictus est: deinde non esse post-tam muneris Pontificii auctoritatem in vestium splendore, sed in zelo, & multā pro grege commisso vigilantia.* Quid ad hæc Canonici? multo certè rubore suffusi, cum nihil haberent quod reponerēt, etiam atq; etiam rogāt, ut tramo serico pileolo, pro laneo, quem gerebat, uteretur. Ille, ne omnia negaret illis, quibus non volebat largiri omnia, indulgit hoc sibi, im-mò



mò illis : deinde crebrò eum ostentans ; *En meum,*  
*ait, Pontificatum. hoc me tegmine indui volunt Domini*  
*mei Canonici, ut inter Archiepiscopos locum teneam.* Nul-  
lum erat in ejus domo peristroma sericum , nul-  
lum pectine Phrygio aut acu Flandricâ pictum  
tapetium. Lectum sarmenta sternebant , caput  
fulciebat lapis, molle semper castitati pulvinar.  
Cilicio perpetuo carnem nudam tegebat , illud  
verò laneâ interulâ dissimulabat . Omnis e-  
jus supellex tenuis admodum & curta , quam  
ante obitum , cùm nihil æris restaret quod pro-  
funderet , in egenos partiri jussit : ne quidem ser-  
vato , in quo fatali morbo æger decumbebat,  
grabatulo ; ratus tunc se moriturum securè , si  
ne quidem in suo moreretur. Mortualem porrò  
diem suum longè antè præscivit. Cùm enim o-  
nere isto Pontificio , quod invitissimus & impe-  
rio coactus susceperat , premi se graviter sæpè  
quereretur ; ut diceret, *Se nunquam tantopere timuisse,*  
*ne excluderetur numero beatorum , quàm dum includeretur*  
*numero Prælatorum , eoque metu anxius quæreretur*  
*viam, quâ se hisce difficultatibus expediret, neque*  
*inveniret, effusâ apud Christum in cruce penden-*  
*tem animi mœstitudine , sortem suam deplorare*  
*cœpit: neque destitit priùs , quàm vidit Crucifixi*  
*os aperiri , simulque audire hanc vocem; Æquo a-*



nimo esto, in die Nativitatis Matris meae venies ad me. Et ut miraculi hujus memoria duraret apud posteriores, in hæc usque tempora, os Crucifixi loquentis, quod clausum antè fuerat, mansit deinceps reclusum, dentibus tam perfectè eminentibus, ut nulla ars tam fabrè eos imitari posset. Die ergo prædicto, Septembris octavo, cùm Redemptoris nostri extrema tormenta coram se legi, deinde Missæ sacrificium offerri jussisset; dum verba consecratoria sacerdos, ille psalmum, *In te Domine speravi*, lento spiritu, quem ultimum trahebat, recitare cœpit, simulq; cum presbytero communicante, ultimum versiculum, *In manus tuas Domine commendo spiritum meum*, perorans, expiravit. Statim auditus, totâ urbe quasi captâ, lugentium ululatus. Funus ex Episcopo in cœnobium D. Augustini, ubi condi promiscuâ monachorum sepulturâ voluit, illatum est omnium, ut sic dicam, humeris: pauperes grandi numero secuti (octo millia quidam numerarunt) funebrem pompam auxere. Ipse, ne mortuum vivere dubitares, diversorum oculis conspicuum se manifestâ in luce præbuit. Tumulus ejus morbidorum asylon fuit: ubi oculos suos cæci, surdi aures, claudi pedes, vitam denique mortui receperunt. Pulvis ejus haustus multis saluti fuit. Qui hæc, pluraque alia



alia distinctè scire avet, Michaëlem nostrum Salonium adeat, aut legat, quam ex eo Nicafius Baxius Synopsin contraxit.

EPITAPHIUM EIVSDEM  
B. THOMAE.

CONDITVR HOC TUMVLO DO. FR. THOMAS A VILLANOVA, ARCHIEPISCOPVS VALENTINVS, DIVINI VERBI PRÆDICATOR EXIMIVS, QVI CHRISTI PAUPERES BENIGNA QVIDEM MANV NON SOLVM VIVENS FOVIT, SED AD EXTREMVM VSQVE SPIRITVM AMPLISSIMIS ELEEMOSYNIS EST PROSECVTVS. OBIIT DIE NATIVITATIS VIRG. MARIE, ANNO M. D. LV.

Scripsit

**C**onciones doctrinâ & pietate uberes, de tempore & Sanctis.

*Commentaria in Cantica Canticorum, imperfecta. quæ unâ cum concionibus excusa sunt operâ M. Petri de Vzeda.*

*Ibat ut ad superos THOMAS (mirabile dictu!)  
Res eadem juvit, distinuitq; virum.  
Namque trahebatur sursum plus millibus octo;  
Et tamen hunc eadem vis retinebat humi.  
Mirabar tacitus, cùm vox ita fertur ad aures:  
Quam spectas inopum est tam numerosa cohors.  
Hi plenum meritis tollunt, retrahuntq; vicissim,  
Et mens in partes scinditur ipsa duas.  
Propensis animis gaudent super astra levare:  
At tamen hunc terris non superesse dolent.*





B. IOANNES SAGVNTINVS, Ord. Erem. S. AVGVSTINI,  
Salamanticæ Patronus; intestino bello hanc ciuitatem  
liberauit. obiit Anno Mccc lxxix.




## B. IOANNES

SAHAGVNTINVS,

SALAMANTICENSIVM

PATRONVS.

VI IOANNEM Gonsalvi *de Castrillo*, viri nobilissimi filium dicunt, nugas ajunt; MARIÆ filius fuit: à quâ eum pater cum Sanchâ matre creberrimis jejuniis, vigiliis, & assiduâ oratione tandem impetrarunt; deinde sic eduxerunt, ut MAGNA MATRE non indignus videretur. Primis statim annis non obscura pietatis argumenta dedit: quando aliis pueris ad ludos abeuntibus, ipse templâ obivit, aut quæsit aliquem ad orandum secretum angulum. Rixâ inter se contendentes (uti ea ætas amat, pro levi, quo sunt, animo, ob leves nugas, non leviter irasci) monuit ad concordiam redire missis jurgiis: quos interdum editiori quoque è loco non puerili sermone, robustæ eloquentiæ præludio, ad frugem bonam cohortari visus est. Parentes tam bonæ mentis initium

Cæno-



Cœnobitis in urbe Benedictinis commendarūt,  
melioribus artibus, & constanti virtute imbuen-  
dum. Porro quàm egregiè in religiosâ hâc scholâ  
profecerit, satis ostendit; quando beneficiū, quod  
parentes obtinuerant, quo per ætatem nondum  
ei frui licebat, detestatus, in capacem alium id  
transferri voluit. Adscriptus in familiam viri  
sanctissimi Alphonsi Burgenſis Episcopi, obse-  
quium suum maximè pauperibus probavit. Qua-  
re in honore habitus, ab eodem invitatus in sacer-  
dotem ungitur, & Ecclesiæ Canonicus, Rectorq;  
designatur. Sed nihilo ditioſorem eum fecere am-  
plissimi redditus, quos omnes in egenos dispen-  
ſavit. Neque tamen sic omnibus se scrupulis ex-  
pedire potuit. Domum ergò Episcopi deseruit,  
beneficiis Ecclesiasticis remisso nuncio, & ad  
ſacelli admodum exigui tenuem præfecturam  
transiit; ubi ad populum frequenter pro concio-  
ne dixit tanto cum zelo, ut Paulus alter habere-  
tur. Contigit per ea tempora Salamanticenses o-  
dio inter se capitali dissidere, tantamq; civium  
ſtragem edi quotidie, ut urbi clarissimæ ultimum  
excidium imminere nemo non auguraretur. A  
Rege Castellæ Henrico III. missi viri gravissimi,  
qui odiorum istos ignes suâ auctoritate extin-  
guerent, æthiopem laverunt. IOANNES tandem  
illuc



illuc advolat, efficitque apud furentes dulci & benesuada oratione, ut cives eum veluti Angelum pacis amplexati, novo inter se amicitiae fœdere postliminiò coaluerint. Illic dum verbo Dei seminando se gnaviter impendit, in Rectorem S. Bartholomæi assumitur. quod munus administravit non perfunctoriè, annis quatuor. Sed cum illi & saluti animarum, quam ardentè sitiebat, non se satis posse facere arbitraretur, dedit se in contubernium Petri Sanchez Canonici Cathedralis; ut commodiùs ægros captivosque solatio & operâ suâ refocillaret. Quanto in mœrore Collegæ jacuerint ob Rectoris sui discessum, satis indicat gratitudinis tessera, quam ei perpetuam super Collegii portam dedicavêre. In latere enim sinistro eminentissimi viri Alphonsi Tostati Episcopi Abulensis statuam; in dextro vivam IOANNIS effigiem posuerunt, cum hâc epigraphe;

BEATVS PATER IOANNES SAHAGVNTINVS

BARTHOLOMÆÆ DOMVS FAVSTA

PROLES.

Dum ergo ad sanctiorem vitam totis animi viribus connititur, calculi eum morbus invadit, affligitque tam impotenter, ut ad momenta singula animam agere videretur. Medici Regii acciti monent IOANNEM, præpararet ad iter commune

F

sa-



sacrum viaticum ; spem omnem diuturnioris vitæ esse incisam , nisi periculosa incisionis supplicia pati fortasse malit. Quid ageret I O A N N E S ? Statuit se chirurgorū laniæ committere, quando prius salutem suam supremo Archiatro commendasset. Factâ ergo ad eum prece, vovet aliquam ex sanctis Religionibus amplecti, & sanctiorem servitutem Deo servire, si longiorem vitam vivere per eum sibi liceret. Dixerat : & ecce, abstersum velut spongiâ malum sensit, mortem jam nullam timens, aut indigens ope chirurgorum. Voti damnatus, distulit tamen eo se liberare, donec illustri ostento amplius moneretur. Occurrebat ei per viam mendicus lacero centunculo malè tectus, nuditati suæ modicum velamentum flagitans : in quam I O A N N E S misericordiæ oculum, deinde vestem suam meliorem conjicit, arbitratus se ipsi Christo dare, quod in pauperem contulisset. Quàm non falleretur, Servator nocte insequenti ostendit, qui I O A N N E M ore ad spectabili invisit, docuitque familiariter arcana multa cælestia, quæ enarrari non posse, cum Apostolo palàm deinde professus est. Eo gaudio delibutus, facto mane rectà statim tendit ad monasterium Augustinianum, quod Salamanticæ tum ad antiquæ observantiæ leges revocatum, sanctitatis



rumore differebatur, institutumque monasticum avidissimè arripuit. Vbi, licèt Theosophiæ gradu & ætate grandior, inter neophytos nullam sibi prærogativam indulgeri voluit, paratissimus vilissima etiam munia cum aliis obire. Cùm ergò triclinii curam, & condi-promi molestiam illi Cœnobiarcha imposuisset, eoque anno vineæ totâ Hispaniâ parum vini, nostra non nisi exiguum unum vasculum reddidisset; ipse tamen non ideò minùs liberaliter Fratribus suis ministravit, vino quotidie sub ejus curâ ita miraculosè crescente, ut ad sequentem vindemiam suffecerit. A professione tirones instruendos suscepit. quod muneris non nisi in admodum probos & bene probatos antè viros conferri solet. Ille autem id administravit tam egregiè, ut non multò pòst in Provinciæ Diffinitorem suffragiis Fratrum adlectus; &, quod nulli gentium in Ordine Augustiniano usurpari hæcenus auditum, magistratus hic ei totis sex comitiis prorogatus sit. Tandem monasterii quoque Salamanticensis summa præfectura ei demandata est. Quo in munere sanctè se gessit, eamque Fratribus disciplinam præscripsit, quæ in nostra usque sæcula ætatem servat; ut ab illis ipsis IOANNIS temporibus nunquam sancto



aliquo Dei servo caruisse credatur, adeoque *Sanctorum Conventus* apud Salamanticenses passim audiat. Ut omittam ceteras virtutes, quæ in eo inerant eximiæ, singulari erga Deum amore, incredibili erga mortales charitate æstuabat. Dicta ejus & cogitata omnia de uno Deo erant; quem veluti præsentem indefessâ oratione conveniebat, toto eo tempore quod à concionibus, & confessionibus, aliisque muniis vacuum habere poterat. A precibus matutinis reliquum noctis meditationi transcribere solitus, adversarios habuit malos genios, qui horrido eum vultu ab orando abstertere, terrifico sæpè boatu contrà ululare, nonnunquam etiam plagis malè multare auditi sunt. Ille tamen minùs nihilo turbabatur: ut ad infernalem strepitum momento quidem temporis à precando desisteret. Non ignorabat enim in agone hoc spectatorem IESVM suum adesse, quem inter sacrificandum quotidie conspicuum habebat; non sub panis velo, sed qualem Angelorum oculis mortales invidemus. Ut non mirum sit ei aliquando ad aram stanti lacrimas tam largiter defluxisse, ut pavimenta & vestes fletu maderent. Neque fides neganda sacris Virginibus Madregalensibus, quæ eum litantem in sublimi corpore sustolli



stolli animadverterunt. Nam quo eum modo terra teneret, qui abripiebatur quotidie jucundissimo Servatoris sui spectaculo; quem non tantum exterioribus videbat oculis, sed sacris quoque vulneribus ejus mellitissimis inhærebat osculis, familiari alloquio fruebatur, audiebat multa divina mysteria, & solatiorum cælestium pleno imbri perfundebatur? Inde credo hausisse illum amorem, quo erga omnes homines ita ferebatur, ut pro cuiusvis salute sanguinem vitamque profunderè paratissimus, inter duellantes medium se non semel objecerit, malueritque corpus suum, quàm tot animas periclitari. Indidem ea in dicendo libertas, quam vitæ suæ antehabuit: ut in vitia & vitiosos homines, lenones præsertim & Veneris nepotulos acerrimè inveheretur; Principum virorum aures vellicaret, & non licitos eorū amores scripturæ gladio palàm iret oppugnatum. Et verò constitit operæ suæ fructus, quamplurimis è carnis volutabro retractis sordidis animis. Sed & merces sua IOANNI constitit, qui contumelias & verbera in lucro posuit, protrususque in cœnum, maximam scilicet inde voluptatem hausit. Tametsi non tam æquo semper animo Superi, quàm IOANNES, injurias eas toleraverint. Certè lingulacas aliquot



mulieres, quæ viri innocentiam malo rumore asperferant, cælum vindex infami nece castigavit. Et sicarii in IOANNEM emissi, cùm ad eum obtruncandum brachia sustulissent, obriguère tamdiu, dum facilis in hostes suos medicus IOANNES precibus suis emolliit. Omitto cetera: hoc addo. Quia eum bene puris, limpidisque oculis esse oportuit, quem quotidiano sui adspectu Servator noster dignabatur, facile illi erat in aliorum animis occulta sensa percipere, & diu post futura multò antè prævidere. Itaque Argus jam totusque oculeus, fatum quoque suum, & diem non ignoravit, quo ad Dei & suam MATREM abiit, qui fuit mensis Iunii XI. cùm ad eam salutandã æris campani signo omnes monerentur, anno à Redemptore nato ∞. CCCC. LXXIX. Integerrimo ejus animo testimonium dedit corpus anno ∞. IO. XCIX. adhuc repertum ab omni putredine intactum, & gratum suavemque odorem exhalans. Miracula, quæ post ejus obitum contigerunt, hâc paginâ adscribere novum esset miraculum. Qui volet plura intelligere, legat vitam ejus à Georgio Maigretio Gallicè, Latinè à Nicasio Baxio editam. Tam multa autem cognoscunt cum Sahaguntinis Salamanticenses, ut eum sibi Tutelarem Patronum constituerint, & ad



ad diem ejus festum, quem jejunio solenni præveniunt, feriali cultu celebrandum sese jurejurando sacro obstrinxerint; Reges deinde Catholici Ferdinandus & Isabella, Carolus V. Imperator, Philippus II. & III. Reges, Episcopi & Antistites Ecclesiæ, catalogo Sanctorum inscribi, à Romanis Pontificibus multis precibus rogaverint; Gregorius denique Papa XIII. & Clemens VIII. in Beatorum numerum aggregarint.

*Lucidum celi decus, atque stella,  
Quæ solo latè rutilans Ibero,  
Nuper illuxti, face non remotâ*

*Aspice terras.*

*In tuas laudes animosa surgit,  
Sed jubar tantum refugit Thalia,  
Non potens vitam gracili stupendam*

*Dicere versu.*

*Tu voluptates salebrasq, carnis,  
Et strophas sæcli male dulcis, antè  
Nosse quàm posses, tenerâ beatus*

*Indole vincis.*

*Se tibi monstrat niveæ figurâ  
Frugis abductâ Puer, & lacertos  
Explicat gaudens; roseoq, nectar*

*Dividit ore.*

*Quis tuas cantet lacrimas precesq,  
Atque singultus? neque par es ipse  
Gaudio tanto: neque par idipsum*

*Musa referre.*

BONA-





I. Fran. in.

B. BONAVENTURA PATAVINVS Ord. Erem.  
S. AVGVSTINI, Scriptis, legationibus clarus, Cardinalis  
tit. S. Cœciliæ, pro ecclesiastica libertate in ponte S. An-  
geli Romæ telo confixus fuit.



BONAVENTURA  
PATAVINVS,  
CARDINALIS MARTYR.

**B**ONAVENTURÆ auspicatissimum nomen melior fortuna decoravit geminâ purpurâ illustris. Alteram à Romano Pontifice virtutis & doctrinæ ornamentum accepit; alteram colore sibi domestico, id est sanguine tinxit. Vtra pulcrior fuerit, tute arbiter esto. In Divi Augustini familiam adscriptus, pietati primùm, deinde sacris litteris strenuam operam navavit. Illam ubique, has verò Parisiis publicè per duo lustra professus est. Vtrisq; clarissimus ad clavum Ordinis sui adhibitus anno post orbem restauratū ∞. CCC. LXXVII. suffragantibus ei Patribus Veronæ congregatis, provinciam sibi commissam tam prudenter sancteque administravit, ut non inidoneus Pontifici videretur, qui legationes pro Ecclesiâ ad hos, illos Principes obiret. in quo splendidum eloquentiæ ejus lumen enituit, quando maximum operæ pretium sedandis schismatum tumultibus

G                      fecit;



fecit; adeoque honorem illum, si quis alius, promeruit, quo in sacratum Ordinem Senatorum deinde adlectus est. Urbanus ergo VI. creatione Cardinalium III. galero illum purpureo, & titulo S. Cæcilie donavit, atque Ecclesie sanctæ columnam immobilem esse iussit. Quàm non in indignum hæc prærogativa dignitas collata fuerit, necessitatis articulus docuit. Vexabat Ecclesiam Franciscus Carrariensis Patavinorum Regulus, & jura ejus imminutum ibat, tyrannicum in modum. Patavinus noster, æqui justique amator unicus, & sanctæ libertatis assertor vindexque acerrimus, cum Principe potentissimo congregari non est veritus. Modesto primùm alloquio injustum factum ei ob oculos ponere; contumacem deinde pro concione & propalam acerbius reprehendere; scriptis denique audacissimè & constantissimè in tyrannum invehi, &

*Auriculas teneras mordaci radere vero.*

Sed hoc erat crabronem irritare, cujus aculeum non minùs generosè excepit. Franciscus enim videns non posse divinum illud Christianæ libertatis os obturari, dedit operam, ut everteret. Missi ab eo Romam sicarii, qui Cardinalem ad Concilium itantem observarent, & è medio tollerent. Factum id in ponte Aelio, quem S. Angeli dicunt,



dicunt, ubi BONAVENTURA telo emisso confixus  
Ecclesiæ auctoritatem suo sanguine obfirmavit.  
Ut non immeritò post Volaterranum, Trithe-  
mium, & Pamphilum recentiores auctores mar-  
tyrii palmam ei detulerint. De anno martyrii  
scriptores variant. Panvinius occubuisse vult  
an. ∞. CCC. LXXXVI. Bzovius ∞. CCC. LXXXIX.  
Maigretius in Martyrographiâ ∞. CCC. XCIX.  
Crusenius p. 3. cap. 21. cum Pamphilo assignat an.  
∞. CCC. XCVI. Sed non video cur Onuphrius fidei  
jacturam hîc pati debeat.

Libri ejus, qui prodierunt, sunt

*In libros sententiarû Commentaria quatuor tomis distincta.*

*Meditationes valde piæ in vitam Christi.*

*Speculum Mariæ, editum Augustæ 1476.*

*Vitæ Sanctorum.*

*Commentaria in Canonicam S. Iacobi Apostoli.*

*Commentaria in Canonicam S. Ioannis.*

*Sermones de tempore.*

*Sermones de Sanctis.*

*Sermones ad Clerum.*

*Ternarium sive trinum bonum de regimine conscientiæ.*

*Breviloquium.*

Quæ BONA tam cupidè cælo VENTURA rogabas,  
In te, livoris missa sagitta dedit.



## BONSEMBLANTES,

BONAVENTURÆ

Cardinalis frater.

**P**ollucem dedi: addam Castorem. BONSEMBLANTES is est, ex eodem utero, quo Bonaventura genitus; sed & ipse fato immaturo vetitus diu lucere. Nunquam antea de ullo alio spem ampliore Religio Augustiniana concepit; nunquam postea magis frustrata est. Erat enim juvenis ingenio subtilissimus, ore facundissimus, vitâ innocentissimus. Sed, ut dixi, cum plenis jam radiis fulgere cœpisset, ante Pollucem, subitâ mortis violentiâ extinctus est. Non est opus hîc longum illi elogium attexere; satis magnificum BONSEMBLANTIS encomiasten habemus, doctissimum virum Franciscum Petrarcham, qui in epistolâ ad fratrem Bonaventuram lugubri penicillo virtutes ejus graphicè satis adumbrat.

FRAN-



BONAVENTURÆ PATAVINI.

3

FRANCISCVS PETRARCHA

BONAVENTURÆ EREMITÆ S.

Consolatoria super morte fratris.

**Q**ualem proh dolor ! virum , quod sidus amisimus . lo-  
quor improprie , & torrente rapior vulgaris eloquii ;  
nihil amisimus , nisi gratum , delectabilemque condictum ,  
& illius melliflui oris affatus ; quo loquente audientium  
animis , virtutum acres infligebantur aculei ; quo docente  
nemo non proficere poterat : eoq; magis , quò majori esset in-  
genio. Hæc & his similia , aliquantò citius , quàm velle-  
mus , nobis prærepta , non nego : quæ tamen in hoc brevissi-  
mæ vitæ cursu , ubi longum nihil , nisi dolor & gemitus ,  
longæva nobis esse non poterant ; sed necesse erat , ut confe-  
stim aut nos illum , aut ille nos præcederet . Ceterum hoc  
utcunq; : neque enim rei tam labilis , tam caducæ gravis  
prorsus , ac flebilis est jactura ; ipsum certè , quem amavi-  
mus , & quem semper amabimus , ipsum , inquam , non ami-  
simus , sed præmisimus ; qui nobis ad cælum suis precibus  
viam pandat , nos ibi alacer ac jucundus expectet . quò e-  
nim , nisi ad cælum abiisse , illum suspicer , qui etiam dum  
hic esset in terris , & sub mole corporeâ angelicis moribus  
& cælesti viguit intellectu . Nolim tibi nunc , quod præ-  
senti sibi nunquam feci , de tanto , tamque unico fratre

Lib. XI. re-  
rum semel  
epist. XIV.

G 3

blan-



blandiri ; sed humana laus , cuiuscunque in auribus melius sonat , quam ipsius , qui laudatur . Ita verò me ille amet , cuius in amore felicitas vera est , ut ego viventium famâ fortè aliquos , neminem sibi vel ingenio , vel eloquio , vel morum suavitatem præferendum novi ; quæ tanta illi inerat animæ , ut ab ipsius verbis , & congressu , nunquam nisi lætior , tranquilliorque discesserim ; neque mihi unquam tam longa confabulatio secum fuit , quin cupidis auribus meis , atque animo sitienti , brevissima videretur . Erant enim inter verba illius hominis , faces quædam blandæ , & lucidæ , præter communem morem , eorum quoque quos Magistros dicunt , erant in sermone hami inescati dulcibus sententiis , qui audientium corda , vaga quamvis , arriperent , ac tenerent . Quæ mihi colloquii facultas , etsi rarior foret , distrahentibus nos studiis nostris , humanarumque varietatum , his , qui sunt innumerabiles , uncis ac laqueis , qui sæpè animo iunctissimos terris & corpore distrahunt , vel absens tamen illo ingenio delectabar , hinc amici memor absentis , hinc illius præsentiam & cogitans , & expectans . quâ in re quantû vitæ huius in agone perdiderim , mæstus sentio , mæstusque mecum computo . quotiensq; Hieronymianum illud , in silentio tuo simul & meo nomine repetam ; Non meruimus talem vitæ habere consortem ? Nam etsi jacturam rei transitoria , non nimis flendam viro dixerim , ferè tamen mortales mortalium sunt jacturæ , quarum ex numero ea profectò gravissima est . Sed incommodum nostrum ,  
quan-



quantumcunq; est, fraternæ felicitatis contemplatione consolor. Nam & hic maluissimus bene illi esse, sine nobis, quàm nobiscum malè. De fratre igitur nostro, quem tibi mater, mihi charitas fecit, gratulandum nobis potius, quàm dolendum. quamquam enim ad tempus nos reliquerit, illuc ivit, ubi finis est omnium rectè viventium, pieque philosophantium, quorum hic noster in acie, dicere ausim, vel signifer, vel dux fuit. Neque verò ad injuriam naturæ, sed ad cumulum gratiæ cælestis ascripserim, quod paulò ante tempus, ut dici solet, durum hoc, & scrupulosum iter implevit. Tale est enim, quale si viator hyberno pluviæ die ad hospitium sospes, integer, indefessus, alto adhuc sole perveniat, quò alii fessi, & madidi, & viarum erroribus elusi, vix tandem sub crepusculum sint venturi. Nobis fortasse compatiendum, qui relictī sumus, non quòd illum amiserimus, ut dixi, qui nunc maximè noster est, sed quòd inter mundi mala, & pericula nostra senescimus, & ab illo exoptato ac felici hospitio retardamur. Proinde serenandus animus, siccandæ lacrymæ, comprimenda suspiria, non autem abjicienda memoria, sed ad illam frater, ut vivus, non ut mortuus, revocandus. Vivit enim verè cum illo, apud quem fons vitæ est, qui sibi, cui multa olim, & magna scripturarum suarum secreta revelaverat, nunc seipsum & illam, quam stupentes Angeli, venerantesq; suspiciunt, faciem ostendit. Magna ille dudum gloria patriæ, magnum Ordinis sui decus & eximium fuit. Et quamvis tu super sis,

non.



non omittam tamen. Quis non hominum vos spectabat oculis atque animo suspensus, praesertim ubi casus aliquis fortè vos jungeret, in consessu publico, aut in viâ? quis non vos amabat, & laudabat, & mirabatur? fraternitas ipsa miraculum addebat, ac raritas: par statura, eadem quasi corporis habitudo, una propè duobus fratribus aetas erat, una certè professio, una conversatio, unus habitus, una religio, unus ordo, unus spendor Magisterii. Pluris aestimabantur tales duo fratres, quàm quatuor alii, pares licèt. Felices parentes dicebantur, qui tale par hominum genuissent. Felix Patavium, ubi geniti essetis, & nutriti: nihil est enim, quod unamquamque patriam tam felicem facit, quàm suorum civium virtus & gloria. Vnde apud Virgilium, Roma quamvis opibus pollens & imperio, non aliâ tamen re, quàm prole virum felix dicitur. Felix denique Eremitarum ordo, in quo edocti, & instructi, ad hoc scientiae culmen, ad hanc gloriam venissetis. Nunc de parentibus quidem nil pronuntio, quos pridem ab hac luce subtractos, reor, patriae quantum decreverint, atque ordini, sentire; illos jam nunc arbitror, & in dies magis magisq; sensuros; sibi verò, qui hinc abiit, nisi quòd dolorem nostrum egrè illum ferre non dubito, nihil penitus decrevit, sed accrevit immensum, ut qui pro corruptione terrestri, caelestem incorruptionem, proq; temporali hac morte vitam sit adeptus aeternam. Qui ad me (juvat enim meminisse) longâ & gravi jactatum aegritudine, tum cum sero



fero illo ultimo venisset, heu! nunquam amplius reversurus,  
 mane autem fatalem sibi petiturus locum, ita me invitus,  
 tandem nocte jam sermonem dirimente destituit, quum a-  
 nimo provideret, inter nos hic fore colloquium illud extre-  
 mum, utque ego tum primum me egrotum intelligerem,  
 quod eo presente non senseram, paucis diebus interjectis,  
 mane quodam, qui sibi sollemnis & perpetuus mos erat,  
 eum Missam devotissime celebrasset, non multò post seria  
 inter verba cum amicis, repente se deficere cognoscens,  
 suam in cellulam properavit, lectuloq; acclivis, Davidicum  
 Psalmum illum famosissimum, *Miserere mei Deus*, in-  
 cipiens, antequàm expleisset, religiosam illam, atque (ut sic  
 dixerim) exceptæ actionis animam exhalavit. Ita Deo  
 redditus, nobis autem, quod ait Hieronymus de Blesilla,  
 subitâ morte substractus est; quo de genere mortis, ut per-  
 propriè ad rem nostram, ait Cicero, dictu difficile est, quid  
 homines suspicentur; Mibi de hoc nec loqui nec suspicari  
 aliud, sed illud potius opinari libitum ac licitum, Salvato-  
 rem nostrum IESVM Christum, qui mane eum mensâ di-  
 gnatus est, fero illum & æternæ cœnæ deliciis, & thalami  
 celestis habitaculo fuisse dignatum. Hoc ille meruit. Hoc  
 ego spero, hoc precor, hoc cupio. Quantum sanè me torserit  
 illa commemoratio, non facile dictu est, quòd eo ipso die,  
 quo Venetiis ille bene natus obierat, dum nos Patavii esse-  
 mus, & tu de more ad me visendum venisses ad vesperam,  
 interque libellos nostros, quod libenter, & nimis humiliter  
 H soles,



soles, consedisſes, atque ego, & quos de fratre rumores haberes, quaſividiſſem, proſperos reſpondiſti, cùm ille ſub meridiem exſpiraviſſet, at rei nuntium, & diei brevitās, & fluminis impetus diſtulerat. Itaque die proximo cùm & illum obiſſe, & te abiſſe didiciſſem, quotiens putas Virgilianum illud mœſtus exclamaverim?

Nescia mens hominum fati, ſortisq; futuræ.

Imò quidem fati, ſortisq; præſentis nescia mens hominum. Multa ecce dixi, vereorq; ne nimia. Et ô! ſi mihi calor ille ad ſcribendum eſſet, qui juveni fuit, quantum adhuc tecum de præmiſſi fratris ingenio, de doctrinâ, de eloquentiâ, de virtute, de moribus agerem? uberrima nempe materia eſt; qui etiam hoc ipſo ſenilis animi, non dicam frigore, ſed tempore plura dicerem, niſi quod excire tibi, & mihi lacrymas nolim, quas ſopire potiùs, & conſilium, & mens eſt. Hæc me ratio multis jam diebus à ſcribendo continuit, uſque adeò, ut vel tardus, quod fatendum ultro eſt, vel tui oblitus, quod fidenter negem, videri potuerim. Vera autem cauſa fuit, ne te minùs forſan idoneo tempore interpellans, & hinc tædii aliquid aſſerrem, & inde dolo-rem non minuerem, ſed augerem. Conſultò tibi ſpatium dedi, quo, cùm pietati non indebitas lacrymas reddidiſſes, reliquas & rationis imperio, & amici conſilio ac prece detergeres. Vale, & qui ſolari alios noſti, optimè te ſolare, conſolatorq; ſpiritus conſoletur. Tuâ in domo ruſticâ collis Euganei. Calend. Novembris.

Scriptit



Scripsit BONSEMBLANTES  
teste Iordano de Saxoniâ,

*Vtile opus studentibus.*

*Sermones multos ad Clerum.*

*Quæstiones diversas tam Philosophicas quàm Theologicas.  
Lecturas in 1. 2. & 3. Sententiarum. quæ Mediolani  
& Patavii in bibliothecis Ordinis extant, ut  
asserit Episcopus Signinus Iosephus Pam-  
philus.*

*Quæ BONA opes avido VENTURA sponderat  
Post BONSEMBLANTES orbi funere restituit.  
At (fors infelix!) fratri quod libor ademit,  
Hoc BONSEMBLANTI præcoce Parca nece.*





AEGIDIUS COLUMNIUS, Romanus, Ord. Eremit.  
S. AUGUSTINI, Prior Generalis, Archiepiscopus  
Bituricensis et Aquitaniae primas, in numerum  
Cardinalium à Bonifacio VIII. adscriptus.



# B. AEGIDIUS

## COLUMNIVS.

**H**oc egregium Religionis Augusti-  
 nianæ ornamentum Roma protu-  
 lit, fœcunda semper parens virtu-  
 tum atque ingeniorum. Origo illi  
 ex nobili eâque veteri familiâ Columniorum,  
 quam virtutum suarum decore ad immortalem  
 gloriam illustravit. A parentibus mores optimos  
 puer imbibit; adolescens à magistris hausit in-  
 signem liberalium artium eruditionem. Ingenio  
 erat sagaci, acri judicio, memoriâ verò suprâ  
 quàm credi potest, tenaci & capaci. In album fra-  
 trum Eremitarum S. Augustini adscriptus, ani-  
 mum, quem pietatis studio dederat, ad scholarum  
 quoque exercitia appulit; tanto equidem cona-  
 tu, ut æquales omnes sine omni æqualitate an-  
 tecelleret. Philosophiæ abdita illi tam clara erant,  
 ut nusquam hallucinaretur; adyta tam aperta,  
 ut penetraret omnia; studium denique ejus tam  
 jucundum, ut vivere in eo tantùm videretur.  
 Primis hisce studiis satis instructum Clemens

*Errat Gor-  
 donus, qui  
 cum natio-  
 ne Gallum  
 fuisse asserit,  
 & Gual-  
 therus, qui  
 Ægidium  
 Romanum  
 alium ab  
 Ægidio Co-  
 lumnio facit.*



*Nota, quàm  
Chronologi-  
cè Trium-  
phum scri-  
bat, quando  
Ægiliū di-  
xit floruisse  
sub Rudol-  
pho an. 1280  
Augustinū  
verò Trium-  
phum sub  
Ludovico  
Bavaro  
an. 1330.*

*Alph. Men-  
doza q. 3.  
Schol. §. 5.*

Auximas, Ordinis Augustiniani supremus Præses, destinavit in Galliam ad nobilissimum omnium scientiarum emporium Parisios, ubi cum Augustino Triumpho, Theologorum Phœnicem, Thomam Aquinatem audiret. Et verò audivit purgatissimis auribus; ejusque vestigia tam religiosè legit, ut qui à Thoma palàm dissentiret, AEGIDIUM alioqui virum mansuetissimum, hostem inveniret. Invenit certè Guilielmus Lamarensis, è familiâ Seraphicâ S. Theologiæ professor Oxoniensis, qui tunicæ suæ nimium amans, alienæ impotenter æmulus, *Divi Thomæ Reprehensorium*, & *S. Bonaventuræ Defensorium* impudenti calamo scribillare, & in publicam lucem emittere non erubuerat. In hunc ergo strinxit AEGIDIUS stylum, & magistri sui doctrinam Parisiis jam periclitantem, spectantemque exilium, tam generosè defendit, ut Schola Luteiana, omnes denique Thomistæ plurimum *Columnio* debeant. Ceterum tanta erat in viro animi modestia, ut, qui nihil ignorabat, scire suum nihil esse autumaret. Si quando à Thomæ sui sententiâ abeundum sibi putabat, excusabat tenuitatem ingenii sui, quasi argumenta aliter opinantis (cui nullum interim, nisi Magni nomen dabat) non satis intelligeret. Vbi verò in falso-  
similes



similes opiniones scribendum aut dicendum erat, (quod in scholis solemne est) moderatissimo id calamo & placidissimâ voce faciebat. Quâ animi demissione omnium animos rapuit; ut nescirent, magisne profundam ejus doctrinam, an modestiæ religiosæ virtutem admirari deberent.

Galliarum Rex Philippus III. cognomento Audax, tanti æstimavit ÆGIDIUM; ut eum Philippi Pulchri, filii sui studiis moribusque præfectum daret: quem ille bonis artibus, sed magis Principe dignis virtutibus imbuere conatus est; & præcepta, non modò auribus ejus instillare, quæ inventos abirent, sed scribere etiam posteris Regibus documenta nunquam intermoritura. Didacticon ergo opus illi dedicavit, *de regimine Principum*. Porro cathedram magisterii, quam ex Ordine suo primus ascendit Parisiis, tantâ cum majestate implevit, ut post Doctores, Angelicum & Seraphicum primas ei Academia meritò lubensque detulerit. Miraculi loco habendum est, quod ÆGIDIUS, qui voluminibus tam multis magnisque conscribendis tot annos impendit, nunquam memoriâ lapsus sit; ut in sententiarum ambiguitate, ubi sentire aliter & aliter ubivis cuivis licet, ille semper idem sentire potuerit, nunquam à se diversus; nihil ediderit transverso calamo aut cen-

*Gordonus  
notat Ægi-  
dium scri-  
psisse lib. de  
Regimine  
Principum,  
anno 1293  
quo quid  
ineptius?*



*Tritemius.*

censoriâ virgulâ dignum : ut hinc Sorbonistæ  
 eum Doctoris *Fundatissimi* titulo insigniverint.  
 Fundamenta enim doctrinæ suæ jaciebat ubi-  
 que irrefragabilia ; quæstiones perplexas eno-  
 dabat dilucidè , rerum arcana solertissimè in-  
 dagabat, dicebat clarissimè , omnia denique la-  
 tissimè explicabat, ut divinæ juxtâ humanæque  
 sapientiæ secretissima , ipsis quasi oculis mani-  
 busque usurpasse videretur. Apud suos eam do-  
 ctrinæ famam collegit, ut Patres Florentiæ in  
 Comitiis Generalibus sub Clemente Auxima-  
 te congregati anno ∞. CC. LXXXVII. sanxerint  
 F. AEGIDII Romani doctrinam in scholis esse re-  
 cipiendam , ac omnino defendendam. Verba  
 decreti sunt. *Quia venerabilis Magistri nostri fratris*  
*AEGIDII doctrina mundum universum illustrat, definimus*  
*Et mandamus inviolabiliter observari, ut opiniones, posi-*  
*tiones, Et sententias, scriptas, Et scribendas prædicti Ma-*  
*gistri nostri, omnes Ordinis nostri Lectores Et studentes*  
*recipiant, eisdem præbentes assensum, Et ejus doctrinæ*  
*omni quâ poterunt sollicitudine, ut Et ipsi illuminati alios*  
*illuminare possint, sint seduli defensores. Quam deinde*  
*femitam secuti plerique omnes : præ aliis Iaco-*  
*bus ille Viterbiensis, cui prius, quàm Archiepi-*  
*scopalem Neapoli infulam indueret, ob ingenii*  
*subtilitatem scholæ Speculativi cognomentum*  
 indi-

*Ex Registro*  
*Ordinis, Et*  
*Constitut.*  
*5. parte c. 2.*

*Claruit Iaco-*  
*bis Viter-*  
*biensis an.*  
*∞. CCC. X.*



indiderunt. Gerardus deinde Senensis : cujus de-  
mortui venerandum caput , ob singularem sci-  
entiam publicâ lauru solenniter Academici co-  
ronarunt. Denique Ioannes Dathus , Imolen-  
sis Episcopus; & quam-multi alii. Philippus verò  
Pulcher , cùm à Remensi inunctione Lutetiam  
novus Rex adventaret, ubi non ignorabat se pro  
scholarum more , solenni oratione exceptum  
iri, iussit eum, cujus præcepta adolescens liben-  
ter audierat , etiam-tum dicere , & se jam virum  
ac Regem pædagogicâ auctoritate instruere.  
Quod quàm luculentè fecerit , docebit oratio;  
quam intexere hîc operæ aliquod pretium duxi-  
mus ; ut intelligant omnes in cothurno etiam  
ambulare potuisse ÆGIDIUM, qui humili in soc-  
co repere nimiùm, & quia ad rerum difficillima-  
rum enucleationem Ciceroniana verborû leno-  
cinia non adhibuit, barbaricè loqui Iacobo Gret-  
fero visus est. Ita ergò Regem salutavit.

*E templis, & quasi è colloquio Dei Opt. Maximi venien-  
tes , ac continuò abs te , indulgentissime Rex , dicere iussi,  
non minore religione apud te verba faciemus, quàm quantâ  
modò pro te ante aras vota suscepimus. Te quoque eâdem  
animi pietate audiurum confidimus , quâ , ut sacræ scholæ  
verbis orationem faciamus , hortaris: ut quæ ultrò in men-  
tem tibi veniunt , ea etiam à tuis accipias , & tecum loqui*

I

per=

*Floruerunt  
Gerardus  
Senensis  
∞.CCC.XL.  
Ioannes  
Dathus  
∞.CCCC.LX.  
Vincentius  
etiam, à Si-  
gillo, edidit  
∞.ID.LXXV.  
Perusia in  
Ægidii ope-  
ra doctas &  
accuratas  
Annotationes  
Ægidiana  
na doctrina  
sequacibus  
apprimè  
gratas.  
Anno 1235.*

*Ex Paulo  
Æmylio de  
gestis Fran-  
corum lib.1.*



persæpe solitus , vocem etiam nostram non asperneris. Quid autem apud novum Regem antiquius , graviusque , quàm de Regno dici potest? Nomen enim Regium non in terris natum , excogitatúmve , sed è cælo demissum mihi videri solet. Parens enim rerum Deus , cùm genus humanum condidisset , summum quidem in illud imperium , jusq; penes se retinuit: sed ut mente in eum sublimes ferremur ; ut illum cupidius quæreremus ; ut spe & votis incenderemur , idcirco in terris palàm ipse degere , oculisq; intereà nostris obversari voluit , Reges instituit ; qui ejus vice munereque fungerentur : quorum ut quisque probitate ad Deum Optimum Maximum accederet , ita verissimè Rex vocaretur. Ita omnes eodem consilio dato , alià tamen alii viâ ad laudem contenderunt. Permulti singulis singuli virtutibus inclaruere. Audeo prædicare , nullum dum omnibus antevisse. Non pauci certè compluribus præstitere. Magnus enim campus Regibus patet ad gloriam , & ad eam cuncti mortales , sed maximè omnium Reges studio incitati feruntur . Dignissimum enim diademate censuerim , qui quidquid in ceteris pulchri passim aut legerit , aut audierit , id omne sibi universumque expetat : & quod desiderarit in aliis , id prætereà ipse præstet. Non pigebit me , dum te intueor , magnitudinemq; tuam considero , à Persis exempla repetere : quorum Reges tot gentibus imperitantes , cùm liberos suos ipsarum virtutum voce erudiri instituique non posse cognoscerent , quod proximum erat , conquisitione sum-



summorum virorum factâ, quatuor viros ex omni numero deligebant; unum justitiâ clarissimum, alterum prudentiâ, tertium fortitudine animi, quartum continentia excellen-tem. Horum præceptis institui jam inde à pueris Regum filii consueverant. Quæ disciplina quamdiu incorrupta per- mansit, tamdiu illud imperium maximum Orbis terrarum extitit, & tot post sæculis etiam apud nos memorabile, ac imitatione dignissimum. Sed satis mirari nequeo, id quod multis antè sæculis admirationi summis sapientiæ professõ-ribus fuisse video; post hominum memoriam summos Re- ges, maximosque Imperatores, ex rebus gestis, vitæque in- stituto aut fortunâ aliquâ præclara sibi cognomenta pepe- risse; alios Expugnatores, alios Illustres, alios Magnos, alios Felices, alios Augustos, alios Pios dictos, alios alio de- core nobilitatos: nullum dum Regum, nullum illorum Im- peratorum, qui rerum potiti sunt, Iusti cognomen ad hanc diem promeruisse: eam unam justî Regis palmam, cogno- minisque dignitatem ceteris occupatis, reliquam esse quæ petatur, quam primam omnium summâ contentione peti oportuisset: cum cetera privatorum hominum & multò minùs salutaria munera sint. Cujus rei causam quis aliam crediderit, quàm quòd sunt qui ferant, justum hominem majori aliis, quàm sibi, usui esse: quasi Reges loco cæle- stium instituti, dati que idcirco sint, ut sibi non Reip. sa- luti commodoque prospiciant: cum contrà res habeat, Re- gesque divinitus generi humano dati sint, ut in commune



consulant; justitiaque sit ea animi dos, quæ universâ utilitate conservatâ, suam cuique tribuit dignitatem. à quâ qui desciscunt, quamvis in Regio solio sedeant, Regesque in præsentia vocitentur; tamen adeò à Regio nomine, iudicio sapientium (quo quid majus? quid & gravius?) absunt; ut ne Latino quidem nomine nuncupari possint. Externo, & peregrino, & temporibus auribusque tuis, & voce pietas teque nostrâ indigno, nominantur. Ejus igitur culpæ ratio eadem est, quæ & communis exitii, maximorumque bellorum; quod opibus præstare, id in rebus humanis summum bonum arbitrantur: cum ea demum ac una magnitudo Regia sit, ut cum cupiditati animi modum semel imposueris, quam ceteros mortales magnitudine nominis antecedis, tam benefactis anteire contendas; & eâ inprimis excellas virtute, à quâ unâ reliquæ jura petunt: ejus nutum intueantur, ad eam omnia referant, ab ejus ore pendeant: cujus fidei aliæ rerum summam arbitriumque mandarint, sequæ ejus administras comitesque profiteantur. Ea haud dubiè justitia est, pro quâ fortitudo, constantia, gravitas nisi depugnet, suum jus, nomenque ac decus amittat, feritas, immanitas, vecordia dicatur: cui sapientia nisi appareat, præstoque sit, malitia, calliditas, fraus, captio necessario vocitetur. Ejusdem est, cum hominum genus ex ferâ silvisque in urbes mansuetudinemque exciderit, legum ac institutorum vinculis conjunxerit, consociaritque, dare operam, ut probi mores vigeant; pietas, fides, pudor, modestia, continen-



inentia, temperantia colatur. Quin ipsa liberalitas, quæ  
prodesse velle se, ac augere multos gloriatur, nisi sine inju-  
riâ, sine maleficio alterius id faciat, nisi justitiæ vestigiis  
insistat, cujus se germanam atque maximè geminam præ-  
dicat; omnis commendationis dignitatisque sit expers;  
priusquàm alios spoliaret, quàm aliis largiatur. Eadem &  
magnificentiae & munificentiae est, ut ab injuriâ procul  
faceffat: & unius justitiæ nomine omnes contineantur, ea  
omnes sit: eam vim suam etiam sanctam mortalibus teste-  
tur: quòd cum quænam mortalium generi tuendo debean-  
tur, præscripserit; cælum etiam suspiciens, illi in animis  
hominum venerationem cultumque reddat: pietatem &  
religionem, templa, sacra, superis impertiat, summumque  
mundi artificem velut coràm contemplatâ, imitandum sibi  
proponat: &, quemadmodum ille signa, sidera, cæli motus,  
temporum vicissitudines, sempiternâ certâque lege devinxit,  
à quâ deficere nequeant; ita ipsa terrestribus his apud nos  
Regnis, si perpetua futura sint, salutare leges juraque præ-  
scribat. Hæc igitur justitia terris incedens, ac cælum cer vi-  
ce contingens, ita sibi nihil ipsa petens, nihil captans, sua  
cuique tribuit, ut ei nihilo secius genus hominum, resque  
omnes ejus beneficio incolumes, sceptrâ assignent, simul  
qui justî legitimi que Reges à parentibus, more, instituto,  
& legibus, consensuque Regna acceperint, nulli rei plus  
quàm justitiæ debuerint. Majus enim certiusque matrimo-  
nium, ac ampliores facultates, ab eâ acceperunt, quàm à



parentibus. Illi enim opes, gazam, arma, arces, praesidia tradere potuere: ut veri justique Reges sint haberentur: quae ipsi, ac liberis deinceps per manus eadem relinquant, id munus ejus Reginae sit. Cur enim Iustitiam Reginam vocare dubitemus; quae Regna tradat, tueatur, sancta efficiat? adeo, ut etiam si id verum credatur, quod & Proceres sapientiae nonnulli dixere; Iustum plus aliis prodesse quam sibi: dissimulari tamen non possit, veros Reges, eosque inprimis qui Regibus orti, generaturi Reges sint, ei Reginae accepta omnia ferre debere: quam & ipsos in se colere, & ceteris praestare conveniat. Et ut omnia semel complectar, religionis, moderationis, fortitudinis, prudentiae, liberalitatis, Iustitia parens est: nec divelli à Rege potest, Regio nomine incolumi. Nec difficile est factu, eam praestare; non aequè cetera. Etenim sapientia ingenii indoles est, quam nullus efficere, creareve sibi potest. Naturae bonum ac Dei donum est. Fortitudo quoque vis quaedam & magnitudo animi censetur, ac id mentis robur ferè, ut cuique insitum est specimen, cernitur. Quid quod continentiam facilem aut difficilem corporis dos habitusque praestare videri possit. Iustitia aut à solâ voluntate proficiscitur, & ut quisque vult justus, secusve est; aut facillimè omnium Regis ingenius se ultrò discendam praebet. Forma corporis, oris dignitas, frontis gravitas, vultus majestas, fulgor, vigor, ac lumen oculorum (quando maximè inclyta caelestium munera repudianda dissimulandaque non sunt)

Spe-



ſpectantes movet, tenetque, ac admonet, quænam ſpecies  
primi à ſummo artifice initio rerum creati hominis fuerit:  
qualesque quicumque juſtè regnarint, futuri ſint in illâ fe-  
lici immortalitate. Quòd ſi corporis pulchritudo tanti eſt,  
ut quodam ſui miraculo reliquos afficiat: quid ſentiendum  
eſt de illâ pulchritudine, quæ eſt animi verè Regii, quæ ſi-  
millimum Superis facit? Age, macte indole animi, ſpeque  
mortalium, hanc virtutum Reginam. Rex in conſilium  
ſemper admitte: ejus ſpeciem animo concipe, ad eam te con-  
forma, eamque intuens te compone. Quàm ea te delectabit?  
Quàm mirum ſui amorem apud te excitabit? Quàm te cæ-  
leſtibus charum acceptumque efficiet? Quantam tibi maje-  
ſtatem apud tuos, apud alienos conciliabit? Quàm te im-  
mortalitati nominis conſecrabit? Is demum optimus Rex  
erit, ac minimè rerum inclinationibus, temporumque com-  
munium mutationibus, & publicis caſibus (qui ſummis  
Imperiis, ubi aliquid labat, ferè accidere, ut humanis cor-  
poribus morbi, conſuevère) obnoxius, qui eam ſemel pe-  
ctore admiferit, ac deinceps ejus conſuetudine tenebitur:  
nec ipſe modò felix, ſed & , quod proprium Regum eſt,  
ſuos felices efficiet. Præguſtans, quanta quamque ſolida  
futura ſit, illa inter ſuperos ſumma æternaque felicitas,  
quam optimis Regibus juſtiſſimisque designavit divinum  
Numen. Hujus ut apud nos partes interea ageres, hoc ſo-  
lio velut in editiſſimâ terrarum ſpeculâ ſedes.

Si hoc quoque Gretſero barbaricè loqui eſt,  
certè



*Claudius  
Robertus in  
Galliâ Chri-  
stianâ.  
Bzovius ad  
an. 1285.  
n. x.*

*Renatus  
Chioppinus  
Monast.  
lib. 1. tit. 1.  
num. 15.  
Iacobus du  
Breul in  
theatro An-  
tiqu. Pari-  
sienſium.*

certè illâ istâ suâ barbarie AEGIDIUS Regis non barbari animum ita commovit, ut Iustitię, quam mortalium flagitia terris proscripserant, postliminò in Galliæ regiâ urbe domicilium perenne conderet, & sacrum *Parlamenti* tribunal dedicaret. Porro intra Lutetianæ Academiae parietes latere Vir tantus non diu potuit. Sub initium anni .m. cc. xcii. coactus Patrum Augustinianorum Senatus Romæ in cœnobio S. Mariæ de populo, unanimis suffragiis COLVMNAM ad Religionis universæ clavum alligarunt. Quàm invitus, tum oneri humeros submisit, tam sedulus deinde cōmissam sibi provinciam administravit. Nunquam plus incrementi accepit Ordo Augustinianus quàm sub hoc Præfecto, quem à sapientiâ & sanctitate, duabus profectò religionis gemmis, totus Orbis venerabatur. Religiosi Fratres de pœnitentiâ IESU Christi, à vili veste Saccitæ vulgò nuncupati, cùm à priori vivendi instituto quotidie se deficere animadverterent, ad Eremiticæ vitæ amorem AEGIDIANO exemplo accensi, locum, quem à Divo Rege Ludouico sibi Lutetiæ designatum annis non ampliùs triginta duobus incoluerant, sedesque suas, & larem sacrum illi ceu Ordinis supremo Præsuli obtulerunt, pactisq; conditionibus pridie Eidus Octobris



breis ∞. CC. XCIII. tradiderunt; cū prius men-  
se Aprili liberalem Philippi Regis Pulchri gra-  
tiam, & Simonis Parisiensis Episcopi benevo-  
lum assensum impetrasset. Regem Anglorum  
sibi devinxerat *Commentario* illo, quem *in libros*  
*Posteriorum Aristotelis* scripsit, flagitante Stephano  
*de Mauley* viro principe inter Britannos: ut huic  
uni ejus lucubratiuncule debeamus monasteria,  
quæ in illâ Insularum omnium maximâ obti-  
nuimus plurima optimaq; . Guidonem Flandriæ  
Comitē sibi conciliavit, dum filio ejus Philippo  
obsecundat roganti Elenchorum Sophisticorum  
sibi libros illustrari: ut huic illius scripto etiam  
acceptum referamus, in principe urbe Gandavo  
monasterium, quod *Borlutii*, potens ibi familia,  
in suo nobis fundo erexerunt. Quid dicam de  
immortali beneficio, quo Pontifex Maximus  
Bonifacius IIX. immò Ecclesia illi universa ob-  
stricta fuit? Exemplum nunquam antea visum,  
neque repetitum postea, Cælestinus V. præbue-  
rat, qui ex eremi latebris ad summum fastigium  
evectus, dignitati Apostolicæ, cujus oneri impa-  
res suos humeros agnoscebat, renunciaverat, &  
ad loca sola, tanto semper opere amata, libens  
reverterat. Principes interea quidam & Reges  
dolere, scilicet, qui Pontifice nihil non indul-

*Hinc sequi-  
tur falli  
Crusenium  
qui Saccitas  
Ordini Au-  
gustiniano  
unitos putat  
an. 1256. per  
Alexand. IV.*

K gente,



*Bonifacius  
VIII. dictus  
ante ponti-  
ficatum Be-  
nedictus  
Cardinalis  
Cajetanus.*

*Anno 1296.  
Malè refert  
hanc ejus  
inaugura-  
tionem Gor-  
donus ad  
an. 1285.  
cum Gene-  
brardo.*

gente, Ecclesiæ patrimonia arrodere cœperant, regna quoque integra devorandi spe certâ tumidi; & Bonifacium VIII. successorem, bonis, quæ iste prodigè effuderat, recuperandis, aut retinendis quæ alii velut esurientes lupi inhiabant, intentum, sugillare atque apud omnes ambitionis & fraudis reum peragere. Et jam propè aberat, ut in ordinem Bonifacius innumeris multorum lædoriis aspersus retraheretur, magno cum damno scandaloque universi Orbis Christiani, nisi AEGIDIUS noster, qui propter sanctitatem & doctrinam apud Reges omnes Principesque summâ auctoritate valebat, libro apologetico, cui titulum *de renunciatione Papæ* præfixit, Pontificis innocentiam defendisset, & Bonifacium legitimè fuisse electum solidè dilucideque probavisset. Potuisset Bonifacius jam non videri Bonifacius, nisi bene quoque faceret illi, cujus beneficio Bonifacius ad Benedictum non redierat. Calamum ergo Pontificatus sui tam potentem defensatorem Pontificiâ etiam infulâ honorare voluit, & AEGIDIUM dare Bituricensibus Archiepiscopum, ac Primatem Aquitanix nominare, gratulante Philippo Pulchro, bonis omnibus applaudentibus. Sed & Ordini Augustiniano, cui COLVMNAM eripuerat, cavere voluit Papa, & anno eodem



eodem divulgavit Constitutionem; *Ad consequendam gloriam*; quâ vetuit prope Ecclesias & Conventus FF. Eremitarum S. Augustini, alios Religiosos mendicantes nova loca infra spatium can-

*Franc. Coriolanus in Brev. Chronol. Pontif. & Conc.*

narum CXL. ædificare. Porro munere isto auctus ÆGIDIUS, inter primas curas habuit Bituriges suos divini verbi pabulo abundè lauteque pascere, & quod maximum omnibus in rebus pondus habet, exemplo ad sanctiorem, adeoque cælestem vitam, & mores quotidie incitare; totum se, assiduumq; dare rerum divinarum contemplationi, nauseare terrena omnia, nihil sapere, nihil cogitare humanum, nisi cùm morbidæ oves salutarem pastoris manum, & oportunum remedium implorarent. Hisce occupatum interturbare mulier ausa est, & corporis etiam valetudinem importuna flagitare ab eo, qui tam libenter animas curabat. Ille verò, ut probaret minùs difficilem corporum quàm animarum medicinam, paucis verbis (brevem faciebat cura cælestium) *Vade, ait, bona mulier: fiat tibi secundum fidem tuam.* Et cum dicto mulierem abeuntem salus integra secuta est. Sed hæc aliò spectant.

Assedit Concilio Oecumenico Viennæ sub Cle-

*Anno 1311.*

mente V. in quo Templariorum Equitum Ordo,



Romanę pridem Ecclesię oppidò salutaris, damnatus est, & qui annis omnino CC.III. floruerat, toto terrarum orbe simul extinctus. Reditus eorum Rhodianis Equitibus cesserunt; AEGIDIUS ædem & locum, quæ Bituricis habuerant, Augustinianis suis à Philippo Pulchro impetravit. In numerū Cardinalium adscriptus sed non enunciatus est, morte interveniente, Pontificis an ipsius AEGIDI, incertum. Bzovius post Hieronymum Seripandum, vult Bonifacium AEGIDIO tam bene voluisse, facturum etiam, nisi fato prematuro atque inopino Pontifex ex humanis abiisset: successorem verò Clementem V. à Proceribus & Rege, quibus Bonifacii famam & favitores damnare volupe erat, inflammatum adversus AEGIDIUM, prohibitumque destinata honorare purpurâ Bonifacii protectorem. Bonus utique hic color, si esset à vetusto penicillo. Alii putant Ioannem XXII. AEGIDIO de Ecclesiâ optimè merito dedisse locum inter Purpuratos Patres; hunc autem à Deo in Sanctorum consortium adlectum prius, quàm evulgaretur, ad cæli cardines transisse. Vero propinquius mihi hoc visum, & falsum Bzovii argumentum. Philippi enim Regis gratiâ excidisse, aut incidisse Clementem.



mentis Papæ odium quî potuit ÆGIDIÏVS, quos fecit Ordini suo ex Templariorum bonis liberales donatores? Certum quoque est, absurdè hallucinari Ioannem de Chenu, qui asserit ÆGIDIÏVM anno Christi  $\infty$ .ccc.xv. Cardinalium catalogo inscriptum fuisse, cùm sedes totum illum annum vacaverit. Cui addit deinde alium non minùs crassum errorem (ita nullum peccatum solum est) quando dicit eum Parisiis diem suum obiisse, cùm Avenione mortuum esse apud omnes in comperto sit. Hîc namque illi annis jam gravi morbus prætereà molestus incubuit, & monuit sarcinas colligere, ac parare in cœlestem patriam iter. Sed ille ut expeditior iret, abiecit omnia, & tabulis compositis, per Romanum, Bituricense ac Lutetianum cœnobîa disperfit. Ista enim amabat præ reliquis: quod ipsum id, ipse hæc Religioni Augustinianæ adgenuisset. Sacræ supellectilis Conventum Romanum, profanæ Bituricensem, bibliothecæ & exuviarum suarum Parisiensem, heredes scripsit: ipse cœli hereditatem adiit vigesimâ secundâ die mensis Decembris, anno trecentesimo decimo sexto supra millesimum. Corpus Lutetiam translatum sepultum-



que in æde Augustinianâ juxta aram templi principem, hoc Epitaphio insignitur.

HIC. IACET. AVLA. MORVM. VITÆ. MVN-  
DITIA. ARCHIPHILOSOPHIÆ. ARISTOTELIS.  
PERSPICACISSIMVS. COMMENTATOR, CLAVIS.  
ET. DOCTOR. THEOLOGIÆ. LVX. IN. LVC EM.  
REDVCENS. DV BIA. FRATER. ÆCIDIVS.  
DE. ROMA. ORDINIS. FRATRVM. EREMITARVM.  
S. AVGVSTINI. ARCHIEPISCOPVS. BITVRI-  
CENSIS. QVI. OBIIT. ANNO. DOMINI. M. CCC. XVI.  
DIE. XXII. MENSIS. DECEMBRIS.

Scripta AEGIDII Columnii hæc sunt

## PHILOSOPHICA.

*In libros Priorum Aristotelis.*

*In libros Posteriorum, petente Stephano Mauley, viro inter Anglos illustri.*

*In Topica Aristotelis,*

*In libros Elenchorum Sophisticorum, rogante Philippo, Guidonis Flandriæ Comitis filio.*

*In artem veterem.*

*De medio demonstrationis lib. I.*

*In libros Rhetoricorum Aristotelis.*

*De differentiâ Ethicæ, Politicæ, & Rhetoricæ, ad F. Oliverium Ord. Prædicatorum.*

*In librum de bonâ Fortunâ Commentarius.*

*In*



*In libros Ethicorum Commentaria.*

*In libros Politicorum Commentaria.*

*In libros VIII. Physicorum Expositio.*

*In libr. Arist. de Generatione & corruptione Commentaria,  
cum Quæstionibus in eundem de Animâ.*

*In libros Arist. de Animâ Commentaria, flagitante Iacobo,  
ex Romanis viro nobili Canonico Rhotomagensi.*

*In Parva naturalia Arist. Commentaria.*

*In librum de Causis Commentarius.*

*De materiâ cæli contra Averroësem lib. I.*

*De gradibus formarum accidentalium lib. I.*

*De intentionibus in medio lib. I.*

*De formatione humani corporis in utero lib. I. impressus  
Arimini an. 1626. in 4. apud Ioannem Simbenium.*

*In lib. Arist. de Physionomiâ Commentarius.*

*Vtrum sit dare plura principia simpliciter prima.*

*De esse & essentiâ Theoremata XXII.*

*De purificatione intellectûs possibilis.*

*In lib. XII. Metaphysicorum Commentaria.*

*In eosdem lib. Metaph. Quæstiones.*

*De erroribus Philosophorum lib. I.*

*In Boëtium de Consol. Philosophie Expositio.*

## THEOLOGICA.

*Hexameron sive de mundo sex diebus condito. lib. II. Romæ  
apud Antonium Bladum. fol. 1555.*

*In librum Canticorum. Romæ apud eundem.*

*In epistolam ad Romanos. Ibidem apud eundem.*

*De defectu & deviatione malorum culpæ & peccatorum à  
verbo lib. I. Ibidem apud eundem.*

*De corpore Christi Theoremata L. Ibidem.*

*De Charactere lib. I. Ibidem.*

*De*



*De corpore Christi tractatus: requirentibus Dominis & Amicis. Ibidem.*

*De paradiso, purgatorio, & inferno. Ibidem.*

*De articulis fidei. Ibidem.*

*De Arcâ Noë. Ibidem.*

*De peccato originali. Ibidem.*

*De Prædestinatione & præscientiâ. Ibidem.*

*In Ius Canonicum de summâ Trinitate & fide Catholicâ, Firmiter; & super Decretalem, cum Martha; de celebratione Missarum lib. II. Ibidem.*

*Expositio super Orat. Domin. & salut. Ang. Ibidem.*

*De concessionibus rerum immobilium, quæ à Regibus Ecclesiæ fieri solent. Ibidem.*

*De renunciatione Papæ. Ibidem.*

*Contra Exemptos lib. I. Ibidem.*

*De cognitionibus Angelorum. Ibidem.*

*De motu Angelorum.*

*De compositione Angelorum.*

*De loco Angelorum Quæstiones.*

*De mensurâ Angelorum.*

*In primum, secundum, & tertium sententiarum. Romæ apud Alexandrum Zannettum 1623.*

*In quartum sententiarum.*

*In totum Canonem Bibliæ, & sufficientiam librorum sacræ Scripturæ lib. II.*

*In epist. D. Pauli ad Corinthios.*

*In omnes Pauli Epistolas.*

*In Epistolas Canonicas incepta Commentaria.*

*In Evang. Ioannis libri II.*

*In illud Canonica Ioannis, Omne quod est in mundo, lib. I.*

*Contra expositionem Petri Ioannis de Narbona super Apocalypsin, iubente Bonifacio PP.*

*Defen-*



*Defensorium contra impugnantes S. Thomam Aquinatem.*  
Coloniæ 1626.

*Contra Hæreticos lib. quem Ferrens fulmen appellavit.*

*Compendium Theologica veritatis.*

*De subjecto Theologia lib. I.*

*De gradibus formarum lib. III.*

*De esse & essentiâ, seu de primo principio quæst. XIII.*

*De resurrectione mortuorum quæstiones septem Parisiis disputata.*

*De rationibus seminalibus lib. I.*

*De divinâ influentiâ in Beatos lib. I.*

*De Ecclesiasticâ potestate lib. III.*

*De excellentiâ summi Pontificatûs.*

*De gratiarum actione lib. I. ad Bonifacium VIII.*

*Isagoge seu Introductio Christianæ fidei ad Regem Armenia,*  
jubente eodem Pontifice.

*De laudibus divinæ sapientiæ lib. I.*

*Quodlibeta sex.*

*Sermones solennes ad Clerum.*

*Sermones alii & Epistole.*

*Oratio in Philippi Pulchri Galliarum Regis inauguratione,*  
quæ suprâ habetur.

Et alia multa.

Nam ÆGIDIO post Aurelium Augustinum neque plura  
quisquam in divinis scripsit, neque accuratiùs. Sabellicus  
tom. 2. Enneadis 7. lib. 9.





ALEXANDER OLIVA Ord. Erem. S. AVGVSTINI,  
Cardinalis tit. S. Susannæ, innocentia vitæ, ac  
diuini verbi prædicatione illustris, multorum  
Principum discordias composuit.



## ALEXANDER

O L I V A,

S. R. E. C A R D I N A L I S.

**S**Axo-ferratum, Vmbriæ oppidum, quod olim Sentinum fuit, à Bartholo-  
 lureconsulto, & Nicolao Perotto Si-  
 pontino Archiepiscopo nobile, ALE-  
 XANDER OLIVA noster multò illustrius reddidit.  
 Hic ille obscuris parentibus natus, sed tertio vi-  
 tæ anno denatus est, fortuito in aquas lapsu, quæ  
 spiritum puero intercluserunt. Primam vitam  
 dedisse, quam ita citò perderet, grave matri vi-  
 debatur, nisi quoque alteram ei à cælo impetra-  
 ret. Instare ergo precibus lacrymisque apud Ma-  
 trem-Virginem orba mater, & voto pio jam-  
 nunc in perpetuum illi obsequium consecrare,  
 si revivisceret. Auritum fuit cælum. Audivit pias  
 preces Mater misericordiæ, & miraculo vitam  
 illi restituit, qui deinceps vitæ miraculum vive-  
 ret. Quod statim & luculentè ostendit, quando  
 ex ephœbis transiit ad institutum monasticum,  
 quod Eremitæ Augustiniani profitentur. Vbi



pietatis prima fundamina tam solida posuit, ut nihil jam ab eo humile, nihil vulgare, ampla omnia, præclara, inusitati exempli novi generis Sodales omnes expectarent. In studiis perdius pernoxque erat: ad quæ se ita applicuit, ut non inanem quandam eruditionis speciem quæri, sed veram sapientiam, quæ æternâ cum famâ salutem quoque parit, amari ab eo satis constaret. Frequens enim illi etiamnum adolescenti in ore erat; *Difficilius, sed laudabilius esse hominem fieri bonum, quàm doctum: utilioremque sibi & aliis esse moribus præstantem, quàm doctrinâ excellentem.* Porro eam sapientiam ita altè imbibit Arimini, Bononiæ, & Perusiæ, ut in principibus sui ævi Theologis numeraretur. Quare jussus in Academiâ Perusinâ cathedram ascendere, publicè Philosophiam summâ cum laude interpretatus est. Deinde ob præclaras animi dotes, vitæque sanctimoniam an. 1439. in comitiis, quæ Reverendissimus P. Gerardus Ariminensis Perusiæ instituerat, communibus omnium calculis, invitus reluctansque Provincialis declaratur. Quo munere ita integrè innocenterque functus est, ut contra Augustiniana decreta perpetuo triennio de successore nemo loqueretur: donec Romæ Eugenius IV. eum Ordinis Procuratorem Generalem designaret



ret frustra viribus omnibus renitentem. Sed ille rerum temporalium curis abdicatis, totum se verbo Dei seminando dedicavit. A quo, cum Cardinalis Tarentini Protectoris Ordinis imperioso libello, se ad curam vitamque pristinam revocatum iri non ignoraret, clam omnibus in loca sola profugit, latuitque duobus circiter mensibus à Petro quodam Eremita sustentatus. Tarentino autem cum ipso Eugenio urgenti, ut ne seipsum tantâ doctrinæ & nominis gloriâ fraudaret, rediret ad publica gymnasia, néve Ordinem desereret, respondit rythmo quodam vernaculo; *Gloriam nominis, quæ ex Deo non esset, esse asinorum merum rudentisibilum, absonum atque omnino absurdum*; additâ prece, ut sibi liceret perstare in proposito, & servire Deo regiam servitutem. Quod, quia honestè negari non poterat, cum impetrasset, divinum Evangelii semen spargere aggressus est, tam latè, studioseque, ut nulla in Italiâ urbs fuerit, quam ille sanctissimis præceptis propè non reformaverit. Nullus gladius in hostilem cervicem atrocior, quàm lingua ALEXANDRI in flagitia, incubuit. Neapoli, Senis, Florentiæ, Bononiæ, Mantuæ, Ferrariæ, Venetiis, & ubi non? prædicavit; an fulgurivit? undatim confluentibus semper hominibus, quos delectavit



profundâ rerum scientiâ, magis tamen commo-  
vit vitæ exemplo. Subinde generalis suæ Reli-  
gionis Vicarius constitutus, Provincias omnes  
pedibus, quamdiu eos integros sanosque ha-  
buit, lustravit: ubi verò seu ab ætate, seu à ni-  
miâ defatigatione vitium accessit, aselli com-  
moditate uti cœpit. Rigidam ubique observan-  
tiam fratribus suis imperavit, pro nihilo ducens  
improborum calumnias, qui eum ceu durum &  
nimiùm severum Dictatorem compositis di-  
cteriis apud omnes differebant. Neque tantùm  
religiosa negotia tractavit; Principum quoque  
& urbium discordias examinandas suscepit, &  
composuit. A Senensibus cruenta prælia & cla-  
dem civilem avertit: Florentinos tumultu peri-  
culoso æstuantibus ad malaciam reduxit: Perusi-  
nis sæpè dissidentibus sæpè ad concordiam au-  
ctor fuit. Capitales passim inimicitias, privata-  
que odia, quocunque profectus est, oppressit,  
sopivit, extinxit: ut meritò Angelus pacis dici  
potuerit, & pro eo habitus sit. His eximiis ani-  
mi dotibus, & insigni prætereà sanctimoniâ ve-  
nerandus, in conventu Piceno an. 1459. ad sum-  
mam Ordinis præfecturam evectus est: cùm ille  
interim palàm ad ravim ferè occlamitaret, in-  
improborum suffragatoribus, asperum sibi eum  
ex-



experturis, quando mores vitiaque singulorum non ignoraret. Eo quoque munere tam sanctè perfunctus est, ut Pius II. eum solum ex toto orbe terrarum dignum judicaret, quem nihil tale opinantem purpurâ ornari & ad amplissimū honoris gradum efferri oporteret. Anno ergo insequente, Domini 1460. in Collegium Cardinaliū cooptatus, & titulo S. Susannæ donatus est. Nihil eo in hâc etiam dignitate fuit continentius. Legatus in Picenos, ut natum inter Anconitanos atque Esinos bellum componeret, cū à Civitatibus, oppidulisque, quā transeundum erat, vasa argentea, aliaque non contemnenda ab avaris munera, passim ei offerrentur, rejecit omnia. Dubitares, aliine ad præsentandum importuniores, an ille præfractior esset ad repulsandum: ut annonam quoque gratuitò missam non admitteret. Cū autem comites per jocum ei dicerent; *Quantum M. Curius Marforum bello, tantum nos in Piceno egimus prædæ. Nam cū jurasset ille nihil se præter fagineum gustum, quo sacrificarat, ex bello reportasse; nos, nec quæ ad gustandum quidem faciunt, attigimus: conversus ad eos; M. Curius venit in Marfos ut prædaretur, nos venimus in Picenos, ne prædæ fierent.* In alios verò sua prodigere, videri poterat, nisi pauperibus distribuisset. Propinquis nihil,  
præ-



præter ea, quæ ad victum pertinent, contulit; neque ea nisi summo Pontifice annuente. Interrogatus, cur germano suo, ut militiam sectaretur, auctor fuisset; *Vt ex magistratibus, inquit, industriâ vivat suâ, non ut ex me, quæ pauperum sunt, asportet.* Familiari alloquio litteratos tantum & vitæ probatæ viros dignabatur: alios non contemnebat quidem, sed quantum humani satis leges patiebantur declinabat. A prophanis, etiam nepotibus tangi se non sustinebat: tanto pudicitia studio ferebatur. Morbo ægrum, & somno gravem, cum excitarent, conversus ad Malatestam unum è suis; *Abi, inquit, fili mi Malatesta, ne me tange: nam prophanus es.* Quàm non sibi in purpurâ placuerit, Christiano exemplo satis probavit. In sacello enim, quod domi extruxerat, clam familiâ omni, scitè in scrinii formam sepulcrum sibi, quod digito leviter aperiri posset, apparari curaverat: in eoque Cardinalis viri cadaver depingi, quod ipsum illum oris lineamento & vestis colore referret; in sepulchri interiori latere adscribi hæc verba; *In omnibus operibus tuis, memorare novissima tua, & non delinques in æternum.* Scrinium hoc, cum orationi se daret, recludebat, eamque sui imaginem speculando vicinæ jam morti proludebat. Pictor, eo vitâ defuncto, falsus



fassus est, jurejurando sacro se obstrictum, ut hoc omnes celaret. Morbo ingravescente rogatus, quo in loco humari vellet; *Animam*, ait, *jam pridem Deo vovi, nunc corpus Pio relinquo: ubi is volet, me sepelitote.* Quæsitus, quid suis mandatum vellet; *Nihil*, respondit, *nisi ut boni sint, recteque vivant.* Morte jam ingruente, cum religiosi monerent, ne quid timeret; *Quid*, inquit, *ego timeam, qui ad nuptias eo.* Ivit autem ætatis suæ anno sexto & quinquagesimo, Domini millesimo quadringentesimo septuagesimo & tertio, duodecimo Calendas Septembris. Tibure corpus Romam delatum, in Ecclesiâ S. Augustini, marmoreo sepulcro conditum est, cum hæc epigraphe.

ALEXANDRO. OLIVÆ. SAXOFERRATENSI.

THEO. CLARISSIMO.

EREMIT. SANCTI. AUGUSTINI.

AB. INFANTIASPEI. MAXIMÆ. ALUMNO.

QVI. CVM. ESSET. SVI. ORDINIS. GENERALIS.

OB. SINGVLAREM. DOCTRINAM. ET. VITAE. SANCTIMONIAM.

CARDINALIS. A. PIO. II. IGNORANS. CREATVS. EST.

VIXIT. ANNIS. QVINQVAGINTA. QVINQVE.

OBIIT. ANNO. SALVTIS. M. CCCC. LXXIII.



*Vt tibi sola dedit Probitas, non gratia soli,  
 Digno Cardineum nomine, reque decus:  
 Sic eadem indignis raptum dum tollit ad astra;  
 Felix hoc, inquit, Principe Roma foret.*

De ALEXANDRI Cardinalis obitu,  
 ANTONIVS CAMPANVS,  
 EPISCOPVS INTERAMNENSIS,  
 in oratione funebri.

**E**O mortuo fleverunt amici, luxit Curia, Italia omnis  
 in maestitia fuit. Illum pauperes, quos alebat; amici,  
 quos complectebatur; collegæ, quos maximâ prosequebatur  
 reverentiâ; boni omnes, docti, religiosi lamentabantur.  
 Neque enim erat, qui non censeret, extincto illo, lumen  
 Curiae, decus collegii, sacrarium religionis, ornamentum  
 litterarum, specimen vivendi esse extinctum: nec unquam  
 in quoquam fuisse vel mediocrem virtutem, quæ in ALEXAN-  
 DRO non visa sit eminentissima.

ABRA-



## ABRAHAMVS BZOVIVS

Tom. 17. Annal. Eccles. an. 1463. n. 34.

**Q**uasi dormiens expiravit, ingens Sacri Collegii decus, in quo vitæ fulgor cum doctrinæ luce contendit. Potuerant multi homines sine damno periisse, in hoc grave vulnus accepit Ecclesia. Ita plerumque fit: vita brevis bono est, malo quàm diutissima. Servantur ad pœnitentiam pessimi, sive ut bonos exerceant: probitas celum petit.

Scripsit

*De Christi ortu sermones centum.**De cœnâ cum Apostolis factâ.**De peccato in Spiritum Sanctum.**Orationes elegantes lib. I. & alia.*

De eodem agunt Iosephus Pamphilus Episcopus Signinus, Ambrosius Coriolanus, Onuphrius Panvinus, Nicolaus Crusenius, Thomas Gratianus in Anastasi, Antonius Possëvinus in Apparatu sacro, Antonius Campanus Episcopus Interamnensis, Abrahamus Bzovius in Annal. Eccles. Franciscus Sweertius in bibliothecâ S. R. E. Cardinalium M. S.





AEGIDIUS VITERBIENSIS, Ord. Erem.  
S. AVGVSTINI, Prior Generalis, S. R. E. Cardinalis,  
et Patriarcha Constantinopolitanus.



# Æ G I D I V S

## C A R D I N A L I S

V I T E R B I E N S I S.



VLLÆ avorum ceræ, aut stemmata  
ornarunt ÆGIDIUM, sed virtutum  
magnarum longa series, varia deinde  
humanarum & divinarum litterarum

exquisita supellex eum ad summum gloriæ api-  
cem evexerunt. Tantò ampliùs laudandus, quan-  
tò ex humili ascendit altiùs. Tirocinia pietatis  
Viterbii, ubi natus est, posuit in Ordine Augu-  
stiniano; ingenium verò, quod natura illi exi-  
mum dedit, excoluit sub præceptore Mariano  
Genezanensi, viro doctissimo, & præconio Pon-  
tani ac Politiani inclyto. Græcam, Hebræam, &  
Chaldaicam linguas exoticas labore tam perti-  
naci consecutus est, ut eas non acquisivisse stu-  
dio, sed à matris uberibus suxisse videretur. At  
verò eloquentiâ excelluisse omnes fatentur: ut  
quacunque de re, non modò copiosè, verùm et-  
jam disertè locutus sit ex tempore coram sum-  
matibus & principibus viris, quos sibi concilia-  
vit duabus præsertim virtutibus, doctrinâ & hu-



manitate. Cùm è suggestu sacro diceret, nulla satis ampla ædes erat, quæ homines caperet ad eum audiendum undatim confluentes. Sed vitæ in eo singularis erat sanctimonia, quam Iulius II. generali Ordinis præfecturâ decorare voluit. Tum novæ AEGIDIUM subire cogitationes, præclare illę, & viro tali dignæ, atque æternâ cum gloriâ conjunctæ; pietatem tum multò maximè colere, excubare pro salute & dignitatē sui Ordinis, nihil cogitare, nihil omnino facere, in quo non statim decus eluceret. Anno .m. lxx. xii. cùm idem Pontifex irritatus Pisano conciliabulo, quod Cardinales quidam pecuniâ & aureis promissis Regis Galliarum Ludovici inescati, contra canones & jura coëgerant, Concilium Lateranense indixisset, & quinto Idus Maii solenniter, præsentibus Cardinalibus & variis magno numero Præsulibus, qui studio juvandi Ecclesiam, & frenandi Patrum Schismaticorum audaciam, ex variis regionibus accurrerant, initium dare voluisset; AEGIDIUS Augustinianorum Præfectus generalis, primus dicere jussus, habuit eam, quam Iacobus Sadoletus tam prolixè Bembo laudavit, ad Patres orationem. quam hîc libuit adscribere, ut ex ungue Leonem hunc liceat cognoscere. Ita ergo orditus est.



Anni fluxere aliquot, ex quo per universam Italiam, ex Ioannis Apostoli Apocalypsi dicendi sumptâ occasione, magnas Ecclesiæ calamitates instare sum vaticinatus: certam tamen ex iis malis emergendi aliquando spem promitti. Lætor, Patres, atque ex animo gaudeo, nostrum vaticinium inane non extitisse. Rebus enim verò in extremum discrimen adductis, & in tetram malorum caliginem, quasi post obscuræ noctis tenebras melioris spei lumen ostenditur, serenum post sævam ventorum & turbinum tempestatem. Hoc discrepant inter cetera à cœlestibus terrena, quòd illa instauratione non indigent, quippe æterna naturæ res humanæ propter innatam inconstantiam & varietatem, remediis oportunis, ne penitus intereant solvanturque, reparari identidem opus habent. Quod victus animantibus, quod cultura irrigatioque plantis est, id in vitâ & moribus accurata disciplina; ne noxiis vitiorum sentibus silvescant, atque vastentur instar neglecti agri. Bonus agricola arbores vel adminiculis erigit, vel circumcidendo castigat, sub alienâ latentibus umbrâ cœlum aperit, ramorum densitate impeditas interlucet, telluris vitio laborantibus mutat locum: neque rectas tantum, & fertiles colit, sed depravatas corrigit, & minùs fructuosas. neque sudori parcat, modò prædia horti que nitescant. Tantumdem de pastoribus dici potest. Sed locum videtis. Ergo doctrinâ & exemplis excolantur animi: quæ in populi moribus delapsa fluxere, se verioribus legibus adstringantur. Ea cultura



tura esto. Vos omnes celestis Pater hujus agri custodes & cultores dedit, sui gregis curatores. An æquum videatur inertiae se dare? altum stertere? & non potius cui omnia debemus, pro eâ vitam sanguinemque profunderere? Possunt quidem eam diligentiam pastores in suis singulis caulibus præstare, tantum ne exitialis somnus invadat: Verum à tempore Magni Constantini usu perpetuo edocti sumus, multò id commodius contingere, majori efficacia, cum Antistites in unum locum convenientes, divinoque afflatu adjuti inter se conspirantes, de salute publicâ in commune consultant. Repetite Patres veteres historias, revolvite antiqua scriptorum monumenta, revocate in memoriam superiores ærumnas & mala. Quis hæreses antiquas & sectas nefarias à stirpe convulsit? Concilia. Quis Principum insolentiam frændit, terrorem improbitati ne se efferret gravis & importuna, quis incussit? An non id Concilia præstiterunt? Longum esset explicare singula. Sed certè, quid Ecclesie majestatem tuetur, cultum religionis & sanctissimas caerimonias illustrat, populi pravitatem coercet, fovet pietatem, & legibus ut obtemperetur, facit? an non hæc omnia à Conciliis præstantur? Quòd si labori & industrie fructus non respondet, si vitiorum pestes in multorum perniciem & reipublicæ dedecus majori quàm opus esset licentia grassantur; videte Patres, ne fortè salutaris instituti intermissio, eam consciverit labem. Magna vis horum Conventuum extitit, saluberrima operatio; ita tamen, si  
acce-



accedat innocentiae in nostris moribus & probitatis exemplum. Certissimum subsidium à vitâ rectorum reliquæ diligentiae paratur; nostri Capitis imitatione & Doctoris, qui, ut divinae perhibent litteræ, cœpit facere & docere. Salutaris doctrina est; sed si docentis exemplo iuvetur. Displicet hominibus imperata correctio; actione facillimè iubetur, exemplo facillimè obtemperatur. Movent enim exempla magis quàm verba; atque utinam, ô utinam, tam multi bene operarentur, quàm multi præcipiunt bene. Verùm in re certissimâ hærendum non est. Sed quis tamen non videat, non gemat ævi huius ærumnas continuas & graves? Mores populi in omnem licentiam solutos, impetritiam, ambitionem, impudicitiam, ubi minùs decebat, grassari? Intemperantiam & rapinas Principum ac militum, an utrorumque? Dicam, audacter fortasse, sed, ut arbitror, verè; siccis oculis quis aspiciat Italiae campos humano madentes sanguine magis, quàm de cælo imbribus undantes; per urbes & oppida gladios, innocentiam oppressam? Hæc aliaque multa mala vestram opem, Patres, expectant: eâ sublatâ spe, unde remedium nostris miseriis petatur? Magnam provinciam, Pater Sancte, suscepisti: multa aggressus es, & perfecisti præclarè. Sublata latrocinia, aperta itinera, plures ad sacrum imperium urbes restitutæ, quàm à quoquam alio ab omni memoriâ Pontificum. Magna hæc sunt atque præclara, quis neget? quis non videat? Omnium tamen maximam à tuâ prudentiâ cuncti

N præ



præstolamur opem. Principibus Christianis pacatis, in communem hostem omnium opes, viresque converte. Id ut facilius contingat, positis absonis armis, ea arripiamus, quæ militiæ nostræ sunt consentanea. Iis vitia, ac omne genus scelera, multa quamvis & fœda, sunt impugnanda. Quando enim vita solutior? quando ambitio magis effrenis? Quando major de divinis rebus loquendi sentiendique, ut cuique placet, licentia? Laniena fœdior an ullo tempore accidit, quàm quæ Brixia prius, deinde ad Ravennam extitit cruoris rivis nondum exsiccatis? Quæ omnia, quid aliud, quàm voces cælestes sunt, denunciante, quantopere ad hæc suprema remedia, sacramque anchoram recurrere esset necesse? Fructus ut cumulator existat, modestiæ studio, clamores amoveantur & jurgia. Sed cum eo tamen, si loquendi decernendique libertas sit omnibus, ut maximè quæque dolorem facere videantur. Magna à vobis, Patres, Deo debetur gratia, quos lingua, moribus, & genere discrepantes in hunc locum perduxit: magna laus vobis ab omnibus bonis, qui tantos labores sumpsistis præ studio juvandi Ecclesiam. Magna sapientia in his augustissimis ædibus & sedibus versatur, auctoritas non impar. Aderit Christus suo nomine, cujus agitur causa, civesque cælestes omnes. Vos imprimis Petre & Paule, clara inter cælestes lumina, Ecclesiæ sanctæ, atque hujus urbis tutelares, clamores nostri & singultus ad misericordiam flectent. Ecclesiam vestram juvate; vestram, inquam, sudore vestro.

con-



consitam cultamque vineam, divinam Christi & vestro sanguine irriguam hereditatem: & quam à tyrannorum seditione liberastis, ne eorum manibus extirpetur & pereat, qui se filios ejus & familiares profitentur, benignè facite. Cunctos hos Patres & sanctos Præsules confirmate celesti ope; ut mentis oculis in Deum solum coniectis, ac nihil prætereà captantes, quæ nostra vulnera postulant, & tantæ miseriæ exigunt, ea adhibere ne metuant remedia. Orat populus, viri, feminaeque, omnis ætas, omnis sexus, totus orbis, omnes patres, senatus universus obsecrat & obtestatur; ac imprimis ipse summus Pontifex flagitat, ut se, ut Ecclesiam, ut urbem Romam, hæc templa, has aras, hæc sacra, hæc vestra ipsorum capita servetis, ac synodum Lateranensem hodie auspiciatò inchoatam, nobis, Ecclesiæ vestræ, toti que Reipublicæ Christianæ in orbis terræ certissimam salutem, sancti Spiritûs numine confirmetis, curetisque & pacari Principes Christianos, & in publicum Christi hostem Mahometem nostrorum Regum arma converti; atque his fluctibus, his tempestatibus, his aquis non modò non extinguere Ecclesiæ charitatem, sed almæ crucis virtute, & divini spiritûs auspicio, quibus junctim hodie sacra litantur, ablui potiùs ab omnibus conceptis maculis, & in antiquum splendorem munditiæque restitui.

Variis prætereà legationibus ab eodem Iulio adhibitus, Pontificiam dignitatem apud Venetos & Regem Neapolitanum egregiè defendit. Qui-



bus officiis Leonem quoque X. & Clementem  
 deinde VII. Romanos Pontifices, ita sibi devin-  
 xit: ut iste, sicuti erat iudicio acerrimo, ita in  
 præmiandis virtutibus liberalissimus, **ÆG I-  
 D I V M** titulo S. Matthei Evangelistæ & purpurâ  
 ornarit anno ∞. 15. XVII; hic anno ∞. 15. XXIV.  
 Patriarcham Constantinopolitanum, ex Lati-  
 nis septimum, nominarit. Illud denique ad no-  
 minis celebritatem longè maximum ornamen-  
 tum accessit, quòd cùm à Selymo Turcarum  
 Imperatore bellicosissimo, duorum in Ægypto  
 Regum oppressore ac victore, sibi graviter time-  
 ret Italia, Pontifex Romanus eum elegerit, qui  
 Hispani Regis arma excitaret, & ad bellum sa-  
 crum tubas tympana que commoveret. Siluit  
 tandem vir disertissimus anno post reparatam  
 salutem trigesimo secundo supra millesimum &  
 quingentesimum, pridie Eidus Novembreis. Ia-  
 cet Romæ in S. Augustino ante aram summam,  
 sepulcrum inscripta hæc verba habet;

D. O. M.

**ÆGIDIO VITERBIENSI**

CARDINALI

**GABRIEL VENETVS**

GENERAL. POS.

M. D. XXXVI.

Sui



Sui quoque mnemosynon reliquit in æde  
S. Matthæi, quam laqueari novo decoravit: in  
quo hæc leguntur;

NE TEMPLO, CUI PRÆERAT, ORNANDO  
OMNINO NEGLIGENS, NEVE LEONIS X.  
ET CLEMENTIS VII. M. P. MEMORIÆ INGRA-  
TVS VIDERETUR ÆGID. CARD. PATRIAR.  
CONSTANTIN.

Et in alterâ ejusdem parte;

NON QUID, SED QVA MENTE OPEREMUR.

LEO X. lib. xv. epist. xxxviii.

ad ÆGIDIVM Generalem.

**S**cripseram, ut elicerem abs te, cuperēsne ipse in Cardi-  
nalium Collegium cooptari, id quoniam reticuiști. Vel pu-  
dore tuo, atque modestiâ, quâ semper abundas . . . . Ita-  
que confirmasti etiam tu quidem consilium meum tuo si-  
lentio. Perdiu enim est, cū te legere in Cardinalium ordi-  
nem cogito; cū ut tuorum laborum magnâ cum Reipu-  
blicæ utilitate, triginta totos annos susceptorum, hanc tibi  
quasi mercedem persolvam quàm possum maximam atque  
amplissimam: tum ut te Respublica sic utatur, & ex te  
fructus uberrimos capere possit. Puto autem Reipublicæ  
majori & usui & honori fore dignitatem tuam, quàm tibi  
ipsi. Major enim atque illustrior jam est virtus tua, quàm



ut Magistratu illo egeat. Ordo verò ipse talibus viris, ut tu es, egere mihi quidem magnopere videtur: quare plus tu Ordini, quàm tibi Ordo, ornamentum afferes. Efficiam igitur id nunc, quod dudum, ut dixi, meditor, teque cum reliquis, qui à me creandi sunt, Cardinalem nominabo. Id erit Kalendis Quintilibus. Quem ad diem mandabo tibi, Romæ ut sis, ut te statim videre atque amplecti possim.

IACOBI SADOLETI

S. R. E. CARDINALIS

Epistola

ad AEGIDIUM Viterbiensem Cardinalem.

Ex lib. III.  
Epistolarū.

**S**I quantum ex tuis literis accepi voluptatis, tantum ipse meis literis exprimere posse considerem: nihil aliud agerem profectò hoc tempore, quàm tibi miram quandam ex eis animi mei letitiam jucunditatemque præscriberem. per quam intelligeres, laboris tui fructum egregiè tibi constituisse, cum amicissimo tuo, eidemque tibi deditissimo, & utilitatis tantum & delectationis attulisses. Sed quoniam eo onere me oppressum iri planè video, si suscipere nitar, quod perferre non queam, ignosces mihi, si ne conabor quidem id aggredi, quod perficere posse desperem. Illud tantum scito, tuis mihi literis nihil accidere potuisse optatius: nec  
solum



Solum ex eâ parte, quâ ad ea quæ quæsi veram, & doctissimè simul & humanissimè respondes : sed etiam ex eo, quòd videre videor in illis omnem expressam imaginem amoris in me tui : tanta in illis suavisitas, tantum studium satisfaciendi mihi, tantus & verborum, quæ ad eam rem faciunt, & optimarum electissimarumque sententiarum nect lepos. Itaque intelligo nunc quidem atque experior meum de tuâ præstanti eximiâque virtute, sapientiâ, bonitate, verissimum semper certissimumque fuisse iudicium. Nec, quòd antea dubitarim, sed quia dies, res, eventus, quotidie id magis comprobant. Nam si à mediocri viro, & mediocri dignitate prædito hæc amicitiae officia præstentur, laudandus ille utique quicumque esset, & in paucorum numero reponendus : rem enim vulgò haud ita multum usitatam in se ostenderet. Ab homine verò amplissimo, & omnibus ingenii, eloquentiæ, honorisque ornamentis cumulatisimo, retineri hæc officia fidelis amicitiae, & in absentem amicum nil benevolentiae humanitatisque prætermitti, hoc est, mi ÆGIDI, vir maxime, atque ornatisime, quod in te habet laudis admirationem, non aliorum laudibus comparandam. Quantum enim te exaequas inferioribus amicis mansuetudine, benevolentia, familiaritate, tantum altitudinem animi tui virtutis gloria exaggeras. Sed hæc hætenus ; sunt enim maioribus beatris proposita. Quod ad ea attinet, de quibus te consulueram, satis omnino abs te mihi est factum ; doleo ta-

men.



men te tua in eo genere scripta desiderare: quorum venustatem & elegantiam, vel ex hoc conjicere possumus, cujusmodi fuerit, quòd illa barbaris idonea visa sunt quæ discernerentur. Illud & optarim scire, postquam adsciscunt Moysis libros Mahumetani, num & prophetas suscipiant, multamque in veteri lege aspersam esse existiment futurarum rerum prædictionem; & an ipsi quoque Messiam aliquem expectent. Nam usum quidem vini cur interdixerunt, cum tantum uxoribus compluribus ducendis, pellicibusque habendis libidini ab illis sit tributum? si modò hæc vera sunt, de quibus cupio à te fieri certior. Ego, si mihi optata Deus concesserit, efficiam profectò, ut ne te pœniteat aliquantum hoc laboris meâ causâ cepisse. Sin autem ( ut humana sunt ) mea spes me fortè frustrata fuerit, tu tamen virtutis tuæ, & officii fructum tecum auferes. Certè quod in observantiâ omniq̃ue amore, & meritorum tuorum memoriâ, præstari à me tibi, nomini, laudi, honoriq̃ue tuo uspiam poterit, largè enim verò id, & prolixè præstabitur. Vale. Carpentoracti.

PAVLVS



PAVLVS IOVIVS

EPISCOPVS NVCKERIVS

In elogiis doctorum virorum.

ÆGIDIVS, quum in suggestu verò admirabilis, & quo iudicio per omnes urbes oratoriae facultatis lauream mereretur, etiam domi lepidissimis sermonibus novam laudem ferebat. Erat enim ejus ingenium exquisito omnium litterarum delectu graviter extructum, sic, ut in omnes exemplorum casus peramplas opes, alacris, & expedita memoria suppeditaret: facundia porrò tanta dissimulatis illecebris audientes semper exhilarans atque demulcens, ut ipso concionante, vel maxima templa complerentur. Ante autem id tempus, quo totius Eremitani Ordinis praefecturam à Iulio consecutus est, nonnunquam accidit, ut Patavii optimis litteris operam navans, factitata ab se lepida carmina ad lyram elegantissimè decantaret. Ei demum Leo Pontifex, virtutem omnem liberaliter ornare solitus, honorem purpurei galeri detulit; quum Petrucianâ conjuratione, & Umbrico bello circumventus, Senatum aut malignè aut segniter Principis injuriam ferentem, supplere cogeretur. Exinde functus est legatione in Hispaniam; quum Selymo post debellatos Persas, & duos Memphiticos Reges interfectos, nobis

O

arma



arma comminante , Christianæ gentes ad sacrum bellum excitandæ viderentur. Sexagesimo ætatis anno subitâ oppressus pituitâ Romæ interiit , quum Clemens Carolum Cesarem Bononiæ iterum excepisset , destinatus optatusque à multis ad Pontificatum, tanquàm par summo oneri.

## I A N V S V I T A L I S.

Ante sacrosanctos cineres bona verba Viator  
 Dicit, divinus hîc jacet ÆGIDIUS.  
 Qui potuit linguâ humanas inflectere mentes,  
 Et trahere hærentes fervidus ad se animos.  
 Quicquid pandit Arabs, divinum quicquid Erebus  
 Dives Arameis occulit in tabulis,  
 Explicuit populis; & si quid spiritus ultrâ  
 Sentit, adhuc sanctum, quod meditetur, habet.

Scripsit

Æ G I D I U S

Annotationes in tria priora capita Geneseos.  
 Commentaria in quosdam Psalmos ad Leonem X.  
 De Ecclesiæ incremento.  
 Librum dialogorum.  
 Librum epistolarum.  
 Odas in Ægidii Ioviani laudes.

Extant



*Extant quoque Romæ in biblotheçâ Angelicâ, M.S.  
 Commentaria in lib. I. Sententiarum, more scholastico,  
 sed ad mentem Platonis.  
 In librum radicum Hebraicæ linguæ.  
 De Iliceto Augustiniano, in Etruriâ.*







HIERONYMVS SERIPANDVS, Neapolitanus, Ord. Erem. S. AVGVSTINI  
Prior Generalis, Archiepiscopus deinde Salernitanus, S.R.E. Cardinalis  
et in Concilio Tridentino Apostolicus Legatus.



# HIERONYMVS

SERIPANDVS,

S.R.E. CARDINALIS.

**H**Eroicus hic & purpurâ dignissimus vultus magni Cardinalis HIERONYMI SERIPANDI est: si quoque animus pingi posset, divinum nemo non diceret. In illo se prodit quædam à naturâ matura & severa gravitas; ita modestè tamen, ut serenam animi benignitatem omnes semper laudârint. Natus est Trojæ, quæ Apuliæ Dauniæ opulentissima urbs est, loco splendido, ex illustrissimo Equitum Neapolitanorum sanguine, parentibus Ferdinando Seripando & Loisiâ Galeotâ, anno salutis humanæ ∞. cccc. xciii. Maii die sextâ, quâ & deinde anno ∞. 15. vii. renatus est, monachumque Augustinianum Neapoli induit in monasterio D. Ioannis, quod *ad Carbonariam* vulgò dicitur, cùm antè litteris humanioribus tres, severioribus duos annos impendisset, tanto cum fructu, ut qui perfectam in eo grammaticen contemneret, non posset non ob-



stupescere ad legum & juris prudentiam, quam imbibisse uno, ut sic loquar, spiritu videbatur: nempe qui à lacte & uberibus vixdum abierat, quatuorque & decem ætatis annos tantum numerare cœperat. Sed quàm facile ad jus & leges ingenium, tam alienum animum habuit à litibus & foro rabularum. Ad quietem ergò & eremum Augustinianam se contulit, excitatus sancto fratrum exemplo, AEgidii inprimis Viterbiensis, qui vitæ sanctitate & oris facundiâ eximium eâ tempestate præconem agebat. Monachismo initiatus philosophicas & sacras litteras non segniter excoluit; ante omnia & insigniter virtutem: ad quam totum se fingens, non adumbratam, quod à plerisque fieri amat, sed virtutis signa expressa jam manifestò edebat. Illisce studiis, ceu gradibus, ad summam denique Ordinis sui dignitatem ascendit: quam sustinuit graviter, gnaviterque, si quis alius. Princeps illi cura, statim religiosæ vitæ primam severitatem revocare, adversus Lutheri fœdissimi apostatæ insanam doctrinam, suorum stilum acuere, deinde auctare provincias in novâ Indiâ adolescentes. Exeffecit omnia pro desiderio suo luculentè. Ordinis statuta ad formam sanctam reduxit: Ioannem Hoffmeisterum virum in Germaniâ doctissi-



etissimum, alibi alios Lutheromastiges excitavit: denique, cum lustraret Hispaniam, novas & novas subinde lectissimorum virorum colonias in novum orbem submisit. Anno  $\infty$ . 15. XLVII. Oecumenico Concilio, quod Tridenti indictum, coeptumque, Bononiam migraverat, à Paulo III. assidere jussus est. Anno verò  $\infty$ . 15. LI. indictis generalibus Ordinis Comitiis, cum valetudine parum validâ uteretur, transmissio ad Patres suæ præfecturæ sigillo, per internuncium Aurelium Rochensem abdicavit, & Pausilypum, amœnissimum Neapolis promontorium sese contulit; ubi in cœnobio S. Mariæ de Consolatione capto secessu, sibi & Deo vacaret, rerum omnium terrenarum curis procul in mare ultimum abire jussis. Sed interturbavit sanctam viri quietem Carolus V. eamque ad infulam Aquilanam nominavit. Sed rebus Neapoli turbatis, legatus à Proceribus ad ipsum Carolum in Belgium proficiscitur: apud quem tam disertè dixit, ut veniam Neapolitanis, ipsi oratori pro bene obitâ legatione Archiepiscopatum Salernitanum Cæsar donârit. Opimam mehercle, optimamque mercedem, si ambitiosus SERIPANDVS fuisset. sed ille pluris æstimabat quietam in Pausilypo solitudinem, quàm omnes infulas & tiaras. Sacrus Romæ à  
Iulio



Iulio III. Salernum ad Ecclesiam suam abiit, quam doctrinâ sapientissimisq; consiliis sic instituit, ut oves exerrantes non modò præceptis divinarum legum traditis studeret reducere, sed exemplo etiam, in quo vis major semper, quæ tradebat, & moribus ac vitâ ipsâ exprimeret. Anno ∞. IO. LIX. in funere Caroli Cæsaris oravit Neapoli tantâ cum laude, ut Antonius Portius asseruerit, *unum omnium Patavinæ Academiæ assensum fuisse, quòd si Carolo, dum vitam ageret, funebria iusta curæ fuissent, ut erat gravi & singulari iudicio, eum testamento cauturum fuisse, ne ulli homini, quàm SERIPANDO hoc munus deferretur.* An. deniq; ∞. IO. LXI. à Pio IV. Romam evocatus, in Cardinalium collegium assumptus est, sub titulo S. Susannæ, tantâ bonorum omnium adgratulatione, tantoque gaudio, quantum in animis rectè sentientium summa dignitas virtuti tributa potuit excitare. Non multò pòst ab eodẽ Pontifice ad Synodum legatus, abiit non asseclarum familiarium aut famulorum comitatu superbus, sed virtutum insigni cohorte stipatus; ut ostenderet se has tantum, non harum ornamenta æstimare. Magnam illic gravissimorum negotiorum molem summâ cum laude suâ & omnium pænè gentium admiratione sustinuit, præseditque annis non omnino

tribus;



HIERONYMI SERIPANDI. III

tribus; quando anno  $\infty$ . 10. LXIII. tertio Eidus  
Martias ad Beatorum Synodum transiit, relicto  
apud doctissimos viros maximo sui desiderio.  
Tridenti in æde Augustinianâ S. Marci conditus  
est, brevi deinde hoc epitaphio ornatus:

HIERONYMO SERIPANDO CARD.  
CONCILII TRIDENTINI LEGATO,  
CHRISTOPHORVS PATAVINVS,  
SODALITII EREM. MAGISTER P.  
VIXIT ANNOS LXX. M.V. D.XI.

*Si quis honos tumuli; quantum sol lampade lustrat  
Terrarum, cælique, tuum est SERIPANDE sepulcrum.*

Pauli Manuti epistola ad  
HIERONYMV M SERIPANDVM  
CARDINALEM CREATVM.

**A** Llato de tuâ dignitate nuntio, quem hîc ingenti læti-  
tiâ boni omnes exceperunt, non sanè tuâ causâ magis,  
quàm antea, pro communi quidem Ecclesiæ bono, cui tan-  
tum ex honore tuo præsidii, tantû spendoris accesserit, ma-  
gnopere sum lætatus. Tu enim is es, cujus animus hæc hu-  
mana numquam spectaverit, semper omnem spem omnemq;  
gloriam ac felicitatem in uno Deo, & in illâ celesti vitâ,  
P rectè



rectè ac laudabiliter agentibus propositâ, collocaverit. Cui sunt occultæ mirabiles illæ tot annorum cogitationes, actiones, conciones tuæ? quæ si obscura fuissent, uno illo factò illustrarentur maximè, cum illa præfecturæ generalis insignia, quæ libenter omnes assumunt, multò ipse libentiùs deposuisti. Quocirca non equidem magis, quia nunc Cardinalis es, quàm quia semper ita vixisti, ut Cardinalium collegio dignissimus esses, & mihi & omnibus letandum intelligo. nec verò singularem, ac divinam Pii IV. Pontificis Maximi sapientiam admirari, & efferre laudibus unquam desinam; qui vexatam assiduo prævarum opinionum impetu, nec mediocri periculo fluctuantem Christianæ Reipublicæ navem, auctoritatis & doctrinæ tuæ pondere constitutam putaverit. Itaque non jam illas à septentrione horribiles procellas, à quibus antea naufragium impendere videbatur, posthac timebimus. Pio IV. gubernante, quod utinam divina benignitas diuturnum esse patiatur, tuâ SERIPANDE, tuorumque similium ope, summâ tranquillitate perfruemur. Id & speratur, jam indicto Concilio, quod unicum tantis malis eximia superiorum Pontificum sapientiæ remedium invenit: & mihi quidem si contigerit, ut ad eam diem spiritum ducere liceat, cum sublatas in perpetuum exitiosi dissidii causas, unam in communi salute voluntatem, unum gregis universi pastorem ac moderatorem videam, satis me vixisse arbitrabor, & planè letus ex hac vitâ discedam. Interim fruor expectatione, & tibi  
tuisque



tuisque virtutibus, quas omnes laudant, utinam imitari  
vellent, eam quam debeo, observantiam, benevolentiamque  
præstabo. Vale. Venetiis.

Monumenta librorum ejus sunt

- Commentaria in omnes D. Pauli Epistolas.*
- Commentaria in septem epistolas Canonicas.*
- Exposit. in Evangelia, quæ in Quadragesimâ leguntur.*
- Quæstiones LXVII. adversus hæreses hujus temporis.*
- Libri III. de hominis justificatione.*
- Tractatus de peccato originali.*
- Ad nonnullas quæstiones ex textu epistolæ Catholice respon-  
siones, excusæ Antverpiæ ∞. 10. LXVII. & Vene-  
tiis ∞. 10. LXIX.*
- Conciones in symbolum Apostolorum, Nicenum, & Athanasii;  
linguâ vernaculâ.*
- Tractatus de justitiâ & libertate Christianâ.*
- De libris sacre Scripturæ.*
- De Sacramentis in genere: de Baptismo; de Confirmatione.*
- De gratiâ, libero arbitrio, & prædestinatione.*
- Collecta & excerpta varia ex D. August. & aliis.*
- Farrago Concilii, de his quæ Tridenti & Bononiæ sub Paulo III.  
tractata sunt, seriesque Tridentinarum actionum.*
- Conciones in Orationem Dominicam.*
- Sermones, quos in solennitatibus majoribus ad fratres habuit.*
- Compendium Chronicorum Ordinis.*
- Orationes complures.*





ALBERTVS PATAVINVS Ord. Erem. S. AVGVSTINI,  
concionibus, vita eximius hominesq; complures de  
vitiorum coeno extraxit.

I. Fran. m.



# ALBERTVS

## PATAVINVS.

**P**ATAVINI in publico urbis prætorio ad Borealem plagam ostendunt peregrinis hospitibus ALBERTI civis sui marmoream effigiem, doctrinamque Viri & eloquentiam adscripto elogio Æternitati consecratam. Is vitæ sanctioris desiderio mirè flagrans Eremitanum institutum anno salutis ∞. CC. XCIII. amplexus est, sedulus deinceps imitari, quæ illâ in Religione pluria eaque insignia videbat, doctrinæ & pietatis exempla. Quare Parisios missus, Ægidium ibidem Romanum, celeberrimum eâ tempestate Theologum audiuit; tantamque divinæ sapientiæ suppellectilem sibi comparavit, ut sacros libros magno & frequenti confessu in Lutetianâ Academiâ juvenis adhuc publicè exposuerit. Naturâ admodum pronus ad benedicendi artem, in eam tantâ animi contentione incubuit, ut primus habeatur, qui gestuum piâ & variâ affectione suggestum exornârit, auditoresque non modò dictione eruditâ quocunque voluit, flexerit; sed doctâ simul manuum reliquorumque artuum modératione



tionē oblectaverit, rapueritque in sui admirationem. Certè Bonifacius VIII. tam celebrem Oratorem videre atque audire curiosus, ALBERTVM in Italiam accersivit, & ex pulpito pro concione declamare iussit. Inde reversus Parisios, scribendis libris totus incubuit, immò ante diem immortalis est, anno ætatis suæ XLVI. salutis humanæ ∞. CCC. XXIIIX. tertio nonas Aprileis.

Porro Statuæ Patavinæ inscriptio sic loquitur:

*Suprà.*

ALBERTO EREMITARVM PATRI SINGVLARISSIMO, VITÆ CONTINENTISSIMÆ, PATRIA PATAVINO, STVDIORVM COLUMNÆ, ET REIPVBLICÆ CHRISTIANÆ SVMMO SPLENDORI.

*Infrà.*

ALBERTVS LIBERALIVM ARTIVM, AC VRBIS NOSTRÆ SPLENDOR, IN ORDINE EREMITARVM REGVLAM PROFESSVS, CONTINENTISSIMÆ VITÆ FVIT. IS CLARVIT INGENIO SVB CELEBERRIMO ÆGIDIO ROMANO EIVSDEM ORDINIS, SACRIS LITTERIS APPRIME IMBVTVS, SVMPA PARISIIS INFVLA MAGISTRALI, TAM CLARVS EVASIT, VT PAVLVM APOSTOLVM, MOYSEN, EVANGELIA, AC LIBRVM SENTENTIARVM EXPOSITIONE SPLENDIDISSIMA RESERAVERIT, IDEMQVE ANTE OMNES SVÆ ÆTATIS VIROS FACVNDISSIMVS PRÆDICATOR IMMORTALI MEMORIÆ HIC OPTIMO IVRE DATVR.

De



De eodem Abbas Spanheimensis libro de  
Scriptoribus Ecclesiasticis.

ALBERTVS PATAVINVS Ægidii Romani quon-  
dam auditor atque discipulus, vir in diuinis scripturis stu-  
diosus & eruditus, & secularium litterarum non ignarus,  
in declamandis ad populum sermonibus excellentis ingenii  
fuit, & multos ab iniquitate ad semitam iustitiæ suæ præ-  
dicatione conuertit. Scripsit multa præclara volumina,  
quibus se & parentibus tunc utilem & posteris memora-  
bilem effecit.

Scripta ejus hæc sunt

- In Genesin liber I.*
- In Exodum lib. I.*
- In Leviticum lib. I.*
- In Numeros lib. I.*
- In Deuteron. lib. I.*
- In quatuor Evangelistas lib. IV.*
- In Epistolas Pauli lib. XIV.*
- In Magistrum Sententiarum lib. IV.*
- Sermones Dominicales, lib. I.*
- Sermones de Tempore, lib. I.*
- Sermones de Sanctis, lib. I.*
- Sermones Quadragesimales, lib. I. Venetiis 1584.*
- Sermones ad Clerum, lib. I. & alia quædam.*

Ejusdem meminerunt Gratianus in Anastasi, Crusenius  
part. 3. c. 12. Pamphilus, Antonius Possevinus, Gesnerus,  
Joannes Frisius.

GREGO-





GREGORIVS ARIMINENSIS

Ord. Erem. S. AVGVSTINI, Prior Generalis, vita, doctrina,  
celeberrimus. In vniuersitate Parisiensi eruditione clarus  
et Doctoris Authentici nomen obtinuit, plurima scripsit.

I. Fran. in.



# GREGORIVS

## ARIMINENSIS.



REGORIVS, Arimini in Roman-  
diolâ natus, prævalido ingenii a-  
cumine, obscuram & planè diffi-  
cilem Philosophorum, quos No-  
minales vocant, viam ingressus,  
pertinaci tandem studio, omnes prophanae &  
sacrae Philosophiae anfractus penetravit. Lau-  
ream in Academiâ Parisiensi supremam adeptus,  
cathedram summâ cum maiestate implevit; tan-  
tamque nominis sui auctoritatem conciliavit  
apud omnes, ut qui GREGORIVM magistrum  
non agnosceret, omnia ignorare diceretur. Vnde  
Doctor *Authenticus* passim audivit: cui refragari  
velle, aliqua tunc insania videbatur. Cùm tam  
insignem viri doctrinam celebri præconio gym-  
nasia omnia cælo efferrent, Virtutem quoque a-  
lumni sui ornare Ordo Augustinianus voluit, &  
ad supremum dignitatis Generalis apicem me-  
ritò attollere, Thomæ Argentinatis Antistitis  
doctissimi optimique, optimum doctissimum-  
que



que successorem. Positus in hâc illustri speculâ, spem de se longè maximam facere visus est bonis omnibus. Sed spem tantùm fecit : quo minùs fructus præclaros reapse ederet, mors obnunciavit, quæ primo anno præfecturæ vixdum absoluto, in primo felicitis regiminis sui cursu, splendidum illud Augustinianæ Religionis lumen extinxit. Obiit non sine gravi totius Ordinis jacturâ Viennæ Austriæ, ubi etiamnum jacet, habetq; cum Thoma Argentinate & Iordano Saxone, viris illustrissimis sanctissimisque communem tumulum.

## ABBAS SPANHEIMENSIS

de Scriptoribus Ecclesiasticis.

*GREGORIUS ARIMINENSIS, Ordinis Fratrum Eremitarum S. Augustini, Prior Generalis, vir in divinis scripturis doctissimus, & in Philosophiâ scholasticâ multum eruditus, ingenio & eloquio clarus, in gymnasio Parisiensi magnam eruditionis suæ gloriam ab omnibus commeruit, quippe qui vitâ & doctrinâ celeberrimus effulsit.*

ANTO-



ANTONIUS POSSEVINVS  
in Apparatu sacro.

*GREGORIUS ARIMINENSIS, quem nominant de Arimino, Ord. Augustiniani Prior Generalis, vitæ integritate, & acri judicio in Theologicis disquisitionibus suo tempore celebris: sed qui inter nominales potius, quàm inter reales censetur.*

Scripsit GREGORIUS

*Super I. Sententiarum lib. I.*

*Super II. Sententiarum lib. I.*

*Super III. Sententiarum lib. I.*

*Super IV. Sententiarum lib. I.*

*Super omnes D. Pauli epistolas libros XIV.*

*Commentaria in epistolam Iacobi.*

*Sermones de tempore.*

*Sermones de Sanctis.*

*Tractatum de Usuris. impressum iterum Arimini  
anno .m. dccc. xxii.*

*Tractatum de moribus Venetorum.*

*Tractatum de conditionibus Florentinorum.*

*Tractatum de intensione & remissione formarum.*





I. Fran. in.

PAVLVS VENETVS,  
Ord. Eremit. S. AVGVSTINI, Theologorum  
in Italia, suo æuo, Princeps. Floruit  
in Gymnasio Patauino, ∞ccccx.

C. Galle f.



P A V L V S

V E N E T V S.



ON tantum mercium peregrinarum commune & toto orbe famosum emporium, sed litterarum etiam & virtutum præclarum theatrum est Venetiæ: in quo P A V L V S sic personam suam egit, ut plausum à doctis probisque omnibus tulerit. Patria hæc illi vulgò est; tametsi locum ei naturalem, quem Iovi fabulæ attribuunt, Cretam insulam quidam esse voluerint. \* Alii denique eum Utinensem fuisse contendunt. Certum est ad monasticen istic PAVLVM renatum esse, & sapientiam, cuius amore statim à puero flagravat, imbibisse. Litteras sacras Patavii, Bononiæ, Perusiæ, aliis in gymnasiis publicè professus est; monasticen tunc potissimum, quando provinciæ suæ summam præfecturam administravit. Illa tamen eum maximè famigeravit: ut totâ Italiâ nominatissimus, omnes sui ævi Philosophos ac Theologos superare crederetur. Celeberrima ejus memoria apud Senenses est; qui memoriter

\* Ioannes  
Henricus à  
Pflaumeren  
in Mercurio  
Italico f. 66.



meminerunt publicum ejus certamen, in quo hæreticum infamem Franciscum nomine Porcarium, re autem verâ porcum (brutali enim ingenio fuit) glorioso in agone vicit, & Italiam universam tetrâ hâc peste liberavit. Plus illi debet Seraphica familia. nam Bernardini viri sanctissimi, quos de benedicto & suavissimo nomine IESV dixit scripsitque, sermones, malevolentium hominum diâteriis illusos, ac lutulento commentario vitiatos purgavit, & scriptum auctoremque vindice calamo ab omni injuriâ apud posteros tutatus est. Fuit porro verborum affluens & disertus Ecclesiastes PAVLVS noster, natus ad permulcenda hominum pectora, quæ manu tenere, imò linguâ suâ, quò vellet, commovere videbatur. Illum tamen tam dulciloquum oratorem dura mors flexit, & ire jussit communem omnibus viam, anno ∞. CCCC. XXIX. decimo septimo Calendas Iulii. Habet Patavii, ubi conditus est, in templi sacrario hoc epitaphium:

HIC IACET SACRÆ THEOLOGIÆ DOCTOR CLARISSIMVS, ET THEOLOGORVM MONARCHA, MAGISTER FR. PAVLVS DE VENETIIS, ORD. EREMITARVM S. AVGVSTINI, QVI OBIT ANNO DOMINI 1429. DIE 15. IVNII.

IOAN:



IOANNES TRITHEMIVS  
de Scriptoribus Ecclesiasticis.

PAVLVS VENETVS Ordinis Fratrum Eremitarum  
S. Augustini, vir in diuinis scripturis eruditissimus, & in  
Philosophiâ Aristotelicâ nulli suo tempore in Italiâ secun-  
dus, ingenio subtilis, sermone scholasticus & declamator  
egregius.

Libri ab eo in lucem editi.

Contra Iudæos lib. I.	miæ janua nuncupari potest, lib. I.
Summa de naturalibus lib. I.	Super libros Porphyrii lib. I.
Sermones de tempore.	Super prædicamenta lib. I.
Sermones de Sanctis.	Super libros posteriorum lib. II.
Sermones in Quadragesimam.	Logica parva.
De Conceptione Virginis lib. I.	Logica magna.
De Incarnatione Dei lib. I.	Quadrantura circuli.
De excellentiâ Verbi Dei lib. I.	Super consequentiis Strodi.
Super Sententiis lib. IV.	De notitiâ Dei.
Super libros Physicorum lib. IIX.	De condendo Christiano testamento.
Super libros de generatione & corru- ptione lib. II.	De ortu & progressu sui Ordinis.
Super libros de Animâ lib. III.	Explicatio Dantis Aligerii Poëtæ Florentini.
Super Metaphysicam lib. XIV.	Compendium explicationum Ioannis de Ripa Doctoris in I. Sententia- rum.
Summa philosophiæ naturalis, lib. VI.	
De compositione mundi, qui Astrono-	

Dum rogo, quem tecum valeam componere PAULE,

En mox attonito sic mihi fama refert:

Desine scrutari, nec temet in omnia verte:

Cur ita? respondit, non habet ille parem.

B. A V.





B. AVGVSTINVS TRIVMPHVS,  
Anconitanus, Ord. Eremit. S.P. AVGVSTINI, Prior  
Generalis, vir eximie doctus.  
floruit in Concilio Lugdunensi,

I. Fran. inv.

CDCCLXXIV

C. galle fecit



# BAVGVSTINVS

## TRIVMPHVS.



ENERANDVS hic vultus AVGVSTINVM TRIVMPHVM exprimit, gemmam Italiae, Regum delictum, Scholarum oraculum, Religionis suae miraculum. Hunc Anconae de-

bemus: ubi anno post restauratum orbem millesimo ducentesimo quadagesimo & tertio natus est, patre Benedicto, ex veteri Triumphorum familiâ, jam inde ab Adriani I. temporibus illustri; quando Gratosus ex eâ gente Novariensis Episcopus, doctrinae & sanctitatis famâ apud Insabres quàm clarissimè illuxit. In puero quantus vir lateret, non difficile fuit praesagire. Id satis indicabant, ingenii singularis promptitudo, gravitas morum jam-tum matura, & quae his potior, magna in Deum & parentes pietas. Primam statim aetatem Musis dedicavit; quas adeò, propitias habuit, ut non exiguum eloquentiae laudem sibi comparaverit. Ab earum familiaritate ad sui amorem pellicere juvenem sanctior sapientia

R

cona-



conata est; sed & trahere patruus Guilielmus, vir inter Eremitas Augustinianos doctrinâ eximius, & Hugoni, magno ex Dominicanorum Ordine Cardinali in charissimis. Itaque annos natus octodecim, institutis monasticis Eremitarum S. Augustini initiari voluit, nomineque illius nominari, cujus vitam imitari statuerat. Augustinianis ergo fratribus adlectus, deinde in Logicæ tenebras introductus, non obseuros progressus fecit; eodemque pede Philosophiæ spatia emensus est. Lanfrancus Septala, Ordinis Prior Generalis, acris ingeniorum æstimator, studio adolescentis delectatus, eum ad Theologiæ adyta intrare iussit, & commendavit doctissimis eâ tempestate viris, Leonardo Viterbiensi, & Iacobo Perusino: sub quibus adeò diligentem sacris litteris operam navavit, ut Clemens Auximas, qui Lanfranco ad Religionis gubernaculum admotus successerat, AVGVSTINVM selegerit, qui unâ cum Ægidio Romano Lutetiam Galliæ proficisceretur, & Theologorum ibi principes Thomam Aquinatem & Bonaventuram audirent: ubi ad summum eruditionis & pietatis apicem pervenit. Quod palàm in his castris ostendit generosus tiro, quando in arenam publicam miles descendit, & proposita à se Quodlibeta in campo.

Aca-



Academico eruditissimè propugnavit. Non mul-  
 tò pòst, alia sui specimina illustriora dedit, edi-  
 tis in lucem aliquam-multis voluminibus. Ad  
 famam doctrinæ ita grassatus, Magistri titulum  
 Parisiis accepit, & cathedram ascendit, privatam  
 primò apud suos, deinde in Academiâ publicam,  
 quam frequentissima discipulorum corona sti-  
 pavit. Porro, quantum cum ætate doctrina, tan-  
 tum cum pietate incrementum sumpsit in Ca-  
 tholicam Ecclesiam amor, pro cuius veritate &  
 gloriâ usque ad ultimum anhelitum generosa  
 bella bellavit. Fraticellorum deliraméta, & mera  
 somnia in lucem protracta uno sed acri spiritu  
 difflavit, animos ei faciente Simone de Bria,  
 S. Cæciliæ presbytero Cardinale Gallo, qui de-  
 inde ad culmen Apostolicum evectus, Martinus  
 IV. fuit. Augures, Arioli, Aruspices & id genus  
 sycophantæ, graviter ab ejus stilo vapularunt,  
 nugari deinceps non ausi. Anno ∞. CC. LXXIV.  
 cùm ad indictum à Gregorio Decimo Lugduni  
 generale Concilium profectus Thomas Aquinas  
 Theologorum phœnix, à Deo interim vocatus  
 ad Beatorum concilium in cælum abiisset, Av-  
 GUSTINVS noster à Romano Pontifice in defuncti  
 locum delegatus, egregia apud omnes Patres  
 doctrinæ suæ monumenta reliquit. A Concilio,



statim evocatus à Patavinorum Principe Francisco Carrara, divini verbi sementem uberem Patavii jecit. Illinc ad suos in patriam rediit: ubi libreriorum calamos fatigavit, emissis in lucem doctissimis commentariis. Enimverò cùm non modò per Galliam universam, sed Italiæ etiam omnes angulos fama doctrinæ ejus volitaret, aures quoque & animum Caroli II. Neapolitanorum Regis titillavit: qui magnâ viri tam celebris videndi & compellendi cupidine lacepsitus, destinavit Anconam cum regiis triremibus viros gravissimos, qui AUGUSTINVM magnificis promissis sibi delenirent, & Neapolim pertraherent. Ille verò Regis clarissimi pollicita non insuper habenda ratus, voluntati legatorum sese permisit, & mari commisit. Neapoli humanissimè à Rege, & filio ejus Roberto exceptus est: quibus singulari morum sanctitate, prudentiaque se ita leniter insinuavit, ut eum magno in pretio habitum ad intima etiam Regni consilia adhiberent; cujus ore, ut erat vir disertissimus, apud Christianos Principes loqui sæpè sæpiùs voluerunt; nempe, qui negotia tam dextrè obibat, ut omnia expediret felicissimè. Cùm ergo eximiâ apud Reges potentissimos auctoritate polleret, quanto erga matrem suam, Religionem amore ferretur,



retur, ostendere conatus est, cui in magne Græ-  
 ciæ sive Calabriae præcipuis urbibus monasteria  
 multa obtinuit, & filiam novam, novam inquam  
 provinciam generavit. Anno deinde seculari  
 ∞. CCC. dum generalia Ordinis comitia Neapo-  
 li solenniter celebrantur, honorem Augustinia-  
 næ Religioni hunc detulerunt Rex optimus &  
 optima Regina, ut Patrum conventum præsen-  
 tes decorare, & regiis donariis auctare voluerint.  
 Illud autem ceteris omnibus pretiosius fuit, san-  
 cti putà Lucæ Evangelistæ venerandum caput,  
 quod per TRIVMPHI, in manus Patrum congre-  
 gatortm traditum est; qui illud in ædem D. Au-  
 gustini celebriter intulerunt, religiosè deinde  
 ab omnibus habitum, cultumque. Et AVGVSTI-  
 NVS quidem in oculis Regis, in regiis negotiis  
 totus erat. ex intervallo tamen subcisivam sibi  
 horam suffurabatur, quam scribendo impende-  
 ret. Quàm curiosè, poterunt illi arbitrari, qui lu-  
 cubrationes ejus, in medio curarum aulicarum  
 freto, luci datas, pervolverint. E quibus illud est  
 opus elaboratissimum de potestate Ecclesiasticâ,  
 quod summo Ecclesiæ capiti Ioanni XXII. in-  
 scriptum ivit. & fatentur viri doctrinâ & ingenio  
 præstantissimi, nihil in hoc genere scribi potuif-  
 se eruditum magis aut magis absolutum. Auêto-



ritas porrò sententiarum ejus quanta tum fuerit, facile quivis intelliget, qui viderit Ioannem Andream, S. Antoninum, Turrecrematam, Felinum, Decium, pluresque superiorum sæculorum Iurisconsultos doctissimos, & hujus nostri viros eruditissimos Martinum Navarrum, Didacum Covarruviam, Melchiorem Canum, aliosque, verba AUGUSTINI usurpare, & ab ejus doctrinâ, suæ fundamentum quærere. Cùm ergo sacros libros commentando, & Reipublicæ Christianæ augmentum quâ linguâ, quâ stilo, promovendo, omnes vitæ suæ annos piè & gloriosè impendisset, curriculo feliciter consummato, tandem metam attigit TRIUMPHVS noster, & solutis carnis vinculis IV. Nonas Aprileis, anno reparatæ salutis ∞. CCC. XXIIIX. ætatis verò LXXXV. evolavit ad supremum Agonothesam, præmium & triumphum, quem de superatis profligatisque animæ hostibus promeruit, postulaturus. Sanctitatis testimonium ei dedit suum seculum, quando in lapide ejus sarcophago nomen Beati insculpsit. Et

Raphaël Volaterranus gravis auctor,

*Anthropol. l. XXI. §. Eremitarum Ordinis viri f. 764.*

AUGUSTINVS, inquit, *Anconitanus plures & utiles*



*utiles commentarios reliquit, inter quos de Ecclesiasticâ potestate ad Ioannem XXII. Vitæ præterea integritate & abstinentiâ clarus: quapropter in Beatorum & ipse numero censetur.*

Antonius item Possevinus in Apparatu sacro:

AVGVSTINVS TRIVMPHVS sanctè decessit ex hac vitâ, ut etiam Beatum plerique illum appellaverint.

Denique Renatus Choppinus, *Monasticon lib. 1. tit. 3. n. 15.*

*Quod attinet ad Eremitas Augustiniane Societatis, adscripti sunt Cœlitum catalogo Nicolaus Tolentinas, Augustinus Siculus, AVGVSTINVS Anconitanus, &c.*

Hieronymus certè Seripandus S. R. E. Cardinalis, Iosephus Pamphilus Episcopus Signinus, aliique è familiâ Augustinianâ gravissimi auctores, eum semper & scripto Beatum nominaverunt, & penicillo imaginem ejus Beatorum radio illustrem expresserunt.



## B. AVGVSTINI TRIVMPHI

EPITAPHIVM,

*Quod est Neapoli in Ecclesiâ S. Augustini.*

ANNO. DOMINI. M. CCC. XXVIII.

DIE. SECVNDÂ. APRILIS.

INDICTIONE. XI.

OBIIT. BEATVS. AVGVSTINVS.

TRIVMPHVS. DE. ANCONA.

MAGISTER. IN. SACRA. PAGINA.

ORDINIS. PATRV. EREMIT.

SANCTI. AVGVSTINI.

QVI. VIXIT. ANNOS. LXXXV.

EDIDITQVE. SVO. ANGELICO. INGENIO.

XXXVI. VOLVMINA. LIBRORVM.

SANCTVS. IN. VITA. ET

CLARVS. IN. SCIENTIA.

VNDE. OMNES. DEBENT. SEQVI.

TALEM. VIRVM. QVI. FVIT.

RELIGIONIS. SPECVLVM.

*Aut patris Augusti subiit mens aurea pectus,  
 Pythagoræ sensu, Magne TRIVMPHE tuum:  
 Aut tibi postremâ quondam moriturus in horâ,  
 Et genium liquit, ingeniumq. suum.*

Scripta



Scripta ejus sunt

*Quodlibeta. quæ Parisiis publicè defendit.  
In quatuor libros Sententiarum.  
Contra divinatores & somniatores, hortatu Simonis  
S.R.E. presb. Card. S. Cæcilie.  
Super facto Templariorum.  
Liber de amore Spiritûs Sancti, &  
Alter de resurrectione mortuorum: quos Leonardo  
Quercino S.R.E. Cardinali Albano dedicavit.  
De Spiritu sancto contra Græcos.  
De prædestinatione & præscientiâ.  
De libero arbitrio.  
De consolatione animarum beatarum.  
Decretalem, Firmiter, de summâ Trinitate, & fide Cath.  
explicavit: rogante Ioanne Britanno viro illu-  
stri, & Ecclesiæ Varadiensis rectore.  
In Ezechielem.  
In Matthæum.  
In Marcum.  
In Ioannem.  
In Pauli Epistolas omnes lib. 14.  
In omnes Pauli epist. catena Patrum.  
In Epistolas Canonicas.  
In acta Apostolorum.  
In acta Apostolorum catena Patrum.*



*In Apocalypsin.*

*In Epistolas Pauli & Canonicas.* novum & copiosius ingeniosiusque opus tertio edidit, quod Gerardo Archidiacono Tholosano, Gerardi Parmensis Cardinalis Episcopi Sabinensis nepoti inscripsit.

*In cap. 1. Lucae super Missus est.*

*super Ave Maria.*

*super Canticum Magnificat.*

*De introitu terrae promissionis.*

*De cantico spirituali sive de decem chordis.*

*De potestate Ecclesiastica ad Io. XXII.*

*De potestate collegii, mortuo Papâ.*

*De potestate Prælatorum.*

*De thesauro Ecclesiæ.*

*De sacerdotio & regno, ac de donatione Constantini.*

*De prædicatione generis & speciei.*

*Destructio arboris Porphyrianæ.*

*De cognitione & potentiis animæ.*

*Exposit. & quæst. in l. priorum Arist.*

*Commentatio in lib. posteriorum.*

*Commentarios in libros priorum & posteriorum, distinctius postea ornatiusque digessit, rogatu Conradi, filii Guidonis Comitis montis Silicis, Fratris Augustiniani, discipuli sui.*

*Commentatio super duodecim libros Metaphysicorum.*

*Ejus-*



AVGVSTINI TRIVMPHI. 139

*Ejusdem Summa de potestate Ecclesiasticâ, edita Romæ an. 1584.*

*Commentarius item in Canticum Mariæ, ab Angelo Rocca Camerte Augustiniano, Romę an. 1590.*

*Commentarius in salutationem & annunciationem Angelicam, ab eodem ibidem 1592.*

*Sermones ejus Dominicales ad Clerum, &*

*Sermones de Sanctis ad eundem, extant m. ss. Romæ in bibliothecâ Augustinianâ.*

*Tabula sive Index in Moralia S. Gregorii, aliosque ejus libros & tractatus est in bibliothecâ S. Marci Mediolani.*

*Milleloquium, insigne ex scriptis D. Augustini volumen idem inchoavit, sed mors interveniens scribentem interturbavit. Bartholomæus deinde Urbinate Episcopus & ipse Augustinianus perfecit. quare & hujus nomen præfert.*

Ceterum omnia B. AVGVSTINI TRIVMPHI opera, civium Anconitarum sumptibus ex archetypis descripta, in magnis pulcherrimisque voluminibus habet Romæ Vaticana Bibliotheca.





CHRISTOPHORVS PATAVINVS Philosophus et Theologus eximius, floruit in  
Concilio Tridentino, obiit Romæ non sine sanctitatis opinione 60 10 LXIX.  
cum Ordinem Erem. S. Aug. an. xviii felicissime gubernasset.



# CHRISTOPHORVS

## PATAVINVS.

**R**ARA in hoc viro ingenium, doctrina, eloquentia fuerunt: quæ Pontifici Maximo, & sacro purpuratorum Patrum Senatui probavit frequenter, quando ex munere (Ordinis sui Procurator Generalis erat) in æde Vaticanâ graviter, diserteque, & cum omnium admiratione peroravit. Sed morum imprimis probitate suis se fratribus commendavit, qui in Comitibus Bononiæ habitis anno ∞. D. LI. Hieronymo Seripando præfecturæ onus excutiente, eum sibi prælatum conspirantibus suffragiis voluerunt. Quo in munere, personæ dignitatem tam blando sinceroque ore condiebat, ut prorogato in duodeviginti annos imperio, non tantum ut à filiis pater observaretur, sed etiam ut patronus à clientibus veneranter coleretur. Iudicii & prudentiæ egregium specimen dedit in Concilio omnium celeberrimo, quod Tridenti à Paulo III. inchoatum, à Iulio III. continuatum, sub Pio IV. tandem felicem exitum habuit: ubi doctrinæ &



sanctitatis famâ ita inclaruit, ut, quem postremum nominavi, Pius IV. purpuræ ornamentum PATAVINO nostro destinavit. Sed vocē Pontificis pronunciaturi fatalis hora præcucurrit, quæ vitam illi & galerum eripuit. Eripuit? imò utrumque contempsit, desiderans dissolvi potius, & cum Christo esse. Cùm enim ad annorum pondus febris etiam accederet, quæ ei gravis incumbere, & ad communem mortalibus omnibus terminum urgere cœperat, corde adhuc vegeto, & plenâ animi in Deum fiduciâ, assumptam in manus Christi crucifixi imaginem (ut non solo nomine CHRISTOPHORVS esset) frequenti osculo amplexatus, fratres imprimis suos circumstantes, totumque Ordinem ardentissimis verbis & lacrymis Christo Servatori commendavit, sese deinde eidem plenâ pietatis oratione committens, *Trahe me*, inquit, *IESV Christe, trahere me post te; curremus in odorem unguentorum tuorum*: clarâ denique & intrepidâ voce, cùm ternâ vice versum illum, *In manus tuas Domine, commendo spiritum meum*, repetivisset, (religiosi viri verè pulcrum exemplum) sacræ crucis amplexibus immortuus est, Romæ 4. Februarii ∞. D. LXIX. Beatus ille, si *Beati mortui, qui in Domino moriuntur*. Alumni Patavini Patri suo optimè de se & totâ Religione  
atque



CHRISTOPHORI PATAVINI. 143

atque universâ Ecclesiâ merito hoc in portâ sacrarii Epitaphium dedicarunt.

CHRISTOPHORVM PATAVINVM, MAGNI  
NOMINIS PHILOSOPHV AC THEOLOGVM,  
AVGVSTINIANÆ RELIGIONIS PER ANNOS  
DVODEVIGINTI GVBERNATOREM GENERA-  
LEM, SVMMIS PONTIFICIBVS CARISSIMVM,  
IN CONCILIO TRIDENTINO DE REPVBICA  
CHRISTIANA OPTIME MERITVM, AD  
OMNIVM AVGVSTINIANORVM COMMODYM  
DIGNITATEMQVE TVENDAM DIVINITVS  
DATVM, HIC CONVENTVS PARENTI  
SVO BENIGNISSIMO IMMORTALITER  
DEDITVS, IMMORTALI COLIT VENERATIONE.

OBIIT AN. SAL. M.D.LXIX. VIX. ANN. LXVIII.

Antonius Possevinus in Apparatu sacro.

CHRISTOPHORVS PATAVINVS *Augustinianus Prior  
Generalis, Theologus, & Philosophus, ac vitæ inno-  
centiâ clarus.*

Scripsit



Scripsit

De sanctissimo Eucharistiae Sacramento.

De Sacrificio Missae.

De Pœnitentiâ.

De Extremâ Vnctione.

De Sacramento Ordinis.

De voto solenni.

Tractatus varios pertinentes ad Sacramentum Matrimonii.

De hostiâ consecratâ ab igne conservatâ.

De Sacramento Confirmationis.

De sacerdotibus Concubinariis.

De baptismo Christi & Ioannis.

De Iustificatione.

De Episcoporum residentiâ.

De officiis Cardinalium & Episcoporum.

De Simoniâ.

De beneficiorum regressibus, accessibusque & compositionibus.

De modo conficiendi catalogum Auctorum, qui ab Ecclesiâ interdicendi sunt.

Articulos disputatos in Concilio Tridentino.

Orationes varias quas coram summo Pontifice &

S. R. Ecclesiæ Cardinalibus,

ad Fratres, &



*in Synodo Tridentinâ habuit.*

*Commentaria in epist. Pauli ad Galatas M.S. in Bibliothecâ Patavinâ apud Eremitanos vidisse se scribit Possevinus.*

*Dum cruce pendentis frueretur imagine Christi*

CHRISTOPHORVS, magnâ talia voce refert:

*Me trabe Christe, precor, trabe me, curramus ut ambo:*

*Quid tardas? trabe me, me trabe, Christe, trabe.*

*Dixit, & effectus voti mox compos obiit.*

*Quis putet hunc morbo, non & amore mori?*







ONUPHRIUS PANVINUS Veronensis, On.  
Ere. S. Aug. antiquitatum indagator solertissimus,  
Panormi fato immaturo e viuis raptus est. Aeta  
suae A<sup>o</sup> 39 inchoato Dñi, 1568 die 18 Kal. April.

I. Fran. in.



## ONVPHRIVS

## PANVINIVS.



ERONA, Cenomanorum urbs antiqua & ampla, Brenni Gallorum Ducis opus, cum civium nobilitate, populi que frequentia semper floruerit, tum multo clarissima fuit.

à viris, quos ingenio doctrina que præstantissimos edidit. Cives illius sunt Poëtarum amœnissimus Catullus, Æmylius, Macer, Guarinus Orator, & naturæ nimium curiosus indagator Plinius, nunquam perituris æternæ famæ tabulis inscripta nomina: quibus non exiguum additamentum jungitur ONVPHRIVS noster PANVINIVS, vir ingenii maximi, & simul (quod insolens) studii indefessi; cui quantum tota Respublica litteraria debeat, memorari ex iusto nequit. Sacram omnem profanam que historiam non modo evoluit accuratissimè; sed rerum prætereà seriem ac tempora distinxit, expressit, lumen que accendit omnibus, qui ad scribendum postea animum appulere. Tomos duos Annalium priores,

T. 2                      quos



quos magno cum Ecclesiæ fructu atque orna-  
mento perscripsit Cæsar Baronius, noster O N V-  
P H R I V S delineasse antea, & primam eorum  
graphidem posuisse creditur; quos deinde Car-  
dinalis composuerit, poliverit, evulgaveritque.  
Creditu admodum difficile est, quàm profundè  
se libris quasi immerferit, ut planè immori illis,  
aut potius in iis solis vivere videretur. Primum  
vitæ florem, & quod reliquum vitæ (nimiùm  
brevis) duxit, totum lucubrationibus assiduis  
consecravit. Hinc non tantum eruditissimis, sed  
Principibus quoque viris in pretio fuit: quod ei  
exitio fuisse exitus comprobavit. Cùm enim A-  
lexandrum Farnesium S. R. Ecclesiæ Cardinalem  
& Pro-Cancellarium in Siciliam comes secutus  
fuiſſet, Panormi fato iniquo, quia immaturo, è  
vivis raptus est: sed memoriam ejus nulla dies  
eripiet, quam librorum præclara monumenta  
immortalem reddiderunt.

Obiit etat.  
sua anno 39.  
inchoato  
Domini  
1568. 18.  
Calend.  
April.

*Vidit ut O N V P H R I jam lumina morte natare  
Musa, cui Historicâ nomina laude fluunt:  
At tibi fatalis, clamat, tristisque Panorme,  
Historiæ tollis quæ mihi grande jubar;  
Ipsa memor quoties fueris morientis O N V P H R I,  
Ex oculis lacrymæ fluminis instar eant.*

Viro-



Virorum doctissimorum de

## ONVPHRIO PANVINIO

## TESTIMONIA.

Paulus Manutius l. 2. Epist. 4. ad Antonium Augustinum, Pontificis Romani ad Regem Romanorum Legatum.

ONVPHRIUS PANVINIUS, *ille antiquitatis beluo, spectatae juvenis industriae, & ingenio ut probitate praestans, hic est, eritque, ut video, in aliquot menses. Imprimet suos Fastos cum commentariis, & interim adornat alia. saepe litigat obscuris de rebus cum Sigonio nostro: sed utriusque bonitas, mutuus amor, excellens ad cognoscendum judicium facit, ut inter eos facile conveniat.*

Idem lib. 3. epist. 17. ad M. Antonium Muretum.

*Libri aliquando exierunt, quos ad te mitto, ONVPHRII PANVINII; Non dubito, cum legeris, quin meum de illius praestanti virtute testimonium confirmes. Habet alia in manibus, unde fructum studiosi capere vel maximum possint. Quae ut edat maturius, otium illi exoptare, qui rerum nobilium scientiam appetunt, omnes debent.*



Iosephus Scaliger lib. v. de Emendatione  
temporum f. 248.

ONVPHRIVS, optimus vir, & in cuius obitu omnes  
numeri Historiae collacrumarunt.

Idem lib. VI. f. 264.

ONVPHRIVS PANVINIVS est Pater Historiae.

Ioannes Frisius in diebus emortualibus virorum  
armis litterisque celebrium.

ONVPHRIVS PANVINIVS Veronensis Eremita Au-  
gustinianus, antiquitatis indagator solertissimus.

I V S T V S L I P S I V S

in Panegyrico Plinii.

ONVPHRIVS, verus pater Principalis historiae &  
Fastorum.

I A C O B V S A V G V S T V S T H V A N V S

Historiarum sui temporis lib. XLIII.

ONVPHRIVS PANVINIVS Veronensis Eremita Au-  
gustinianus, vir ad omneis & Romanas, & Ecclesiasticas  
antiquitates è tenebris eruendas natus: quod præclara ejus  
& ad omnem æternitatem victura monimenta testantur.  
Qui Alexandrum Farnesium Cardinalem præcipuum pa-  
tronum suum in Siciliam profecutus, alienissimo & sibi &  
publicæ



publicæ utilitati, cui in Ecclesiasticâ historiâ concinnandâ  
inſerviebat, tempore, Panhormi obiit XVIII. Kalend.  
April. cū annum tantū ætatis XXXIX. attigiffet.

## ONVPHRII PANVINII

Libri, qui publicam lucem viderunt,  
prælo expreſſi.

Epitome Pontificum Romanorum à S. Petro uſque ad  
Paulum IV. Geſtorum videlicet, Electionisq; ſingulorum,  
& Conclavium compendiaria narratio. Venetiis 1573.

Cardinalium item nomina, dignitatum tituli, inſignia, le-  
gationes, patria, & ſitus. Venetiis 1557.

Platina de vitis Pontificum reſtitutus, cum LX. ad eas Ad-  
notationibus, & Additione Pontificum à Sixto IV.  
uſque ad Pium IV.

De præcipuis urbis Romæ ſanctioribus baſilicis, quas VII.  
Eccleſias vulgò vocant. Colonia 1584.

De primatu Petri, & Apoſtolice Sedis poteſtate, libri III.  
Venetiis 1591.

Chronicon Eccleſiaſticum à C. Iulii Cæſaris imperio uſque  
ad Imperatorem Maxæmylianum II. Colonia 1568. &  
Lovanii 1573.

De antiquo ritu baptizandi catechumenos, & de origine  
benedicendi imagines cereas, quæ Agnus-Dei vocan-  
tur. lib. I.

De Sybillis.

Chro=



*Chronicon Ordinis Eremitarum à D. Augustini tempore  
usque ad annum 1550.*

*Interpretatio multarum vocum Ecclesiasticarum quæ ob-  
scuræ vel barbaræ habentur. lib.I.*

*De ritu sepeliendi mortuos apud veteres Christianos, &  
eorum cæmeteriis. lib.I.*

*De Stationibus Urbis Romæ. lib.I.*

*Fasti & Triumphus Romanorum, à Romulo usque ad Ca-  
rolum V. Imperatorem, additis Impp. Occidentalium &  
Orientalium iconibus. Venetiis an. 1557. & 1573. item  
Heidelbergæ 1588.*

*Commentarii Reip. Romanæ. libri III. Venetiis an. 1558.  
& Francofurti 1597.*

*Commentarius de Triumpho. Venetiis in folio regali 1571.*

*Commentarii in Fastos Consulares. Ibidem.*

*Civitas Romana. Ibidem 1558.*

*Viginti septem Pontificum Rom. elogia & imagines accu-  
ratissimè ad viduum æneis typis delineatæ.*

*Libri IV. de Impp. Romanis, Græcis & Latinis: de quæ-  
iis, qui suum habuere imperium in Italiâ, Gothis, Lon-  
gobardis, Francis, Germanis, Hispanis, & aliis Natio-  
nibus, cum eorum Genealogiis & Arboribus à Cæsare  
usque ad Ferdinandum Imperatorem.*

*Liber de ludis Circensibus cum æneis iconibus. Venetiis  
an. 1602. & Parisiis 1600.*



## Libri qui prodierunt manu scripti.

*Quinque libri de Comitibus Imperatoriis, quibus expenduntur varii, atque adeò omnes modi eligendorum Imperatorum à Cesare usque ad Maxemilianum II. cum Institutione VII. Electorum Imperii. Extant Monachii in Bavaricâ Bibliothecâ.*

*De Ecclesiâ, Baptisterio, & Patriarchio Lateranensi.*

*Historia familiæ Frangipaniæ. libri IV.*

*Historia familiæ Sabellæ. libri IV.*

*Historia familiæ Maximorum. lib. I.*

*Historia familiæ Cenciorum. libri II.*

*Historia familiæ Matthæorum.*

## Libri absoluti, sed in lucem non emissi.

*De origine septem sacrorum Ordinum lib. I.*

*Collecta è viginti libris spiritualibus sive cærimonialibus de sacrificio Missæ, à Christi Domini tempore usque ad annum ∞. CCC. unâ cum plerisque declarationibus rerum Ecclesiasticarum, Stationum, Indulgentiarum, sive Condonationum; Interpretatione quoque rerum, seu verborum à Scriptoribus Ecclesiasticis usurpatorum.*

*De dignitate Sedis Apostolicæ, & de potestate Summi Pontificis contra Centuriatores hæreticos. Quæ & inscripta est Historia Ecclesiastica.*

*Quinque libri de Creationibus Summorum Pontificum: de-*



que morte ipsorum, inter-regno, legibus eâ de re sanc-  
tis, à D. Petro usque ad Pium IV.

De origine Cardinalatûs.

Chronicon Ecclesiasticum Summorum Pontificum, Impe-  
ratorum, Patriarcharum, Conciliorum, Virorum san-  
ctitate ac doctrinâ illustrium.

Vitæ Patriarcharum quatuor primarum sedium.

Libri X. de antiquis & recentioribus Ecclesiis, Monaste-  
riis, Cæmeteriis, & aliis piis locis Urbis Romæ.

Breve judicium de Historicis antiquis, Latinis & Græcis.

De antiquis Urbis Romæ edificiis.

De Antiquorum superstitione, sacrificiis, auguriis, haru-  
spiciis, sortibus, sacris epulis.

De Porticibus unâ cum tribus millibus Inscriptionum Ro-  
manarum.

Libri X. de Antiquitate, & Historiâ Virorum illustrium  
Veronæ, suæ patriæ.

Libri partim delineati, partim semiabsoluti,  
partim absoluti, sed non recogniti.

De antiquis institutis, ritibus, cærimoniis, & usibus Ec-  
clesiæ Romanæ.

De antiquis Officiis & Magistratibus Urbis Romæ.

Brevis collectio Conciliorum Generalium, & Provincia-  
lium.

Vitæ Archiepiscoporum & Primatum primariarum Ec-  
clesiæ.



*clesiarum Occidentis, Aquileia, Gradenſis, Ravenna, Mediolani, Moguntia, Treveris, Colonia, Toleti, Canturberii, Senonenſis, Lugduni, Carthaginiſ, & eiufmodi aliarum.*

*Hiſtoria Ordinis Eremitanorum; & de Origine aliorum Ordinum Religioſorum, qui ſunt apud Chriſtianos.*

*Hiſtoria Eccleſiaſtica Vniverſalis.*

*Breviarium Imperii Romani, cum iis, quæ pace bellõve geſta ſunt Romæ, & foris, à Romulo uſque ad Juſtinianum Imperatorem.*

*Volumen, quo univerſus mundi ſtatus deſcribitur; tam de iis, quæ ad Religionem, quàm quæ ad Politiam ſpectant. Itaque & de ſectis, hæreſibus, Ethnicâ impietate. De verâ autem Religione inprimis, mox de falſis ſeu abolitis, Iudaicâ, Mahometanâ, & aliis: deinde & de Imperiis, Regnis, Rebus-publicis, Bellis inter eas, Opibus, Dependentiis, ut vocant, & Origine uniuſcujuſque Principatûs.*





I. Fran. in.

FRANCISCUS RICHARDOTVS Ord. Erem. S. AVGV,<sup>s</sup>  
Episcopus Atrebatensis, in Conc. Trid. Orator ad miraculum  
vsque facundus, Ecclesiae, et Belgio mors eum eripuit.  
vii Kal. Aug. c17 10 lxxiv.



## FRANCISCVS

## RICHARDOTVS.

**R**ICHARDOTORVM illustris hodie apud Belgas familia splendorem FRANCISCO huic debet, cujus nomen & scutum gentilitium Ioannes, ejus ex Ioannes Richardotus sanctioris curia Bruxellis praeses. sorore nepos (sed, hui! quantus vir) in domum suam transumpsit, felici deinde traduce in posteros multis honorum & laudum titulis cumulatifimum & nunquam intermoriturum propagavit. At enim FRANCISCVS in Burgundiae comitatu oriundus, juvenis admodum Champliti Augustinianam regulam professus, coepit ingenii statim, virtutisque suae primos radios evibrare. Tornaci veluti per nebulam, sed Parisiis clarissime, ubi primum supra vigesimum annum dumtaxat ingressus, publico è pulpito Divi Pauli epistolas summâ cum laude explanavit. Sed cum aestuantis animi juvenili impetu in nescio quam sententiam abreptus, sinistram apud Sorbonenses Patres suspicionem incurrisset, reliquit Lutetiam, & cum Blasio Piperio Augustiniano, viro

V 3                      non



non minùs erudito (qui postea cœnobii Montis-Benedicti in comitatu Burgundico ad Lycum Abbas fuit) in Italiam abiit. Vbi cùm hæssisset annos aliquot, adhæssissetque hominibus doctissimis, insignem omnium scientiarum thesaurum collegit, cui decus & pretium addebat eloquentia, quâ usque ad miraculum valebat. Dixisses os illi Medusæum esse, quod cùm in suggestu aperuisset, attonitos & planè obstupidos reddebat auditores.

----- *nec digniùs unquam*

*Majestas meminuit sese Romana loquutam.*

Ille enim, (nullâ hîc uitor hyperbole)

Ὅ ποτε παρέλθοι, ὥσπερ οἱ ἀγαθοὶ δρομῆες,

Ἐκ δέκα ποδῶν ἤρξ' λέγων σὺν ῥήτορας.

Ταχὺς λέγειν μὲν, πρὸς δὲ γ' αὐτῷ τῷ ταχέϊ.

Πειθῶ τις ἐπεκάλειζεν Ἰππὶ τοῖς χείλεσιν.

Οὕτως ἐκλήλξ', καὶ μόνῳ τῷ ῥήτορων

Τὸ κέντρον ἐγκατέλιπε τοῖς ἀκρωμυροῖς.

*Optimus ut cursor, pedibus promotos decem:*

*Facilè vincebat oratores ceteros:*

*Velox loquendo; sed cum veloci impetu*

*Suada infēdebat labiis illius;*

*Ita delenibat homines, unusque omnium*

*Linquebat stimulos in animo audientium.*

Hisce ergo animi dotibus eximius, facilè, nullâ pararii operâ usus, transivit in familiam Antonii



tonii Perenotti Granvellani Atrebatium Episcopi, in quâ tum Iustus Lipsius, aliique viri literatissimi erant, & Romanum cum illis iter ingressus est. RICHARDOTI autem ingenium doctrinamque tanti fecit Granvellanus, ut eum ad initia Vefontione nascentis Academiae adhibere voluerit. Vbi dum sacras litteras publicè interpretatur, ab Archipræsule in pro-Episcopum assumitur, & titulo Christopolitani consecratur. Sed in cathedram Mechliniensem, quam in metropolitana Pius IV. erexerat, Gravellano translato, RICHARDOTVS in Atrebatensem successit. Ibi tum ἀρχὴ τὸν ἄνδρα ἔδειξεν. Belgicas Regis Catholici provincias turbarant homines quidam impuri, fidei humanæ & divinæ juxta desertores, Gallia Germaniæque ejectamenta, & monstruosas de religione opiniones, de pudendo Calvinii lilieto decerptas, haustas ex Lutheri poculo catechistico, populo novæ doctrinæ avido plenis & spumantibus carchesiis propinaverant. Dulci hoc temeto correpti statim & corrupti plebis animi, afflati deinde primarii in Regiâ viri arrogarunt sibi de fidei controversiis suffragia, & palàm de religione arbitrari voluerunt. Ivit res in tumultum, jamque in Belgio stabant

Magistratus virum probavit. Arist. l. 5. Mor.

*Omnia fanda, nefanda malo permista furore;*

ut



ut jam nihil quemquam puderet, neque legibus ullus locus esset. Vt pestem hanc ab Artesiis suis FRANCISCVS averteret, immane quantum laboravit; cùm frequens in sacris ædibus ad populum è cathedrâ, in exedris è pulpito ad discipulos Duaci (ubi Rex Philippus, annitente in primis RICHARDOTO Academiam instituerat) Episcopus & Professor Theologus dixit, effecitque divinâ quâdam facundiâ, ut venenaria hæreticorum dogmata nemo sanus biberet, evomeret iterum, qui toxicum imprudens antè imbibisset. Doluerunt hæreticis omnibus oculi; quòd eorum quidam antesignanus & præco-minister Duaci, Episcopi argumentis convictus, malefanam sectam, quam studiosè coluerat, aluerat curiosè, ejuraret, & ad gremium Romanæ Apostolicæ Ecclesiæ rediret. Frendere interim illi & fremere, minari & machinari RICHARDOTO malum & necem, quando illo salvo, sua omnia ubique dogmata pessum ire manifestò viderent. Orabat fortè Armenteriæ in Flandriâ Antistes, & pro Catholicæ fidei veritate solidam ex intimâ doctrinâ orationem formabat, firmabatque populum in majorum antiquâ religione, cùm ecce lucifuga quidam de fæce Calvinianâ nebulo bene armati sclopi rotulam laxat, plumbeamq; glandem



dem ejaculatur in concionantem. Sed stetit Præ-  
sul non omnino tactus; tectum manu divinâ pii  
credidêre. Ioannes à Blitterswijck Cartusiæ Bru-  
xellensis alumnus, factum hoc mirandum cala-  
mo poëtico non ineptè expressit.

*Parva Armenteria est urbs Flandrica, plebe fideli  
Inchyta, & antiquæ religionis amans.*

*Quam dum FRANCISCUS celsis ambonibus extans*

*Voce RICHARDOTVS suave-tonante docet,*

*Perfidus exerto petit hunc paricida sclopeto,*

*Disclusoque tubo glande vibrante quatit.*

*Sed Deus ipse virum cælesti numine tutum*

*Fecerat adversus fulmina, tela, globos.*

*Inunc perfidiæ miserabilis hæresis altrix,*

*In solem aut cælum perfida tela jace.*

*In caput illa tuum recident, dabis impia pœnas,*

*Et te sulphureo perpluet igne Deus.*

Porro in Concilio Tridentino cum aliis Epi-  
scopis optimam Christianæ Religionis operam  
navavit, quando è sublimiori cathedrâ detonuit  
gravissimâ oratione contra clandestina matri-  
monia, & quinquaginta Episcopos; tam disertè  
atque accuratè, ut attentis arrectisque auribus  
omnes dicentem, desinentem eum faustis accla-  
mationibus exceperint. Et verò hunc tantum vi-  
rum Ecclesiæ & Belgio mors tandem eripuit.



*Quantus verò vel Atrebates (inquit Buzelinus) vel Duacenses dolor ex ejus obitu invaserit, memorari ex justo nequit: cum utrique secum attentius reputarent, quantum ab eo ceperant utilitatis, & quanto ad tolerandas fortiter ejus temporis difficultates, quæ magnæ profectò erant, & majorum tamen initia credebantur, destituti essent subsidio. Defuncto, avunculo suo, Ioannes Richardotus, Artesiensis Consilii tum Præses in ecclesiâ cathedrali magnificū ex marmore & alabastrite mausoleum erexit; in quo sequens incisum legitur Epitaphium.*

## D. O. M. S.

FRANCISCO RICHARDOTO BVRGVNDO ATREBATIVM EPISCOPO  
 VIRO IN OMNI DISCIPLINARVM GENERE VERSATISSIMO  
 ET CONCIONATORI ELOQVENTISSIMO  
 QVI OB SINGVLAREM DOCTRINAM ET PRÆCLARAS ANIMI DOTE  
 OMNIBVS ORDINIBVS VNICE CARVS  
 POSTQVAM HANC ECCLESIAM PERICVLOSIS TEMPORIBVS  
 INGENI DEXTERITATE ET ASSIDVIS CONCIONIBVS  
 ANNOS IPSOS TREDECIM FELICITER REXISSET  
 MAGNO SVI RELICTO DESIDERIO  
 ANNV M ÆTATIS AGENS LXVII. E VIVIS EXCESSIT  
 IO. RICHARDOTVS PHILIPPO II. HISP. REGI A RERV M STATVS  
 SECRETISQVE CONSILIIS AC LIBELLIS ET ARTESIÆ PRÆSES,  
 AVVNCVLO OPTIMO NEPOS MOESTISSIMVS POSVIT.  
 OBIIT VII. KAL. AVG. CIO. IO. LXXIV.



FRANCISCI RICHARDOTI. 163

Edita ab eo hæc sunt;

*Oratio*, quam habuit in Synodo Cameracensi  
an. 1565.

*De imaginibus*. Lovanii an. 1567.

*Tractatus de controversiis*. Lovanii an. 1568.

*Instructio Pastorum*. Antverpiæ apud Plantinum, &  
Lutetiæ apud Nicolaum Chesneau an. 1564.

*Oratio*, quam habuit in Concilio Tridentino.

*Oratio funebris*, quam habuit Gandavi in exequiis  
Henrici II. Galliarum Regis.

*Oratio funebris*, quam habuit in funere Caroli V.  
Imperatoris. Antverpiæ apud Plantinum.

*Oratio*, quam habuit in inauguratione Academiæ  
Duacensis.

*Sex sermones super orationem Dominicam*.

*Quatuor sermones de Incarnatione Verbi Dei*, super  
Missus est.

*Sermones de sanctissimo altaris Sacramento*.

Edidit quoq; *Statuta synodalia suæ Diœcesis*, adjectis  
prædecessorum suorum veteribus statutis.

FERREOLVS LOCRIVS

in catalogo Scriptorum Artesiensium.

*FRANCISCVS RICHARDOTVS*, insignis Theologus  
& Orator, ad miraculum usque facundus, ex religioso Au-  
gustiniano factus est Episcopus Atrebatensis.



## Idem in Chronico Belgico.

FRANCISCUS RICHARDOTVS, sacrae Theologiae Doctor, in omni scientiarum genere longè versatissimus, atque post hominum memoriam eloquentiae laude, cui par accedebat pietas, celeberrimus: incredibilem sui admirationem excitavit, non imperitus aut infrequens coram Regibus Principibusque de quocunque themate ex memoria, seu Latine sive Gallicè pari facundiâ eloqui. Prudentiâ atque auctoritate in suâ Diœcesi eâ est usus, ut quanquam dissidiis intestinis Belgica variè tumultuaretur, Atrebates nihilominus, frequenti concione in fidei Romanae & Catholicae professione observantiaque, & veri Principis Philippi II. Hispaniarum Regis obsequio contineret.

## ANTONIUS POSSEVINVS

in Apparatu sacro.

FRANCISCUS RICHARDOTVS, natione Burgundus, Augustiniani Ord. & Episcopus Atrebatensis, Theologus insignis.



IOANNES PAVLVS GEWIN DE REMICH

S. Theologiæ Doctor in Famâ posthumâ

D. PETRI RICHARDOTI

Abbatis Epternacensis.

*Inter RICHARDOTIOS lucet inprimis, ut Phœbea Lampas & stellæ inter Cynosura minores, FRANCISCVS RICHARDOTVS, Atrebatium Episcopus, quem sacra Oecumenica Synodus Tridentina, Hæreticorum hyperaspisten, & sacrorum dogmatum vindicem acerrimum, Burgundia & Belgium Phœnicem Advocatorum, ipse orbis terræ tot libris editis & vitâ clarissimum novit. Illi Duacum eruditionem & suam merito jure Universitatem acceptam refert: pro quâ fundandâ, coram Philippo II. Rege Catholico, oravit sæpius, ac conspirante Granvellano Cardinale, tandem exoravit. Vt tot inter viros Illustres solum hunc cognomento MAGNI, etiamnum indigint. Illi Atrebatum debet pietatem & avitam religionem, quòd depopulante confinia circum loca Calvinò, hujus lenociniis non sit devirginatum. Illi orbis Christianus contra clandestina matrimonia Tridenti purpuratos inter Patres adversus quinquaginta Episcopos declamanti applausit; ÆTERNA PALMA, quam scuto suo gentilitio præferebat, dignissimus.*





AVGVSTINVS FIVIZANVS Ord. Erem. S.  
Aug. Theologus, Xenodochij S. Spi. præceptor, Apostol.  
Capellæ Sacrista, Pontificum Max. Grego. xiii. et Clem.  
viii. Confessarius, Sui Ord. tertium General. obiit  
iii. Kal. feb. Año M.D.XCV.



# AVGVSTINVS

## FIVIZANVS,

### SACRARI APOSTOLICI

#### PRÆFECTVS ET

### XENODOCHII S. SPIRITVS

#### IN SAXIA PRÆCEPTOR.

**E**X Molariorum nobili stirpe oriundus AVGVSTINVS in nobiliorem familiam Eremitarum, quos Afer, Magnus ille Ecclesie Doctor instituit, statim à prætextâ transiit, & cucullum prius, quàm togam virilem assumpsit. Religionis prima tirocinia Pisis posuit; Fiuizani verò in natali urbe votis se monasticis Deo obstrinxit. Hic obsequendi studio, sui contemptu, sed præcipuè in Deum pietate mirandus, ostendit nullum sibi esse ampliùs cum humanis commercium: ut jam tum præsa-girent omnes boni, magnam in adolescente latere sanctitatem, quæ in ætate robustiori pulchrè se aliquando proderet. Ad pietatis exercitia, literarum



terarum etiam adjunxit: in quibus nihil quæsi-  
vit præter Religionis honorem, & Dei gloriam;  
unicum sibi scopum Cælum objiciens, in quem  
oculo semper-vigilanti collimaret. Et verò qui  
virtutum adyta penetraverat, facile per ea & sine  
ullis ambagibus rectà ad supremum scientiarum  
apicem ascendit. Laureâ jam Magistrali, sed ma-  
gè vitæ integritate venerandum Reverendissi-  
mus Pater Generalis familiæ Romanæ inserere  
voluit; ut è loco sublimiori clariùs longiusque  
se se virtutum ejus radii diffunderent. Emicue-  
runt autem multò maximè, quando summum  
Ordinis sui gubernaculum tenuit auctoritate A-  
postolicâ; quâ eâdem & Comitiorum Genera-  
lium æstum Præsidens temperavit. In summis  
hiscè honoribus nemo AVGVSTINO modestior,  
nulli digniores hâc dignitate mores. Ille nun-  
quam lecto uti; stramento tantummodò, pud-  
icitia tuto thalamo, indormire: ille cilicio car-  
nem affligere ut plurimùm; cum deponeret,  
non nisi laneam subuculam assumere: ille ad  
mensam obvios dumtaxat & parvo ære parabi-  
les cibos, interdum nihil admittere. Quo factum,  
ut Pontifices Maximi, cum quoque maximi sem-  
per fecerint: Gregorius cum primis XII. qui cum  
Sacrario Apostolico, & suæ conscientia in secre-  
to



to tribunali præfecit. Secuti alii: à quibus obla-  
tam non semel infulam præfractè semper à suis  
rejecit humeris. Xenodochii, quod titulo S. Spiri-  
tûs in Saxiâ celebre in Vrbe maximumque est,  
Præceptorem à Clemente VIII. se nominari pas-  
sus est, pauperum potiùs, quàm sui causâ. Porro  
ejusce curam tam sanctè gessit, ut defunctum  
Summus Pontifex in ejusdem Xenodochii eccle-  
siâ condi voluerit, epitaphio Silvius S.R.E. Cardi-  
nalis Sabellus, & Ludovicus de Torres Achiepi-  
scopus Montis-Regalis Romæ, in patriâ verò  
Lazarus Molarius Nepos honorarint.

Epitaphium quod in Ecclesiâ S. Spiritûs de  
Saxiâ cernitur, est hoc.

D. O. M.

FR. AVGVSTINO MOLARIO FIVIZANENSI,  
ORDINIS SANCTI AVGVSTINI THEOLOGO,  
GREGORII XIII. ET CLEMENTIS IIX.

CONFESSORI,

APOSTOLICÆ CAPELLÆ SACRISTÆ,  
SVI ORDINIS TERTIVM VICARIO

GENERALI,

ET CAPIT. GENERALI BIS PRÆSIDENTI,  
HVIVS HOSPITALIS PRÆCEPTORI,

VIRO PIO, HVMILI, OMNIBVS CARO,  
ET OB CHRISTI PAVPERES

SEMPER EGENO.

VIXIT ANNOS LXIIX. MENSES III. DIES XVIII.

OBIIT III. KAL. FEBR.

ANNO M.D. XCV.



SILVIUS S. R. E. PRESB. CARD. SABELLVS  
PATRIARCHA CONSTANTINOPOLITANVS

ET

LVDOVICVS DE TORRES  
ARCHIEPISCOPVS MONTIS REGALIS,  
AMICO OPTIMO

PP.

In patriâ verò habet monimentum , quod se-  
quitur.

D. O. M.

FR. AVGVSTINO MOLARIO FIVIZANENSI ORD  
S. AVGVSTINI THEOLOGO, GREGORII XIII. ET  
CLEMENTIS VIII. CONFESSARIO, APOSTOLICI SACRARI  
PRÆFECTO, SVI ORDINIS APOSTOLICA  
AVCTORITATE TERTIVM VICARIO GENERALI, ET  
CAPITVLO GENERALI ITERVM PRÆSIDENTI,  
HOSPITALIS S. SPIRITVS IN SAXIA PRÆCEPTORI  
QVEM, DVM IMMENSA PROBITAS, EXIMIA VIRTVS,  
PROBATISSIMIQ. MORES, LABORESQVE PRO DEI ECCLESIA  
EXANTLATI, VBERIORES FRVCTVS PARARENT,  
IMPORTVNA MORS RAPIT

ANNO ÆTATIS LXVIII. MENS. III. DIE XVIII. III. KAL. FEBR

ANNO M. D. XCV.



LAZARVS MOLARIVS NEPOS, FIVIZANENS. CIVISQVE ROM.  
VRBANI VII. ET CLEMENTIS VIII.

CVBICVLARIVS,  
VT TANTI VIRI MEMORIA IN PATRIA, ET IN HOC  
SACRO TEMPLO, QVOD IMAGINE S. AVGVSTINI  
AD ALTARE DEPICTA, ORNAVIT,  
SACERDOTALIBVS INDVMENTIS, SANCTORVMQVE  
RELIQVIIS DITAVIT  
PERPETVO EXTARET, PONENDVM CVRAVIT.

Quamvis autem multarum rerum gerendarum  
curis maximo opere distraheretur, rei tamen  
litterariæ negotia non neglexit. Scripsit, evul-  
gavitque

*De ritu sanctissimæ Crucis Romano Pontifici præferen-  
dæ Commentarium. Romæ ex typographiâ Vaticanâ  
1592.*

*Vitam S.P. Augustini, cum adhuc infidelis esset, ex verbis  
ipsius in libris Confessionum. Romæ 1577.*

*De Translatione S.P. Augustini ex Sardinia Papiam.*

*De Translatione Corporis S. Monicæ ex Ostia Romam.*

*Iordani de Saxonia librum, Vitas Fratrum, Marii Antonii  
Masse Notis illustratum, & Summam Augustini Tri-  
umphum de potestate Ecclesiasticâ, Romæ elegantissimis  
typis divulgavit.*





ADAMAS FLORENTINVS Ord. Er. m. S. Aug. peregrinarum linguarum peritissimus, in Con. Irid. pro Cantonibus Helueticis Orator. A summo Pontif. Grego. XIII Romam euocatus, e vita ibidem euocatur XVI Kal. Feb. An. 1701.



## A D A M A S

## FLORENTINVS.



Emmarum principem hîc A D A-  
M A N T E M damus, quem in agro  
Florentino inventum, ad nitorem  
polierunt, & inter cimelia sua Au-  
gustiniani reposuerunt. Adolescens  
monasticis sacris initiatus, politioris litteraturæ  
primùm, deinde linguarum peregrinarum stu-  
dio vehementer exardescere cœpit: quas memo-  
riæ, quam ad miraculum vastam habebat, bene-  
ficio, ita citò tenaciterque perdidicit, ut Latinâ,  
Graîâ, & Hebræâ non minùs promptè quàm  
vernaculâ uteretur. Cùm utrique postea philoso-  
phiæ annos aliquot pertinaciter & pectore pror-  
sus adamantino incubuisset, raram mathemati-  
carum artium cognitionem adeptus est. Triden-  
tino in conventu assidentium Patrum non tan-  
tùm numerum auxit, sed pro Pagis, seu Canto-  
nibus Helveticis, qui Fidei antiquæ & Catholicæ  
adhæserunt, Orator, dixit acriter & luculenter.  
Tandem Romam à Pontifice Maximo Grego-  
rio XIII. evocatus, Thalmud Hebræorum, eius-



174 ELOGIUM ADAM. FLORENT.

que glossas, adnotationes, atque interpretationes omnes ad limam revocare atque emendare jubetur. Quibus cum illustrem à se splendorem communicare ADAMAS nititur, ipse suum perdidit, fatali violentiâ XVI. Kalend. Februarii, anno CIO. IO. LXXXI. extinctus. Porro gemmam hanc terrâ sepultam, non nisi die decretorio ad nitorem suum nunquam postillâ corruptibilem revocandam servat ædes S. Augustini Romæ. Eruitionem verò & linguæ Hebraicæ peritiam hæreditavit P. Ioannes Baptista Eugubinus, Paulli Aretii Cardinalis & Archiepiscopi Neapolitani præceptor & Theologus.



LVDO









L. Fran. in.

LVDOVICVS DE MONT OYA Ord. Erem.  
S. AVGVSTINI, viuum pietatis, Modestiae, et  
virtutis Simulacrum, Conscientiae Regis Sebastiani  
Praefectus. obyt miraculis clarus.



# LVDOVICVS

D E

MONT OYA.

**Q**VI LVDOVICI verissimam effigiem videt, quid videt nisi modestiæ imaginem, virtutis simulacrum, & verum exemplar sanctitatis? An non oris hoc lineamentum meram pietatem spirat, excitatque intuentium animos? Hanc in prætextâ altè imbiberat; quam deinde in togâ & toto vitæ curriculo non amisit. Mores etiam, quos cum monastico cucullo religiosos induit, composuit ad amussim & regulam S. Augustini tam exactè, ut verecundiæ ubique & sanctæ honestatis radios emitteret. Neque satis illi videbatur, animum sic imbuisse, nisi & ingenium doctrinâ excoleret; quod deinde ad pietatis tantùm legem exerceret. Clament alii, & rixentur in scholis, subtilique speculatione in cælum disputando sese erigant; LVDOVICVS noster Cœlum sibi in animo fabricat, ibique dulce cum Deo soliloquium instituit. Cor illi sua schola est, ubi Magistrum  
 Z Christum



Christum habet; quem docentem intus audire, de ambiguis interrogare, quærenti respondere, pro summo bono habet. Bene ergo eum, qui Præceptore tam docto usus fuerat, judicavit Pontifex Maximus aptum jam alios docere, & Ordinis sui cœnobia visitare in Lusitaniâ, quæ à primævo religiosæ vitæ tramite deviantia ad rectam viam exemplo suo reduceret, atque Apostolicâ auctoritate reformaret. Et quid tanti viri auspicio non succederet? ubi severus antesignanus religionis sanctæ vexillum præfert, quis non sequi non erubescat? Certè multis logis opus non est, ubi opera loquuntur. Valuit præterillâ tamen eâ oris facundiâ, ut laici passim omnes virtutis documenta ab eo gauderent accipere: ipse etiam Rex Sebastianus tam sanctum virum conscientiæ suæ præfectum esse, & ad vitam Christianam ductorem doctoremque habere vellet. Vitam ejus, & quæ à morte ad tumultum miranda deinde contigerunt, uno volumine complexus est P. Thomas à Iesu: nos id tamen nondum oculis usurpavimus.

Scripsit

*Vitam Christi, in quatuor partes distributam. postremam, quam imperfectam reliquerat, feliciter*



LVDOVICI DE MONT OY A. 179

ter complevit supranominatus P. Thomas à Iesu.

*Tractatum de passione Christi, divisum in VII. discursus, pro VII. horis Canonicis. Qui liber inter opera B. Francisci de Borgia Societ. I E S V, alibi, suppresso auctoris nomine, divulgatus est.*







L. Fran. in.

ALEXIUS MENESIUS Ord. Ere. S. Aug alter a D  
Thoma Indiae Orientalis Apost. et Primas Lusitaniae  
pro-Rex, Goæ Archiepiscopus, dum regis Lusitani conciliū  
presidis titulo regit, ad beatorū conciliū migrat



ALEXIVS

MENESIVS,

INDIARVM APOSTOLVS,

ET LVSITANIÆ PRO-REX.



Magnum ALEXIVM hîc vides. talis erat, cùm viridi adhuc in ævo magnis virtutibus grandiori ætati præluderet: in quâ deinde non modò Pontificis egregiam personam gessit, sed expressit etiam perfectum Apostolum. Is ex nobilissimâ apud Lusitanos familiâ in Augustinianam transcriptus, virtutibus magis quàm sanguine inclarescere, Christi potiùs quàm MENESIORVM nomen illustrare voluit. Sed ad virtutis agonem currendum, angustus illi nimium circus Lusitania erat: in alterum orbem excurrere debuit ALEXIVS, quem apostolico exercitio obiret. Goanæ Ecclesiæ Archiepiscopus, & toti Orientali Indiæ Primas à Rege Philippo datus; deinde à Clemente VIII. Pontifice iussus ecclesiam Malabaricam Christianorum, quos S. Tho-

Breve apostolicum datum Rome  
27. Febr.  
an. 1595.

Z 3

mæ



mæ vocant , à multis jam sæculis Nestorii blasphemiiis infectam purgare & restituere , difficilem sibi & oppidò periculosam , sed Regibus Hispaniarum & Romanæ Ecclesiæ utilem imprimis & gloriosam operam navavit. Primum per litteras negotium agi cœptum : subdelegati viri postea , qui id exefficerent. Sed illæ ludibrio habitæ ; his verò nulla erat apud schismaticos presbyteros auctoritas. Iterum , iterumque idem sed frustra tentare Archiepiscopus. Tandem ille ipse proficisci ad eos statuit , & orthodoxæ doctrinæ præconium verbis suis facere , ovesque tam diu errantes ad caulam Romanam revocare. Sed ne Goanos limites egrederetur , intercessere cum clero optimates , & Pro-Rex ipse. Creditum , à malo Genio instinctum eum fuisse ; qui & bellum atrox suscitavit inter Reges duos Malabaricos , *Mangate* & *Paru* , per quorum ditiones iter ad Thomistas erat. Præfectus denique Cocinensis , *Antonius de Noroña* scripsit , nihil eo tempore tentandum eò loci , ubi inveterata obstinatorum hominum schismata exscindi nullâ vi possent. Malè ergò ominatum iter dilatum : sed quod anno partæ salutis ∞. 15. XCVIII. tantò maximè iterum arripere perstitit , paratis omnibus , quæ præter viaticum necessaria videbantur. Sed ecce  
Pro-



Pro-Rex iterum, optimatesque & cum cœnobis totus clerus Metropolitanus, objicere plurima, quæ occurrere nata erant pericula; obtestari Præsulem per omnia sacra, & Regni Indici salutem, ne vitam suam in tam certum & præsens discrimen daret. Ille verò, animo verè heroico; Frustrà estis, inquit, qui terriculamento me isto pavefacere conamini. Tametsi enim nihil mihi possit contingere optatius, quàm pro IESV & ovibus meis vitam ponere; scio tamen, homuncionem me peccatis multis obnoxium, adeoque indignum honore martyrii; qui non solet à Deo, nisi in bonos conferri. Hoc igitur vobis exploratum esto, nullum mihi imminere vitæ periculum; quod, si opus est, ausim super sancto Evangelio conceptis verbis jurare. Id verò asseruit tantâ cum verborum energiâ, ut omnibus lacrymas excuteret; nemine adhæc potente uno ei verbo obmutire. Die ergo xxvii. Decembris, qui Divo Ioanni Evangelistæ sacer est, dicto cum suis in æde summâ itinerario, ad triremem paratam se contulit: cùm ecce densi pauperum ac viduarum plorantium manipuli occurrunt, viam abiturienti intercludentes, nequicquam obsistente & turbam arcere laborante satellitio. Tum ad unam ceteris altiùs ejulantem MENESIUS: Quid volunt



volunt istæ lacrymæ mulier? Fortean est aliquid, in quo opera mea tibi necessaria est? edissere. si opus est, vel totum annum tuâ causâ suspendam hoc iter. Illa verò; Lacrymas, ô Domine, has extundit abitus tuus: nam ego & tres filiæ meæ quas eleemosynis tuis sustentabas, nunc planissimè destituimur. Vade, ait Pontifex, quæ ego factitavi hætenus, Pater deinceps alius curabit, qui tibi aliisque vicem meam quot mensibus solitam stipem distribuet. Tranquillatis eo modo pauperum animis, navem conscendit, & secundis ventis usus, appulit Cunhalem portum Malabaricum, ubi jactis feliciter in agro infideli religionis Christianæ seminibus, Cocinum trajecit. Hic negotiorum difficilis cardo verti cœpit. Primum se, durissimumque obicem Archidiaconus opposuit, Archiepiscopatus Angamalensis Vicarius, quicum diuturna maximaque Præsuli nostro lucta fuit. Hunc in partes suas trahere, erat Thomistas omnes pro nutu, quò lubitum erat, flectere. In illum admotæ primùm machinæ. Sed ille, seu malæ conscientiæ stimulis, seu dæmonis æstro percitus, non tantum non aures dedit benevolo Præsuli; ut magnis quoque conatibus sibi sumpserit Thomistarum primores irritare; qui fœdo inter se icte fœdere jurarunt in caput & vitam



vitam Archiepiscopi, si vel levem digitum in Archidiaconum intendisset. Monuit quoque Reges infideles, ut Archiepiscopi cœpta impedirent in ditionibus Malabaricis prius, quàm jugo Lusitano se pressos aut oppressos viderent. Positæ ergo MENESIO insidiæ, vis parata, hora necis dicta: sed Deo averruncante præsentia pericula, nihil effectum. Sanguini ejus inhiabant uno quasi ore Christiani, Mauri, Iudæi, omnis denique paganorum sentina; ut Patres etiam Iesuitæ cum aliis Catholicis suaderent Archiepiscopo tutum ad urbem Cocinensem refugium. Sed ille tantò magis in inceptis pergere, & Dei negotium persequi. Sola ejus oratio erat, quæ Christi in horto (quia illi se Cocinum abituros profitebantur) *Si me quæritis, finite hos abire.* Et ad comites suos conversus; Vos, qui pavetis, ite, licet: quò pauciores mihi adhæserint, minus cordolium mihi erit, si nos cum pseudo-Christianis pagani invaserint. Et ecce divinæ providentiæ miraculum: eodem die, quo inter Malabarica pericula maxime conflictatur ALEXIVS, Romæ Clemens VIII. pro laboribus Archiepiscopo benedictionis Apostolicæ gratiam impertitur; dato, quod sequitur, Brevi.



Venerabili Fratri ALEXIO Archiepiscopo Goæ  
in Indiis Orientis,

CLEMENS PAPA OCTAVVS.

**V**enerabilis Frater, salutem, & Apostolicam benedictionem. Multam in Domino voluptatem cepimus ex iis, quæ de tuæ fraternitatis pietate, & pastoralis vigilantia, gravi nobis testimonio relata sunt: nominatim, quòd zelo honoris Dei, & salutis animarum incensus, in convertendis gentilibus istis ad lucem Evangelicæ veritatis strenuè laboras. Gratulamur tibi, frater, piam hanc sedulitatem, quâ animas immaculati Agni sanguine redemptas Deo lucrari studes: id nobis pergratum est, idque ut ex nostris litteris cognosceres, volumus, ut tanto ardentius opus Dei divinâ adiutrice gratiâ urgeas, & persequaris. Benedicat Deus piis laboribus tuis, tibi que tribuat, ut ex tam magnâ messe manipulos inferas in horreum cæleste, & nos fraternitati tuæ, & clero, ac populo tuo fideli nostram Apostolicam benedictionem benigne impartimur. Dat. Romæ apud Sanctum Petrum sub annulo Piscatoris, Kalendis Aprilis. M. D. XCIX. Pontificatûs nostri anno octavo.

SILVIUS ANTONIANVS S. R. E. Cardinalis.

Per



Per varios ergò casus, & plurima vitæ discrimina ibat Archiepiscopus, & visitabat omnes Christianorum Malabaricas Ecclesias: nulla tamen erat, in quâ non inveniret obicem tumultuantium. Ille tamen potens opere & sermone perrupit omnia; donec errantes in viam reduceret. Ipse quoque Archidiaconus homo versutissimus, & pro Patriarcha Babylonio obstinatissimus pugil; cùm sacro fulmine percussus, & exclusus à communione fidelium, non inveniret postliminium, coactus est veritati victas manus dare, & collum Romanæ Ecclesiæ submittere. Tum demum Synodi diem indixit, ad quam frequentes ex omnibus regnis Malabaricis Christiani advolarunt, fidemque Catholicam profiteri jussi, in gremium Romanæ Ecclesiæ recepti sunt. Securo inde pede ad visitandas Ecclesias processit. ubi sermonibus ad populum habitis, Romanæ fidei rudimenta tradidit; sacramenta contulit, baptismum multis etiam paganis, quos ad veritatis lucem adduxit: libros Nestorianos aut igni perdidit, aut castigavit. Denique Superis adjuvantibus bellum sanctum, subegit Thomistas omnes, & Romanæ Ecclesiæ subjecit, extructis passim templis veluti fidei & pietatis propugnaculis. Fidem superat, quantum paucis



mensibus in multis regnis ALEXIVS præstiterit. neque, si velim, possim uno calamo labores, quibus perfunctus est, omnes perscribere. Multò deinde pòst, rude & infulâ Braccarensi donatus à Rege, rediit in Lusitaniam, quam annis duobus vice Regis gubernavit: deinde jussus Regi adesse, regni Lusitani concilium Præsidis titulo rexit: donec ad Beatorum concilium à Deo evocatus, vitam cum morte, & cælum cum terrâ commutavit.

Hic ALEXIVS DE MENEZES ord. Eremit. S. Augustini Archiepiscopus Goæ ac Indiarum orientalium Primas, & regis Hispaniarum ibidem aliquamdiu vice functus, cùm animarum salutis (quæ in vastissimis illis tractibus innumeræ pereunt) annos complures incubuerit, legationis munus & ipsemet obivit, aliisque tam sui quàm alterius Ordinis religiosi ut obirent auctor fuit; nimirum in Malabar, Saccatora, Bengala, Regionemque Abyssinorum in Bonbovequam (quæ Euphrati vicina est) atque in Ormutinam insulam, in quâ, quod memorabile, Regis filius unicus regni Heres, multis nequidquam renitentibus, monachali habitu S. Augustini indutus fuit. Quin etiam idem R.<sup>mus</sup> ALEXIVS DE MENEZES ad ipsum Persiæ Regem missis Ordinis



nis sui Fratribus, qui ipsi individui viæque comites, ob singularem quo eos prosequitur amorem solent adhærere ; in tantum rem Christianam promovit, ut Rex in urbe, quæ regni sedes est, templum monasteriumq; PP. Augustinianis impensis suis exstrui mandarit : potestate insuper factâ quibuscumque hominibus Christianam religionem, in quam ipse vehementer inclinat, amplectendi. Vnde factum ut & quàm plurimi sacro fonte Baptismatis abluti sint ; ac non pauci lustrali aquâ conspersi, beneficium sanitatis divinitus sunt adepti. Sciendum etiam Persarum Regem ad Georgianorum Dynastam epistolam misisse, quâ ut Romanæ uniatur Ecclesiæ seriò monet. Calcar etiam additum fuisse Persarum Regi ab illis quos antè memoravi Patribus, ut contra Turcam arma caperet ; quod & fecit, & victoriam non semel ex immani Christiani nominis hoste reportavit. In quem finem breve Apostolicum à Pontifice missum fuit nutu Regis Catholici, quo eosdè Patres Augustinianos hortatur ad animarû salutem strenuè propagandam. Nec illud prætereundum, Armenos legato Româ misso Romano Pontifici obsequium omne pollicitos fuisse, pro ut antè in Conventu S. Augustini, qui in urbe primariâ Regis Persiæ est, fecerunt.



IOANNES HAYVS SOC. IESV,  
libro de rebus Iaponicis.

**A**rchiepiscopus Goæ ALEXIVS MENESIVS, Archiepiscopatum Angamalensem visitare decrevit eo fine, ut sedem illam ad suscipiendum Prælatum de manu Summi Pontificis paratiorem redderet. At hostis humani generis, cum hoc unum præcipuum his tot incommodis remedium esse perspiceret, variis technis Archiepiscopo profectionem intercludere conatus est, debortantibus hinc religiosis, illinc secularibus, iisque non infimæ sortis hominibus. dicebant enim hanc visitationem non solum honorem, personam & vitam Archiepiscopi, verumetiam Rempub. ipsam in periculum non dubium vocari. Hæc illi tantâ pertinaciâ inculcabant, atque urgebant, ut opt. Prælatum ad me scriberet, celum & terram in ipsum conjurasse. Verumtamen omni terriculamento contempto, visitationem singulari constantiâ cum providentiâ conjunctâ, præsentis divini Numinis auxilio incepit, promovit, perfecit. Archidiaconus post multas tergiversationes & versutias, ita ut parum abfuerit, quin à communione fidelium ejiceretur, tandem ad cor rediens, se sub Apostolicæ Sedis obedientiâ victurum pollicitus est. Multa in hac visitatione præstitit Archiepiscopus, quæ magnum ad animarum salutem momentum attulisse compertum est. Primum Sacramenta, ut validè conferren-



ferrentur, effecit: deinde libros Nestorianos, quorum maximus erat numerus, à sexcentis erroribus, & sententiis Catholice fidei repugnantibus, expurgandos curavit: quidquid Summi Pontificis supremam auctoritatem impugnabat, deleri fecit. Postremò parochos idoneos, qui nullibi penè reperiiebantur, diligenter conquisitos, Ecclesiis præfecit. Media quæ Archiepiscopum ad hunc finem consequendum maximè juverunt, hæc ferè fuerunt. Ipse per se Ecclesias visitavit, octoginta paræcias instituit, Synodum Diocesanam indixit, ad quam Ecclesiasticos illius Archiepiscopatus & nostros Sacerdotes solummodò, juxta antiquam consuetudinem, convocavit, assistente præfecto Cocinensi Antonio Noroña, & primariis civitatis, qui Regis Lusitaniæ nomine horum Christianorum tutelam in se susceperunt. Quæ res quanto regie Majestati emolumento sit futura, norunt, qui non ignorant, quanti sit momenti, gentem in totâ Indiâ lectissimam, à temporibus B. Thomæ Christiano cultui deditam, tamque numerosam & potentem, ut armatos ad triginta millia in promptu habeat, cum Lusitanis unire, ad Ecclesiæ Romanæ obedientiam revocare, & in fidem ditionemque Regis Catholici accipere. Magno etiam fuit adjumento, animarum zelus & vitæ exemplum, quo opt. ille Prælatus novem mensium spatio plus (ut nostri affirmant) in animarum salute promovendâ profecit, quàm quotquot à B. Thoma ad hæc usque tempora illam sedem tenuerunt.

Anto-



Antonius Possevinus ejusdem Societatis.

Cum ALEXIVS MENESIVS an. 1599. in Orientali Indiâ Christianos, qui dicuntur S. Thomæ, unâ cum aliis visitasset, Synodumque fidei Catholicæ atque disciplinæ Ecclesiasticæ restituendæ habuisset, factum est, ut blasphemiae omnes Nestorianorum non solum interius, quàm unquam antea factum fuisset, innotescerent, verum etiam plurima eorum volumina sive purgarentur, sive abolerentur.

A L E X I O M E N E Z I O

Augustiniano Lusitaniæ Proregi.

**P**erge Calliope modesta, perge  
 Vbi Doris Vlyssæi superbam  
 Urbem finitimâ tuetur undâ:  
 Huc admissa, MENEZIVM videbis  
 Augustinadum decus supremum,  
 Nuper quem Goa terror Amphitrites  
 Sacris voverat unicum præesse;  
 Illum quem meritis ubique clarum  
 Altè sustulit Hesperii Monarcha,  
 Lusitanica ferre sceptrâ mandans,  
 Sciscitabitur, an sui propagent  
 Se Belgæ, satis atque num patrizent.

Conari



Conari referes : sed & Parentem  
Ipsum, qui teneros prior Quirites  
Liberalibus artibus polivit,  
Suos nāviter inquires referre.  
Si de traduce pluribus requireret;  
Deduxisse colonias fatere :  
Atqui Scaldigenis novè receptam  
Ampla haud ampliter urbe dic habere.  
Ædes si roget, ecquid alta surgit?  
Esse significabis embryonem.  
Ipsius tamen unius favore  
Parvis magna laboribus potentis,  
Res Aurelia si resuscitetur,  
Aias illico stare posse Belgas.





ROGERIVS IUVENIS Ord. Erem. S. Aug. in belgio sepius  
Prouincialis, S.T.D. de quo sic quondam cecinit R.  
P. I. Riuius S.I.L. et Erem.  
Perpetua dignus IUVENIS fuit iste IUVENTA,  
et quem nec Senium nec mala mors raperet.



# ROGERIVS

## I V V E N I S.



Llustre hoc Provinciæ Belgicæ & Religionis Augustinianæ decus Brugæ extulerunt, oppidum Flandriæ, ingeniis & opibus primum, ac commerciorum famâ toto orbe celeberrimum. Natus

est anno  $\infty$ . cccc. lxxxii. obscuro loco; sed quem singulari deinde virtutum omnium splendore illustravit. Prima studiorum rudimenta in urbe natali posuit feliciter admodum; ut jam tum divinarent omnes, quantus in I V V E N E vir lateret. Ætate mōx adultâ Eremitis Augustinianis, qui eâ tempestate Brugis doctrinæ & sanctioris vitæ auctoritate florebant, adgregari voluit. Apud quos cū sublimioribus domi studiis non inanem operam navasset, Lutetiam, sapientiæ vetustissimum domicilium, dimissus est; ubi stadium indefesso pede absolvit, mactus laureâ magistrali. A pulvere scholastico ad publicum agonem venit: in cathedrâ verbi divini ad populum declamator egregius, & in mari turbulento,



iniquissimis temporibus clavi monastici studiosus gubernator. Iam enim personante novi Evangelii infami isto buccinatore Luthero, è superâ Germaniâ titillare molles Belgarum auriculas reformata doctrina occeperat, & specioso purpurissatæ Religionis irritamento vocare captivas quasi in Romano carcere Catholicorum animas ad pileum Evangelicæ libertatis. Auritum populum faciebant insoliti præcones; audentem divitiæ. Agyrtarum paradoxa bibebant curiosi quique: imbibebant, & Monachum Pseudo-evangelistam sequebantur statim illi, quos monachicorū votorum tædere jam cœperat. Ergo, quâ data porta, ruebant ad seculum seculique vitia, qui rerum prius omnium mortalium spem curamque abjecerant. Quid faceret R O G E R I V S? quò gravior tempestas incubuit, eò fortius animosiusque clavum tenuit: ut diligentiam ejus admirarentur omnes, prudentiam agnoscerent. Cùm deinde non unius cymbæ tantum, quod non omnino grave illi erat, sed totius classis Belgicæ gubernaculum, faventibus Patrum suffragiis, ei commissum esset, non modò opinionem vicit omnium, quæ de virtute ejus erat, sed etiam gloriam superiorum: ut in Germaniâ inferâ sui Ordinis (quod dici solet) prora & puppis verè fuerit. Ejus solertiâ Conventus Harlemensis,  
Enck-



Enckhusanus, & Colonienſis, à corpore provin-  
ciæ Belgicæ avulſi, & monſtro Saxonico, è quo  
Lutherus nefandum caput extulit, inſerti, ad  
gremium Religionis ſuæ redierunt. Quare ſupre-  
mus Ordinis Antifteſ Hieronymus Seripandus,  
(quem deinde Pius IV. ſacrâ purpurâ ornatum,  
Concilio Tridentino Legatum à latere præſide-  
re juſſit) datis anno . $\infty$ . 15. XLVI. die XXVII. Mar-  
tii ad ROGERIVM Tridento litteris, *Debemus*, in-  
quit, *tibi magnopere, quòd tuâ indiſtriâ & virtute no-*  
*men noſtrum in iſtâ orbis terræ regione non fuerit omnino*  
*extinctum.* Immò & Franciam debere eidem idem  
voluit Seripandus. Etenim cœnobii Pariſini Pri-  
ore Philippo *Hareſche* ad plures proſecto, à ſuffra-  
gatoribus in eligendo capite turbantibus in par-  
tes itum erat. Et jam glifcebat diſſidium, cujus  
rumor Patris Generalis in Synodo Tridentinâ  
laborantis aures verberaverat: qui properè illuc  
properare jubet ROGERIVM, & vices ibi ſuas in-  
terim agere, ac tumultuantium hanc animorum  
tempeſtatem auctoritate ſedare. Contigit id an-  
no . $\infty$ . 15. XLVII. quando moleſtiarum tam gra-  
vem ac diuturnam molem (Provinciæ præſectu-  
ram non interrupto magiſtratu quintum geſſe-  
rat) ROGERIVS excuſſit, impetrato à Patribus  
quietis aliquo intervallo. Sed illius, cujus pote-  
ſtas plus poterat, mandato proficiſci juſſus acce-



pit imperium, & in viam Parisiensem se dedit. Quanti virum Belgam Galli fecerint, non est difficile conjectare; quando illum ipsum sibi Priorem unanimi simul voce nominarunt. Et verò Seripandus Generalis non minus gaudium gavi-  
sus est, quàm Imperator olim Valentinianus, cui oppidò gratum erat, delectos à se Iudices ad sacerdotium postulari. Sed non fuit ea solida, aut diuturna Parisiensibus lætitia. Vix enim totum illis annum præfuerat, cùm in Comitibus Dordraci, Hollandiæ primario oppido, celebratis, Belgæ Patrem suum repossunt, & provinciæ suæ præfectum eunt. Diceres Pentheum aliquem ROG-  
E R I V M, quem nimio amoris obsequio pænè fratres discerperent. At verò Seripandum humili-  
bus litteris adit I V V E N I S, jam non juvenis, & excusat annis gravem fractamque continuis laboribus ætatem, & novum onus deprecatur. Ille verò pugilem hunc veteranum arma resumere, & certamen diu exercitum certare ex novo jubet, blando hoc scripto. *Vtinam ROGERI pater, nostra nobis non repugnaret conscientia, libentissimè humillimæ ac piissimæ tuæ petitioni de provinciæ curâ alteri deman-  
dandâ annueremus. Sed nos, qui sumus, qui Spiritui sancto resistamus? imò qui Spiritum sanctum contristare non vereamur? Quæ autem electio unquam clariora habuit præ-  
sentia Spiritûs argumenta, quàm hæc? Aberas ipse à pro-  
vinciâ,*



vincia, honestissimis Ordinis tui negotiis occupatus. Vnum  
 te omnes certatim via scrutinii, secretâ illâ quidem & li-  
 berâ exoptant, &c. Quid plura? Si munus hoc ipse detre-  
 ctaret: si nos voluntati tuæ morem in eâ re gereremus, ad-  
 versus divinam voluntatem pugnare velle videremur. Igi-  
 tur te in officio ad sequens triennium confirmamus: hæc  
 enim fuit voluntas Dei, cui omnes pareamus, par est. Satis  
 verborum hîc erat, ut rogare porrò desineret Ro-  
 GERIVS. Iterum ergò ad clavum provinciæ se ap-  
 plicuit, seditque, donec Christophorus Patavi-  
 nus, qui Seripando in sacrum senatum adlecto  
 successerat, decrepitum jam IUVENEM rude do-  
 navit, ab omni in posterum munere concessâ  
 vacatione. Verùm enim, dum inter sancta reli-  
 giosæ mentis otia divinis cogitationibus opta-  
 tos sibi dudum dies consecrat, ecce inopinatè no-  
 vos aliunde fluctus surgere videt. Angliæ Regina  
 Maria, ROGERIVM nostrum, doctrinâ & rerum  
 usu absolutum virum, Tridentum ablegat, qui  
 cum Doctoribus Lovaniensibus inter Patres se-  
 deat. Quod ille non gravatè fecisse dicitur, ut  
 Pro-Episcopi honorem, quem Nerviorum An-  
 tistes & Regina illi destinabant, hâc peregrinatio-  
 ne effugeret. Ita vir ille minimè ambitiosus, &  
 istam, & alias infulas, quas illi plures aula obtu-  
 lit, obstinato semper animo repudiavit. Sed ad  
 regimen fato natus videbatur. Enimverò à Tri-  
 den-



dentinâ Synodo reversus, anno ∞. 10. LV. Comitibus præsidere, & ∞. 10. LX. toti iterum provinciæ vice-Generalis præesse iussus est. Porro tot muneribus molestiisque exercitum, turbatum hæresi Belgium magis concussit. Fidei orthodoxæ, & cum fide Deo, denique Regi suo nuncium totæ simul urbes remittebant. Pellebantur in exilium & exitium ipsum monachi; resistere ausi trudebantur in ergastula, in mortem tradebantur. Consilio locus non erat, plebe furente. Brugæ quoque ipsæ jam nutabant. Magistratus consilii inopiosus, Optimates quò se verterent ignorabant. LVVENIS illis vir unus visus, à cûjus prudentiâ in his procellis portum quærerent. Ille autem domi sedebat ætate decrepitus, orbus luminibus, quæ senectus illi ex succa extinxerat, & vivendo fessus in hoc præsertim acerbo patriæ casu, ad ultimam metam, alteramque patriam suspirabat. Venit ergò ad illum magistratus flexo poplite, apertoque & cernuo capite, atque à cæco, parum videns nubilo hoc tempore, quod patriæ decorum erat, coactus est providere. Sed cùm sana, quæ dictabat, consilia non haberent diu locum, præpotente improborum perfidiâ, tandem ipse quoque magistratus cum plebe transiit ad castra perduellium. Pulsus ergò religiosorum cœtus, & cum reliquis ipsi etiam Augustiniani. Cùm verò  
annis



annis & cæcitate obsitus ROGERIVS, viam invenire non posset, ad monacharū cœnobium, quas nigras sorores vocant, lecticâ se ferri passus est. Vbi sequenti pòst anno exspiravit, patriæ magis calamitate, quàm annorum numero, quos nonaginta & septem vixerat, oppressus. Iacet in prædicto monasterio propter aram summam. etenim fratres omnes urbe exacti erant, ipsum quoque cum templo cœnobium iconoclastarū impiis manibus destructum atque profanatum. Sarcophagus ejus effigiem præfert in æneâ laminâ: in limbis verò hanc epigraphen:

FRATER ROGERIVS IUVENIS DOCTOR  
THEOLOGVS PARISINVS: PRIOR, OLIM  
PROVINCIALIS COLONIÆ ET HVIVS  
DOMVS, DVM VIVENDI FINEM FECIT,  
HVIC SVBSTERNITVR SARCOPHAGO.

In libro, quem manu gestat, leguntur hæc verba:  
*Delicta IUVENTVTIS meæ nunc ne memineris: sed re-*  
*novetur ut Aquilæ IUVENTVS mea.* Psal. 102.

R.P. Ioannes Rivius Provinciæ nostræ Visita-  
tor, qui mihi ad Belgarum elogia materiam po-  
tissimam subministravit, de IUVENE ita cecinit.

*Perpetuâ dignus IUVENIS fuit iste IUVENTA,  
Et quem nec senium, nec mala mors raperet.*





FRANCISCUS A. CASTROVERDE Ord. Erem. S. Augustini Ecclesiae pri-  
marij munus in regiâ Madrit. exercuit, in morum licentiam grauitè  
inuectus. Cum mortuum anno 1610. Rex Philippus hoc elogio decorauit,  
muriò el Predicador del Rey, y el Rey de los predicadores.



# FRANCISCVS

## A CASTRO-VERDE.

**I**LLE est FRANCISCVS, Hispaniæ Chrysostomus, si aureum eloquentiæ flumen; Augustinus, si profundam ejus doctrinam; Ambrosius, si virilem in dicendo parrhesiam spectes. Ad regiam Madritensem accitus, ut Ecclesiastæ primarii munus amplissimum exerceret, non ignarus, quàm plenum alex opus esset, veritatem in aulâ profiteri, cum Agathone inquit,

Εἰ μὴ Φερίσω τὰ ληθῆς, ἔχι σ' εὐφρανῶ.

Εἰ δ' εὐφρανῶ τί σ', ἔχι τὰ ληθῆς Φερίσω.

*Si vera dicam, gaudio tibi non ero:*

*Si gaudio sum, vera non dicam tibi.*

Quia tamen judicavit cum Menandro

Εὐθέρεα γὰρ ἀνδρὸς τὰ ληθῆ λέγειν.

*Liberi viri esse veritatem loqui;*

non timuit detonare graviter, & fulminare pro veritate in vitiorum monstra, quæ in aulam hîc irrepentia, illic irrumpentia digito quasi suo monstravit. Sed expertus est veritati non esse locum apud aulicos: jussus ergo est silere præconoster,



noster, & aulâ exire. Ille verò multò æquiori animo exilium, quàm aulæ vitia tulit, contentus æternùm filere potius, quàm loqui placentia. Non multò deinde pòst revocatus ad Ecclesiastæ munus,

Horat. 3.  
Carm. 24.

*(Virtutem incolumem odimus,  
Sublatam ex oculis quærimus)*


non desit ideò vocalis esse, aut facundus declamator in vitia, quando ad ea fœcundi esse homines pergebant. Clariorem ergò se facere potuit, non cariorem: solum enim

Terentius in  
Andria.

*Obsequium amicos, veritas odium parit.*

Iactatus itaque diu ob veritatis studium variis maris aulici fluctibus, tandem pervenit ad æternitatis portum, anno M. DC. X. Tunc demum Philippus Rex magnifico elogio magnum virum dignatus, ad circumstantes Principes lacrimans dixisse fertur: *Muriò el Predicador del Rey, y el Rey de los Predicadores.* Mortuus est Concionator Regis, & Rex Concionatorum.









CORNELIVS DE BYE Ord. Ere. S. Aug. in Belgio Vicarius Generalis, S.T.D. Indis  
et Americis Euangelium promulgavit; Hispania et Italia Incolas docuit. non sine opi-  
nione Sanctitatis discessit VIII Kal. Aug. Anno 1614.



# CORNELIVS

## DE BYE.



Atus anno CIO. IO. XL. VIII. Idus No-  
vembris, Hagæ Batavorum, familiâ  
nobili, ad fortunæ bona optimum in-  
genium attulit, & linguam variis idio-  
matibus capessendis versatilem. A primâ statim  
adolescentiâ, mortalia abdicare, Deo que aucto-  
ratus æternum mancipari voluit: sed, ut confi-  
lium ejus turbarent, intercessere parentes, magna  
etiamnum filiis ad pietatem remora, qui ætatem  
illam quasi nondum cælo maturam, trans mare  
peregrinatum in Hispaniam extruserunt. Verum

Οὐποτε τὰν Διὸς ἀρμονίαν θνατῶν παρεξίασι βέλαι.

*Dei statutum non prætergrediuntur humana consilia.*

Æschylus

in Prome-

theo victor.

Sub isto enim sole calentiori, CORNELIVS majores ad Dei amorem ignes concepit, ut, quod domi semel cum flamine sancto conceperat, hinc in promptu haberet, & parentibus inconsultis effectum redderet. Granatæ ergo XII. Kalendas Majas, anno ∞. IO. LIX. monasticen apud Eremitas Augustinianos amplexatus est: ubi religionis solidum fundamentum pietatem, quam à teneris ungu-



unguiculis cum nutricis lacte altè imbiberat, nixu singulari colere institit : ad quam reliquarum virtutum, deinde sacrarum etiam litterarum studium adjecit.

Sub annum ∞. 15. LXI. Didacus de Salamanca ex occidente Indiâ Madritum appulerat, ut ad messem Evangelicam, cujus apud Antipodas plurima maximaque spes affulgebat, operariorum insignem aliquam manum cogeret. Oportunè autè & non sine Numine reperit illic CORNELIVM ; quem ubi audivit à Cardinale Granvelano commendari ob sanctam vitæ & morum innocentiam, ipse quoque vidit multas in eo lucere scintillas haudquaquam novæ sed notæ & antiquæ probitatis, judicavit virum maximè idoneum, qui ad sacram hanc agriculturam mitteretur. Facile erat persuadere id homini suo pte ductu ad Apostolicum agonem currenti. Anno igitur 15. 15. LXIII. peregrinationem in alterum mundum suscipit, & secundo vento ac mari non difficili usus tandem Mexicum appellit. Quia autem intelligebat, si Ecclesiæ obsequium probare, & ad salutem gentium dignam se operam præstare impensius vellet, vernacula earum regionum idiomata sibi perdiscenda esse, aggreditur prima linguæ Ottomiticæ (quæ inter omnes ibi habetur



habetur & est difficillima) rudimenta condiscere: quam, & alias, tam nullo labore percepit, ut non modò loqui statim expeditè, sed copiosè etiam ad barbaros è pulpito dicere, imò & libros dictare accuratè posset. Fidei locupletes testes sunt ipsi codices ab eodè scripti, & prælo in lucem publicam editi, quibus ceu pædagogis utuntur clerici passim, ad Christum ibi cum fructu prædicandum. Illo tam facilis ingenii sui specimine placuit inprimis Petro de Moya, Ecclesiæ Mexicanæ Archipræsuli, & Martino Henriquez, Regis tum Catholici vicem summâ cum potestate curanti: qui operam ejus ad res magnas maximè conducibilem non semel fuisse, liquidò experti sunt. Missus ab illis, abiit in vastam eam Provinciam, quam indigenæ Chapulvacar, & Taman indigetant, ad populum barbarum, & non minùs bellicâ fortitudine strenuum, quàm animi crudelitate infamem; qui abjecto pridem Christo, quem semel induerant, planissimè jam nudi, & incertis sedibus vagi, vivebant ex rapto & cædibus, ferarum in modum, ipsi tantùm non veræ feræ. Diceres CORNELIVM ad bestias damnatum, cum quibus ei pro vitâ luctandum esset. Sed novus ille Hercules facile monstra hæc domuit, & beluinos homines cicuravit, atque sub jugum

D d                  Christi



Christi reduxit. Quâ clavâ? inquies. Vnâ suâ humanitate omnem prorsus immanitatem eorum superavit. Dum enim morum quâdam lenitate facilem se illis quasi submittit, sensim irrepfit in barbarorum animos, & expugnato corde sine vi aliâ totos eos triumphavit. Protraxit ergo eos in publicum è silvarum latebris, & turmatim collectos in viginti & quinque vicos distribuit, ubi simul habitarent, imperium acciperent, atque observarent: quibus deinde victum, & ea, quæ humana necessitas exigit, naviter procuravit. Ipsos etiam Chichemecas, homines vix-homines, intractabiles hætenus atq; indomitos mansuefecit, injectis humanæ societatis mollibus vinculis: ut & ipsi casas similiter ædificare, hortos colere, altilia educare ab eo edocti, politicas quoque leges ab illo dictatore recipere, ædes & pedes figere, ac stabilem deinceps vitam vivere occiperint. Quibus eos modis ita sibi obstrinxit, ut nemo unus esset, qui monasteria, quæ per centum leucarum vasta spatia dispersa aliquot excitaverat, turbare auderet, aut ei, ejusve fratribus incommodare. immo ut jam planè humanos homines se ostenderent, suo Legislatori CORNELIO pretiosa & rara illic munera certatim oblatum irent. Postquàm horrentia ista arva tenui



nui hoc vomere mollita ad culturam satis subegisset, semen Evangelicum spargere institit colonus noster; quod Cælo adspirante, læto statim proventu uberrimè succrevit, & Ecclesiæ horrea implevit optatissimâ messe. Et quomodo spem fallat seges tot sudoribus irrigata, tot curis tam curiosè curata? Vbi CORNELIVS agricolatur assiduus, quis sterilitatem vel in littore timeat? Non satis illi erat, quot-diebus fidei Christianæ elementa semel unâ pro concione tradere, iterum, iterumque, & iterum, pluribus in locis idem factitabat. Parùm, sacrificium incruentum unum, uno in vico offerre, repetebat idem altero, tertioque in loco die eodem. Et quantam, putas, aliquando messem suâ unius manu, uno die colonus hic collegit? Non credes; fidem tamē tibi certam faciam: sæpe uno die unus solus ipse, homines amplius bis mille sacrâ lymphâ ad salutem abluit. Nempe undatim ad eum confluebant,

*Immisti senibus pueri, nuptisque puellæ:*

ut nonnunquam in ejus concione supra sexaginta auditorum millia numerata sint. Viri edentuli & capulares, alterum vitæ sæculum jam ingressi, obstetricante ejus manu renasci ad novam vitam anhelabant. Plures longè dissiti, ab extremo Indiarum angulo suppliciter CORNELII auxilium



implorabant. Omnem enim novum istum orbem sanctitatis ejus rumor penetraverat, sui que venerationem tantam in barbarorum animis excitaverat, ut eum quasi cælo delapsum, & servatorem sibi à Deo missum crederent. Ille autem nullius operæ parcus, neque contraxit, neque demisit animum, neque obrui negotiorum magnitudine potuit: sæpe pedes, sæpe eques; nonnunquam in altissimas rupes enitendo, crebrò antra subeundo, frequenter magna flumina natatu transmittendo,

— (*in mediis virtus non mergitur undis*)  
 noctu diu ubique fidei lumen ingerebat. Quæ ille non magis in labore numerabat, quàm nos dormire aut cibum capere. Inter miranda referri potest, quòd idola confringere, fana evertere ausus, plurima ubique vitæ discrimina adiverit, nullum subiverit; truculentorum potiùs hominum animos insolenter & vi quâdam occultâ perculerit, compulerit ad ædificandas Christo ecclesias libentem promptamque manum commodare. Re autem verâ miraculum fuit, quòd feræ, quæ passim in locis solis oppidò multæ occurrerant, feritatis suæ omnino oblitæ, nunquam dente nocivo in eum incurrerint, adeoque ostenderint pietate etiam silvas domari. Tam sedulò,  
 mul-



multumque, & supra naturæ vires laboranti, ne aliquando succumberet, suaserant medici, lineo vestitu uteretur, qui longa itinera in ardenti sole currentem non prægravaret: ille verò, qui non ignoraret Dei opus se, non suum operari, non modò dato non acquievit consilio, sed præter extimam, etiam pro intimâ tunicâ, rude asperumque sagum, fricandis equis aptissimum, ad nudam carnem adhibuit: ut nemo non putarit, divinis eum niti suppetiis, qui tot laboribus affecto, & bene castigato corpore, alacrior semper & seipso fortior appareret. Postquàm ergo viginti & duobus annis Apostoli vitam & munus gloriosè exercuisset, transcriptis ad Christum, & in Ecclesiæ gremium adductis amplius quàm centum & sexaginta animarum millibus, diuturnæ pertæsus à patriâ absentia, quam Regi & Religioni orthodoxæ restitutam rumor ibi vulgaverat, statuit è complexu filiorum suorum abire, & Belgio se postliminiò jam senem reddere, unde pridem adolescens admodum exierat. Quod immanè quantum omnium animos perturbavit. Non enim ferebant indigenæ distrahi à se salutis suæ auctorem, à cujus consilio, gratiâ, studio pendere hætenus & vivere assueverant: querebantur orbari se patre, tam dulci & pio patre,



cujus lacte suaviter educati, cibo etiam solidiori confirmari avebant. Nihil hoc genus querimoniæ, nihil Indorum preces potuere. Accedebat Superiorum auctoritas, qui pro imperio comprehendinare itineris diem, desiderium verò ex animo ejus evellere nunquam potuerunt. Objiciebant Christianæ Religionis jacturam, & periculum in quo neophytos relinqueret; frustra tam diu ab eo laboratum esse, quando eo absente, cujus blandum frenum non inviti patiebantur, promptum esset Barbaris redire in naturam, & unde vixdum educti essent, in tenebras mox iterum profundius præcipitari. Sed,

*(Nescio, quâ natale solum dulcedine cunctos*

*Ducit, & immemores non sinit esse sui.)*

CORNELIVM vicit amor patriæ, ut obstinato, quo flagrabat desiderio, missionem impetraret. Creditum est à plerisque omnibus, studuisse id malum dæmonem, ut, pro suo in Christum & Christianos odio, Apostolum statione pelleret, quò deinde satam natamque ejus cultu frugem faciliiori pede obtereret. Porro obfirmanti, quod decreverat, iter persequi mæsti occurrunt Indi, & dolorem suum lacrymis potius quàm verbis contestati, propitium navigationis curriculum anxîâ, ut fit, curâ comprecantur, oblatis pro viatico



tico pretiosis donariis. at ille, qui prædā hominum egerat, tantumque animarum thesaurum in Ecclesiæ gazophylacium intulerat, splendida ista munera spectavit oculo planè casto atque irretorto. Iterum ergo mari feliciter transmissio, venit Mantuam Carpetanorum, ubi in Didacum, quem olim in Indias secutus fuerat, tum *divitis portus* Episcopum incidit, ejusque familiam auxit. *De portu ricco.* Deinde converso in Italiam itinere, cum aliquot in Vrbe annis præclara religiosæ vitæ exempla dedisset, à summo Ordinis Antistite, in Hiberniæ, Scotiæ, Angliæ, & Belgii provincias Vicariâ auctus potestate, à Romano etiam Pontifice, Clemente VIII. poposcit atque impetravit laborum suorum præmium, sacrum illud palladium, illud pro Belgis suis liberale iubilæum, quod anno  $\infty$ . 100. II. Bruxellam attulit. Vbi porro reliquum ætatis exegit, Alberto & Isabellæ Principibus gratissimus, carissimus omnibus, ob morum suavitatem, & vitæ sanctitudinem. Cum annis laboribusque fracto ad cetera corpore esset, animo tamen semper vegeto fuit ad pietatis exercitia, quæ nunquam intermisit: seu ægri, in quos miro charitatis æstu flagrabat, visitandi essent, quos verbis, consiliis, operâ etiam frequenter suâ diligens solabatur; seu audienda pœnitentium crimina



crimina, ad quæ facilis assiduusque sedebat, magis pater, quam iudex. Quod autem ab isto munere vacuum tempus habebat, omne id dedit precibus, quas continuas, uno perpetuo plerumque spiritu, ne externa turbarent, recitabat. Denique tibiæ malè affectæ diuturnis languoribus exesus, placidè, sicut vixerat semper, in Domino obdormivit, non sine sanctitatis apud omnes opinione, vii. Kalendas August. anno post Deum hominem ∞. 100. xiv. Conditus est Bruxellæ in æde antiquâ propè aram majorem. in lapide sepulchrali sculptum legitur hoc Epitaphium.

## D. O. M.

BONE LECTOR BENE PRECARE.

R. P. M. FRATRI CORNELIO DE BYE THEOLOGIÆ DOCTORI, ORDINIS S. AUGUSTINI, DVM VIVERET VICARIO GENERALI IN BELGIO, QVI POSTQVAM VIGINTI DVOS ANNOS INDIS ET AMERICIS EVANGELIVM PROMVLGAVIT, ET HISPANIÆ ET ITALIÆ INCOLAS DOCVIT, MAGNO SVI RELICTO DESIDERIO, HIC QVIEVIT XXVI. IVLII CIO. 100. XIII. ÆTATIS

SVÆ LXXIII. RELIGIONIS LV.

AMICI MOESTI POSVERE.

Pater



Pater Henricus Hyvæus S. T. Doctor Augustinianus Bruxellensis eidem parentavit extemporaneâ hâc declamatiunculâ.

**Q**Vanquam ego sanctioris lege silentii verba contine-  
rem, Auditores, nec aliquo, vel umbratili mœstitiæ  
signo vobis proderem, quantus & quàm acer in his animi  
mei recessibus dolor lateat, nec ingenua iuventus nostra  
egregiis ingenii sui monumentis publicum mœrorem testa-  
retur; parietes tamen ipsi, & pullus tristis ille color, atque  
adeò vultus vestri solito mœstiores totam rei dicendæ se-  
riem satis ex se ipsis propalarent. Etenim omnia hæc vultu  
prius, quàm linguâ dilucidè fatentur, Reverendum P. COR-  
NELIUM DE BYE, optimum illum Patrem omnibus ca-  
rum, nullis exosum, S. Theologiæ Doctorem eximium, in-  
signem Augustiniani Ordinis Atlantem, & quondam apud  
Antipodas Christianæ religionis sedulum propagatorem,  
mortem nunc, quia homo erat, oppetiisse. Tanto sui quidem  
relictò desiderio, ut nondum obiisse, sed in omnium mente,  
vivere adhuc hodie, & in posterum censeatur: quippe qui,  
dum viveret, mortem sibi cogitatione quotidianâ ita sua-  
vem effecerat, ut illi quàm libentissimè obviam ire, & dum  
moreretur, non mori, sed vivere etiam tunc videretur. Obiit  
tamen, seu abiit. Quod cum ita sit, & ego illo, dum in vi-  
vis esset, strictissimè usus fuerim, & illius agones ultimos  
sacris operans seriâ prece Deo commendaverim, & ille sub

Ee

has



has easdem sacras & augustas occupationes piam effla-  
 verit animam; ratio postulat, ut ad ejus justa æquissima cal-  
 culum etiam meum addam, & rudi penicillo laudes aliquas  
 strictim assequar, ut hâc laconicâ saltem ratione, videar  
 famam ejus, si unâ occumbere potuisset, voluisse suscitare.  
 Quod cum aggredior, non tam vereor veritatis metas tran-  
 silire, quàm infra ipsam veritatem stilum meum coarctare:  
 aut (ut verius & candidius me vobis explicem) tanti Pa-  
 tris non spernendam gloriam, etiam imminuere, si non ob-  
 scurare, vehementer formido. Grave nimirum est, & per-  
 arduum, illius pii Patris virtutes amplissimas in compen-  
 dium, seu breviariolum redigere; imò laudatione eas prose-  
 qui difficile est, & re assequi difficillimum, etsi beatissi-  
 mum. Vt aliquid tamen dicere incipiam, neque funesto si-  
 lentio amplius quàm par est, concedam; pro imposito mihi  
 munere, vobis benignè pro vestro in mortuum numquam  
 morituro affectu & audientibus, & faventibus, quamvis  
 videam oculos magis in luctum, quàm aures in panegyris  
 exceptionem inclinare, (tantus heu omnibus nobis pro com-  
 muni omnium Patre inest dolor!) quare Reverendus ille  
 Pater APIS agnomen præ se tulit, BYE namque phrasi  
 Belgicâ AP E M sonat, de Apis encomio loquar potissimum,  
 atque Apem imitabor, quæ mel formare cupiens, non quos-  
 cunque obvios flosculos, sed solos usui futuros colligit: sic  
 quosdam veluti flosculos ex hujus Patris vitâ pro encomio,  
 sive laudis fævo seligam. Alioqui si in illius nomen mentis  
 aciem.



aciem converterem, in CORNELIO egregiorum facinorum cornucopiæ reperirem. Itaque, ut in Apis agnomine hæream, ex Haga-Comitum in Hollandiâ tanquam ex felici alveario Apis nostra prodiit anno CIO. IO. XL. VIII. Idus Novembris, & quam à teneris unguiculis cum lacte nutricis piorum parentum industriâ imbiberat pietatem, ita altè retinuit, ut nunquam ab avitis degenerârit virtutibus, sed eas ingeniosius, formato in dies pietatis fado, maximopere illustrârit. In eo adolescente, cum ejus ad probitatem & litteras capeffendas animo, fervor & amor ita certasse visi sunt; ut nec litteræ probitati, nec litteris probitas cedere voluerit: sicque effectum est, ut hæc Apis ingeniosa ex bene formato adolescentiæ flore, mel dominico palato gratissimum efformâverit. Et quamvis ea ætas cerea sit, & in vitium flecti facilis, constantissimè tamen ab eo abhorruisse perhibetur. Quod ut reipsâ testatum relinqueret, & sacris quoque tabulis consignaret, cum Syrtes & Charybdes fluctuantis hujus sæculi prævio bonæ mentis lucifero dignovisset, nostræ sacræ Religioni Augustinianæ in Conventu Granatensi nomen dedit anno CIO. IO. LIX. XII. Kalendas Majas. In natali quidem solo apud Batavos pium hoc votum explere non semel optâverat, sed parentibus id ægrè ferentibus, & unicum hunc filium, deliciarum delicium, à monastico instituto deterrere conantibus, alio fine in Hispanias mittitur, ut cum soli mutatione animum monasticum insimul mutaret. At ipse ibi terrarum, finem optatum



felicius affecutus, parentibus frustra reclamantibus, confirmato pristino de suscipiendâ religione animo, totum se ordini nostro mancipavit. Quo in negotio Apem se fuisse sacro calculo comprobavit. Eam enim indolem apibus natura indidit, ut quàm primum operam fingendis favis admoliuntur, totum intus alvearium secreto quodam bitumine liniant, ne quis earum in effingendis favis percipere possit artificium. Nunquid huic veritati subtile Alexandri Magni facinus suffragabitur? Alexander namque captus aliquando seriâ & regiâ cupiditate spectandi apes in melle & favo effingendis affabrè occupatas, ut perspicuè, quidquid in diaphano hoc domicilio fieret, cernere posset, vitreum fieri iussit alvearium. Apes verò antea quàm ad mellis faviqûe formationem se accingerent, totum apiarium intus obliniverunt, adeo ut Imperator voti sui compos esse minimè potuerit. Eodem planè modo egisse APIS nostra sagacissima mihi videtur, ubi noluit strepitante gloriolæ buccinâ passim divulgare modum, quo sanctæ religionis favos in secreto cordis apiario componebat. Sed in seîis his, & refragantibus illis, cum mellifluo Patre Augustino in longinquiorebus Hesperiae plagis favos mellis apprimè laboratos nobis & Ecclesiæ Dei frangere satagens, etiam abditissimos America sinus penetravit. Postquàm enim fortiter suaviterque de Religione mereri cœpit, bonam animi frugem ad Indias Occidentales anno CIO. IO. LXIII. magnâ sui gloriâ & compari labore, ulterius transmisit. Ingenuè profectò & quasi



quasi ambabus ulnis hanc laboris provinciam suscepit, sibi certo certius scitum hoc objiciens, Aromata tunc vehementius fragrare cum moventur aut teruntur, & multò uberius, si minutius frangantur; ita virtutis famam spargi latius, cum negotiis & rebus adversis exercetur. Quid ergò, ubi fidei propagandæ ratio cunctos superat anfractus, & ferventissimus zelus ferventior citra periculi metum supernat procellis? Hæc ratione victus CORNELIVS noster, & hoc Genio ducta. Apis nostra in remotissimas Mexici oras involavit. Eò loci mel bonis, & aculeum malis pro veræ apis munere proposuit; ita tamen, ut mellis dulcedine, aculeus præveniretur. Ad apum Regis naturam, Apis siquidem nostra propius accedebat, ut qui, ô naturæ prodigium! aculeo in dulcedinis argumentum caret, aut si non caret, posteaquàm Rex delectus est, eo uti obliviscitur. Apis nostræ melleam indolem bono suo experta sunt illa nostra in ipsis Indiis Occidentalibus monasteria, quibus ad ducentorum milliarium intercapedinem præfuit auctoritate, & vitæ præluxit exemplis. Verùm barbaros illos Americæ, & Indiarum in Sathanae laqueos occidentium incolas, aræ salutis sistere cupiens, in eam induxit sententiam, ut simulacris renunciare, Deo uni vero totos se consecrare, fidem constanter amplecti, & aliàs indomitam, exuere barbariem certatim proposuerint. Tantam scilicet ex se primâ fronte apud id gentium emisit virtutis & famæ dulcedinem, ut æpiastro herbâ nobilissimâ (quâ si alvearia inunguntur, apes



*ea illecta non fugiunt) inunctus totus illius plagæ cuneus  
 videretur. Sed hæc non ita mira vobis videri debent, quin  
 penitus miremini alia, quæ Apī nostræ iis in locis ad Dei  
 gloriam & æviternum sui nominis monumentum accide-  
 runt. Quæ ne silentio prorsus præteream: Nōne vel in vi-  
 diâ iudice, supra naturæ vim fuit, quod inaudita, eaque  
 difficillima earum regionum idiomata etsi varia, brevissimo  
 temporis intervallo, facillimoque negotio ad amussim citra  
 hæsitationem perdidicerit? Quid verò, quod ipso fidei prima  
 eò loci jaciente semina idola corruerint, & dæmones in illis  
 obmutuerint? quomodo, nisi Deus vires homini suppedi-  
 tasset & auxisset, potuisset frequenter bis in die oblato in-  
 cruento Sacrosanctæ Missæ sacrificio, ter quaterve promi-  
 scuas catecheses instituere? quomodo ad multa hominum  
 millia toties sermonem habere? quâ viâ bis mille & pluri-  
 bus aliquando hominibus vel uno die sacri baptismatis la-  
 vacrum impendere? Quis mulierculas, & alios id farinae  
 meticulosos homines ad tranandos fluviōs rapidissimos sine  
 divini zephyri flatu animasset? Tranaverunt tamen, &  
 AP E nostrâ tanquam Heliâ quodam sectis aquis viam  
 præstituyente, reliqua turba, quam antea sola naufragii co-  
 gitatio deterrebat, rate velut certissimâ navigans, audax  
 sequebatur. Parva hæc etsi vix caput efferre videantur,  
 magna tamen videri poterunt, si etiam ex niveo veritatis  
 calculo, & Phæbeâ, ut ajunt, cortinâ adstruamus, feras  
 quoque ipsas innatam ferocitatem exuentes mitescere, &  
 hoc*



hoc supra fidem humanam & naturæ limitem contigisse. Illud tamen contigit. Contigit inquam, quòd in abstrusis & in diis illis ambagibus errantem aliquando & obviam APEM nostram habuerint bruta ferocissima, nec unquam ei nocuerint. A veritatis ore scio, quæ vobis narrata sunt, Auditores, quæ si vos in nauseam adsumere deprehenderem, ex illis Indiæ & Americæ sinibus egrederer, ut in animos vestros leviter & leniter quod superest insinuarem. Quod cum vos æquâ benevolentiae lance trutinare credam, imò videam; Adjicio nobilissimam in APE nostrâ excelluisse modestiam, & humillimam superbissimis opibus præposuisse pauperiem. Etenim quod pro tanto in longinquis iis regionibus ad viginti duos annos obito labore, in debiti & grati animi symbolum auri pondus, & cara rara alia munera incolæ abeunti offerebant, submisso vultu, paupertatis voti memor, non absque videntium admiratione, recusavit. Nec ab apis indoile tunc discedere debuit, quæ vitæ sociæ amantissima bonum publicum privatis commodis anteponebat. Gratis igitur pro Christianâ Republicâ omnes animi sui nervos extendere, insomnes noctes transmittere, & curis curas maritare, à solo bonorum bono Deo mercedem expectans, volupe sibi & ingenio Christiano dignum esse existimavit. Nec hoc miror, neque ratio est; nam apibus hæc inest proprietas, ut se ipsas enervent, ut bonum publicum tueantur. Audite quid ipsis dictum,

Sic vos non vobis mellificatis apes.

Recte



Rectè quidem. Verùm enim verò hoc apis studium, & sui pro boni publici conſervatione neglectus, viva quædam voti paupertatis unius è tribus, quæ Religio essentialia vocat, imago eſt, cui ſe Apis noſtra ſacerrimo vinculo adſtrinxit. Reliqua duo, Obedientiam & Caſtitatem apibus pari laude familiaria, & in APEM noſtram convenientia levi digito attingamus. Populum Aegyptii ſacerdotes obſequentiſſimum Regi ſuo (inquit Pierius) ſignificare ſi vellent, apem faciebant, quæ ſola ex animalibus Regem more hominum, habet, quem univerſum agmen conſectatur, & ubique conſedit, ibi cunctarum caſtra ſunt. Miſſam facio apum erga Regem obedientiam, quod feſſum humeris ſublevent, validius fatigatum ex toto portent, multaſque ejuſmodi. Vt ad Caſtitatem, & intaminatam apum virginitatem ſtilum convertam: quanquam ſexcenta produci poſſint virginitatis apum teſtimonia; Virgilianum unicum erit nobis inſtar omnium:

Illum adeò placuisse apibus mirabere morem,  
 Quòd nec concubitu indulgent, nec corpora  
 segnes

In Venerem solvunt.

*En percepistis apum Castitatem, Obedientiam, & stupendas illis à parente naturâ ingenitas dotes; quas omnes in APEM nostram CORNELIVM, ceu verum & germanum heredem, Deus cum naturâ infuderat, infusas excoluerat, & excultas variâ expoliverat amœnitate. Quis enim (absit verbo*



verbo invidia, & ejus similium pace id dixerim) quis, in-  
 quam, illo laboriosior? quis in rebus fidei, quis in morum  
 probitate, & virtutum integritate ad pristinum nitorem  
 revocanda, illo ferventior? quis sollertiùs monastica illa  
 vota, asperitatem vestium, cibi delectum, & mutuum in  
 omnes affectum ad æquilibrium æquè observavit? Sileo in-  
 terim ejus in singulos ceu omnes zelum verè paternum &  
 singularem. Sileo precum & orationum assiduum fervo-  
 rem, utpote qui decies potiùs idem verbum repeteret, quàm  
 vel syllabulam perperam pronuntiaret. Taceo diurnas ejus  
 nocturnasque & indefessas in conscientis alienis expian-  
 dis curas, ut meritò illi necessarii fuerint ex Xenophontis  
 sententiâ *πολλοὶ ὀφθαλμοί, καὶ πολλὰ ὦτα*. Non est quòd illius  
 perspicacem in regendo dexteritatem, & incredibilem in  
 omnes sinceritatem, & indicibilem candorem, quem toto  
 sui regiminis & præposituræ Vicarii Generalis tempore,  
 magno voluptatis fœnore, experti sumus, uberius vobis in-  
 culcem. Neque est otii mei, nec patientiæ vestræ, ut ejus  
 comitatem, liberalem conversationem, & futuris sæculis  
 memorandam in litterarum amatores propensionem hîc in-  
 terferam. Nam posterì illius famam, & in famâ perenne  
 beneficium recitabunt. Aliàs etiam Hispania, etiam Ro-  
 ma pro hujus viri encomio, si omnia enarranda essent, de-  
 certarent, & antiqua eruerent panegyris argumenta. Pro-  
 pero igitur ad sermonis coronidem, si priùs tibi, ô Belgica,  
 luctum indixero, qui quondam in hac A P E nostrâ bis jubi-



lariâ bis jubilasti. Primò, cum tibi Apostolicum Iubilæum veluti favum mellis multis animarum millibus sapidissimum, à Clemente VIII. Pontifice Opt. Max. pius ille pater cordis júbilo, & profusis lacrymis poposcit, exoravit, & huc Româ anno CIO. IOC. II. asportavit. Secundò jubilasti, cum ab hinc quinquennio, transactis in sacro Ordine Augustiniano annis quinquaginta ad aras augustissimas jubilantem audivisti, vidisti, suspexisti, & in nostræ APIS manibus sacrum favum mellis adorasti. Sed, eheu! hæc APIS nostra ex communi mortalis vitæ alveario VII. Kalendas Augusti evolvit. Evolvit, sed, uti confido, ad meliorem vitam felici volatu. Quia, quomodo malè mori poterat, qui bene vixerat; & qui ante senectutem curaverat ut bene viveret, & in senectute, ut bene moreretur? Atque si nunquam ille miser est, cui facile est mori, beatam & verè beatam dixerim APEM nostram, quæ tam facile mori visa est, ut miserum judicaret nescire mori. Ast mortuum esse scitis CORNELIVM nostrum, nostis APEM nostram excessisse, Auditores, & idcirco piâ mente pia justâ pio Patri persolvistis, & tanquam Apes APEM honore funebri prosecuti estis. Sodales enim Apes quo possunt mœrore & lacrumâ mortuas sepeliunt. En Poëtæ fides;

Tum corpora luce carentium

Exportant tectis, & tristia funera ducunt.

Tristia illa funera duximus, & tibi corda in suspiriis, & suspiria in cordibus, ô Deus æterne, consecravimus. Itaque

si



*si nondum exoravimus, fac nos, ô Pietas pietatis, pietatem tuam exoremus! Exoremus, inquam, ut mœrorem conceptum coërceamus. Quod fiet, ô ALTA MENS mentium, si API NOSTRA CORNELIO per te æternum gaudere, & suavisimo beatitudinis tuæ fævo in alveario cælesti citò frui concedatur.*







I. Fran. inu.

ALOYSIVS LEGIONENSIS  
Ord. Ere. S. Aug. S. T. D. diuina  
rum artium et multarum linguarum  
peritiss. S. Scripturae apud Salamaticenses Inter-  
pres primarius Castellae Prouincialis diem extremum  
clausit x xiiij Aug. Año c17 10 xc1.

C. Galle sc.



# ALOISIVS

## LEGIONENSIS.



ALOISIVM tamquam sæculi sui phœ-  
nicem Salmantica venerata est, ob  
raritatem ingenii, quod humano  
majus plerique credidēre. Latinis,  
Græcis, & Hebræis litteris instru-  
ctissimus omnium facilè disciplinarum præsi-  
dia sibi comparavit, ad sacrarum litterarum tene-  
bras illustrandas: quod fecit in Academiâ inter-  
pres primarius tam splendide, ut, ubi ille facem  
accenderat, sol ibi quasi mero meridie clarissi-  
mus lucere videretur. Provinciæ Castellanae præ-  
fecturam administravit ordinariâ; summâ dein-  
de cum potestate vicem Reverendissimi Patris  
Generalis in eâdem curavit, & arctioris vitæ ini-  
tia posuit. Magnus illi & constans animus fuit,  
cujus egregia sæpe specimina dedit: inter quæ hoc  
princeps est & memoratu dignum, quod Cruse-  
nius recitat. Æmulorum calumniis

*Crusenius  
in Monast.  
60 p. 3. c. 40.*

*(.... invidiâ ceu fulmine cuncta vaporant*

*Lucrat. l. 5.*

*Plerumque, & quæ sunt altis magis edita cumquæ)*

Ff 3

ad



ad tribunal sacræ Inquisitionis nomen ALOISII  
 ceu legirupionis delatum fuit. E cathedrâ ergo,  
 quam solitâ cum majestate impleverat, ad erga-  
 stulum derepentè raptus, diem non vidit totos  
 omnino duos annos. Quod forti quidem & ala-  
 cri animo tulit; ut qui innoxium se ipse sciret, &  
 virtutem per adversa optimè explorari.

Ἀκρων μέγιστος ὃς φοβεῖται τὰς ψόφους,

Καὶ νῦν ἐχέφρων πᾶσιν ἔλκυσιν βίαν.

*Strepitum ac tumultum maxima incus haud timet,  
 Constans nec animus quamlibet violentiam.*

Cùm autem viri innocentia calumniis omnibus  
 superior, apud severa sacri judicii subsellia inimi-  
 corum laqueos diffregisset, triumphum publi-  
 cum meruit, quem & triumphavit palmâ nobi-  
 lis, lauruque vinctus caput, & candido amiculo  
 (innocentiæ id erat testimonium) ornatus, præ-  
 cone antè ad eum locum eunte, ubi vincula in-  
 duerat. Pristino illic honori, titulis, & sacrorum  
 librorum professioni, solennibus & conceptis  
 verbis restitutus, statim (ô infractum malis, &  
 plusquam triplici ære munitum pectus!) inco-  
 ram frequentissimo auditorio, quod ad spectacu-  
 lum voce publicâ excîtum concurrerat, lectio-  
 nem auspicatus est istiuscemodi verbis; *Diceba-  
 mus hesternâ die*: aut jam tum oblitus illud duræ  
 capti-



captivitatis biennium, deletâ ex animo injuriarum omnium memoriâ; aut certè arbitratus diem nullum inter eos medium celsisse, quando sol ei publicus non luxerat, aut reverà omnes eos periisse, quibus publicè prodesse non potuerat. Diem autem postremum vixit xxiii. Augusti, anno cio. io. xci. ætatis suæ lxiv. Epitaphium, quod ei Fratres Salmanticenses in clauistro posuere, hoc est:

D. O. M.

MAGISTRO F. LVSIO DE LEON,  
DIVINARVM ARTIVM ET TRIVM  
LINGVARVM PERITISSIMO. SACRORVM  
LIBRORVM PRIMO APVD SALMANTICENSES INTERPRETI. CASTELLÆ  
PROVINCIALI. NON AD MEMORIAM  
LIBRIS IMMORTALEM, SED AD TANTÆ  
IACTVRÆ SOLATIVM, HVNC  
LAPIDEM A SE HUMILEM, AB OSSIBVS  
ILLVSTREM, AVGVSTINIANI  
SALMANTICENSES PP.

OBIIT ANNO M. D. XCI. AVGVSTI XXIII.

ÆTATIS SVÆ LXIII.

Ingenii



Ingenii ejus monumenta edita sunt

*De utriusque agni typici atque veri immolationis tempore.*

*In Cantica Canticorum triplex Explanatio.* quam nitidam & elegantem Antonius Possevinus vocat; Martinus verò Delrio, *Isagoge Commentariorum in Canticum Canticorum*, omnium recentium in hac re principem. Salmanticae apud Guilielmum Foquelium, anno 1580. & 1585. Item Venetiis apud Ioannem Guerilium an. 1603.

*Commentaria in Abdiam Prophetam.* apud eundem Foquel.

*Commentaria in Epistolam ad Galatas.* apud eundem.

*De nominibus Christi Domini libri tres.* Salmanticae an. 1587. apud Guilielmum Foquelium. qui deinde in linguam Italicam versi Venetiis prodierunt. Tertiò fuere editi. Quibus additus est libellus de perfectâ Conjugatâ, hispanicè, *de la perfecta Casada.*

*Commentarius in psalmum xxvi. Dominus illuminatio mea,* ad Illustr. & Reverendiss. Gasparum Quiroga Archiepiscopum Toletanum, S.R.E. Cardinalem.

*Quaestiones Theologicae.*

Ad



Ad prælum præparata, quæ Petrus Loy S. T. Licentiat, Augustinianus Coloniensis, se vidisse Salamanticæ asserit,

*Commentaria idiomate Hispanico in librum Iob.*

*Disputationes de editione Vulgatâ.*

*Prælectio Theologica super psalmum LXVII. Exurgat Deus.*

*Quæstiones variæ.*

*Prælectiones de fide. & plura alia, quæ lucem nunc aspicerent, nisi Magister Basilius de Leon, nepos ejus, qui ea dispungebat, lucis antè usuram amisisset.*

*Doctorem legione Primipilus  
Famâ judice LUDOVICVS audit;  
Qui fortis Latiam præit cohortem,  
Qui Græcam vigil exit ante taxin,  
Qui ducit simul Ordines Hebræos,  
An stipendia terna non meretur?*





AVGVSTINVS ANTOLINEZ Ord. Ere. S. Aug, S. T. D. Archiepiscop<sup>us</sup> Compostellan<sup>us</sup> qui  
quondam D. Thomæ, deinde Durand<sup>i</sup>, Sedē in vniuersitate Salamātica tenens, totā Hispa  
niā eruditionis suæ famia, impleuit, animā vero posuit xiii Kal. Iuly A<sup>o</sup> 100 xxv 1.



# AVGVSTINVS

## ANTOLINEZ,

### ARCHIEPISCOPVS

#### COMPOSTELLANVS.

**Q**VI AVGVSTINI ANTOLINEZ animum inspicere potuisset, dixisset Musarum, sed multò magis virtutum templum esse: ita has illasque egregio connubio in suo pectore sociaverat. Natus Vallis-oleti, urbe Regiâ, ibidem in familiam Augustinianâ transiit. In eâ ducem industriam secutus, ad ipsa sapientiæ adyta penetravit. Magisterii lauru mactus cathedram statim primariam ascendit, tenuitq; summâ cum laude, & admiratione omnium. Inde ob raram doctrinam evocatus Salamanticam, ad Divi Thomæ, deinde Durandi, sacræ postea Scripturæ primariam iterum sedem evectus; denique totius Academiæ calculis, atque acclamationibus omnium, Scholasticæ Theologiæ professor inauguratus, Hispaniam totam eruditionis suæ famâ implevit. Ut jam oraculi instar eum omnes



confulerent summates viri atque infimates: eo  
majore cum lubentiâ, quod facilis, blandoque  
vultu venientes quasi alliceret; longè alienus à  
tetricis illis agrestibusque, qui à cathedrâ Magi-  
strali, quam semel inscenderunt, prodeunt velu-  
ti ex antro Trophonii, vultu severo, & ad gravi-  
tatem caperato. Contrà AVGVSTINO nostro sua-  
vis quædam comitas inerat: ut ad affatum suum  
omnes admitteret, tenuioris fortunę homines et-  
iam provocaret. Pauperes amavit impensè: ut ob-  
via mendicabula veste interdum, calceis frequen-  
ter suis texerit; ipse verò redierit ad monaste-  
rium seminudus excalceatusque: idque in præ-  
fecturâ ipsâ Provinciæ, quam gessit quartum; sæ-  
pius ad eundem magistratum Fratrum suffragiis  
revocandus, nisi Rex Philippus majoribus virum  
honoribus destinasset. At verò cum infulam Ci-  
vitatensem accepisset (plures alias antè oblatas  
dignitates infulasque contempserat) reditus Epi-  
scopii sui omnes prodegit in egenos. Sed effusior  
fuit in ditissimo Archiepiscopatu Compostella-  
no: ubi cum Ecclesiæ suæ amplissimos fructus in  
pauperes dilapidasset, vidit se tandem ad incitas  
reductum, doluitque; non quod ipse nihil habe-  
ret, sed quod ab eo nihil possent pauperes acci-  
pere. Invenit tamen modum (industrius est om-  
nis



nis amor)quo vacuâ manu liberalis esse non desi-  
 neret. Non erubuit tantus Præsul adire opulenta  
 negotiatorum æraria, stipemque ex illis mendi-  
 catò petere in pauperum alimentum. Hoc erat  
 ovium suarum bene curare vellera; sed ut ani-  
 mas bonus Pastor ne negligeret, non timuit se  
 perdere. Dum enim ovilia suæ diœceseos dili-  
 genter obit & visitat, in oppido, quod à visu hilari  
 nomen habet, subitario morbo correptus, ani-  
 mam suam posuit XIII. Kalendas Iulij, anno post  
 natum Christum ∞. 100. XXVI. ætatis suæ LXXIV.  
 Scribunt quidam miro odore cadaver fragrasse:  
 nempe virtutis id erat balsamum. Vitam ejus Hi-  
 spano calamo editam, utinam videamus!

Scripsit

*Vitam B. Ioannis de Sahagun.*

*Vitam D. Claræ de Monte Falco Salamanticæ impressam*

1622.

*Vitas aliarum Sanctarum Ordinis nostri, aliæq. plura M.S.*

habet R.P. Petrus Loy, S. T. Licentiatus Co-  
 loniæ.





IOES CRABBIUS Ord. Ere. S. Aug, in Belgio Provincialis, Ecclesiastes Celeber:  
rimus, et ad Stuporem eloquens, Magnatibus gratus, fidei catholicae propugnator  
acerrim<sup>us</sup>, Nobiliss. Sodalitatis S. Antonij Bruxellae institutor abijt 111 Id<sup>us</sup> Octob.  
Anno ∞

15 XC 118.



# IOANNES

## CRABBIVS.

**I**OANNIS CRABBI natalis incidit in annum  $\infty$ . 10. XLIII. Lovanii, quæ urbs Brabantiae primaria est, Belgarum Lycaum, & Musarum amœnissimū domicilium. Ingenium illi vegetum & subtile fuit, quod cultu exercitioque apud Eremitas Augustinianos, quorum sodalitio adscribi voluit, perfecit ad robustam eloquentiam. Prudentia deinde supra ætatem admirabilis, ob quam Dordraci in Hollandiâ Fratribus præfectus, magnâ apud suos auctoritate, maximâ apud externos summatque infimates gratiâ floruit. Cùm verò anno  $\infty$ . 10. LXXII. (qui Belgis luctuosissimus, numquam è posterorum memoriâ delebitur) hæresis per Bataviam ferale caput contra Deum Regemque attolleret, & in Ecclesias ac capita Ecclesiastica, duce Lumeïo, perduellionum antesignano, abominandorum sacrilegiorum immania exempla statueret, CRABBIVS noster cum Præposito Franciscano, (quem illi Guardianum dicunt) in tetrum carcerem compactus, crassas compe-

des



des gestare duos omnino annos coactus est. Sed virtutem animi ejus hæc maximè tempestas illustravit. Ibi tum, quantus esset, palàm ostendit: quando pædores, tenebrasque ergastuli non deflevit, quod vulgò fieri amat, lamentis muliebribus; sed è pedicis manicisque strinxit Verbi divini gladium, pugnavitque pro fide orthodoxâ & Rege contra legirupas impios, acrique parænesi frequens monuit superstites Catholicos, non desciscere à majorum religione, non deficere à Domino, cui obsequium utrâque lege deberent. Laborabant quidem, Ministri pseudo-evangelici nunc argutâdo labefactare Catholica dogmata, nunc assentando periclitari attalicis conditionibus magnitudinem animi ejus: sed ille frivolas inanesque eorum argutiolas elusit facilè, & blanditiarum offucias generosè contempsit. Anno demum  $\infty$ . 13. LXXIV. quidam haud infimo loco viri, qui cum avitâ religione aliquam prætereà Dordraci auctoritatē servauerant, suam CRABBIO operam gratificantur, & advocationem suscipiunt, ac tandem vinculis & custodiâ exemptum in libertatem restituunt. Lovanium ergo rediit; ubi Ecclesiasten celebrem egit, nempe ad quem audiendum tota urbs confluebat. Præterquam enim, quòd ad dicendum omnibus artibus



tibus instructus accederet, habuit & in voce magnum splendorem, & in motu summam dignitatem. Personam hanc toto quinquennio præclare sustinuerat; cum ad monasterii Lovanien-  
sis præfecturam anno ∞. 10. LXXIX. admotus, anno deinde ∞. 10. LXXXIII. ad provinciæ regimen assumptus est. Per ea tempora insigni Ducis Farnesii solertiâ sufflaminatus erat rebellium impetuofus furor, & ad Philippi Regis imperium aliquam-multa oppida redierant. CRABBIO non minor sollicitudo incessit, Ordinis sui rebus consulere, & quæ fœda tempestas conturbaverat, opportunis remediis instaurare. Quod dum graviter strenueque molitur, apud Belgii Optimates, quos in rebus difficillimis crebrò interpellare debebat, magnam sui opinionem excitavit: ut jam ejus in suâ causâ industriam non modò admirari, sed etiam maturum ad Reipublicæ negotia judicium æstimare inciperent. Porro CRABBIVS, cui non tam morbos suorum lenire, quàm ipsas morborum radices extirpare in animo erat, ignorantix desidiæque, quæ rectæ omnis disciplinæ pestes duæ sunt, profligandarum rationem excogitavit. Ea fuit, communibus Ordinum Mendicantium precibus implorare à Rege subsidium argentarium, quo fratrum studiofo-

H h                      rum



rum Lovanii seminarium erigi posset; unde non exiguus in Religiosos honor, sed major in Republicam utilitas redundaret. Placuit Ordinum Præfectis tentare aleam, & spartam hanc CRAB-  
BIO auctori committere. Is Parmensem consilii sui conscium antè facere voluit, ut patronum haberet: à quo cum litteris ad Regem in Hispaniam legatus abiit, onustus prætereà mandatis oppidi & Academiae Lovaniensis. A Rege benevolè acceptus auditusque, facilè quod voluit impetravit. nam anno statim insequenti seminarium erigi cœptum est, & auctoritate Farnesii confirmatum, Episcopo Ruræmondensi Lindano, & Ioanne Vendevillio ad insulam Tornacensem destinato, leges regulasque, quæ post typis evulgatae sunt, dictantibus. His aliisque pro voto suo in Hispaniâ absolutis, Romam proficiscitur, tractaturus cum Romano Pontifice quædam sibi ab Ordinibus commissa negotia: quæ itidem solens more suo, & citò, & feliciter expedit. Inde in Belgium & ad Lovanienses suos reversus, Comitibus ad xvi. Kal. Iulii an. 1639. LXXXIX. edixit: in quibus Provinciæ præfecturam, quam sex admodum annis summâ cum integritatis laude tenuerat, in P. Henrici laupenI humeros, suffragiis Patrum ita consentientibus, transtulit:  
cum



cum quo deinde ad fundandum Bruxellæ cœnobium omni studio incubuit. Id quoque uti cetera, omine auspicio aggressus, impetravit, & eodem adhuc anno novam Fratrum coloniam in urbem principem primus ipse Rector deduxit: quæ brevi tempore magnum incrementum sumere visa est, quemadmodum & fama nominis ejus, quam è sacrâ pergulâ concionibus assiduis collectam, illic ad immortalitatem propagavit. Pii quoque studii egregia monumenta Bruxellæ reliquit, quæ nunquam apud posteros intermorituram ejus laudem loquuntur. Ab illo est in æde nostrâ, titulo S. Antonii nobilissima Sodalitas, quam sicut Dordraci in cœnobio suo, à viris primatibus, qui nomen illi dederant, floruisse olim viderat, ita auspicari Bruxellæ voluit à Principibus & supremi ordinis viris, præter quos nemini ex imo subsellio ad eandem fenestra aperta est, ut nullam eâ celebriorem nunc Belgicus orbis agnoscat. Ab eodem originem in hâc provinciâ habuit ignorata antè Corrigiatorum Fraternitas, quam ad Bononiensem ceu aliarum matrem, CRABBI oratu supremus Ordinis Præfectus retulit. Vt omittam plura alia, quibus palàm est temporalibus eum juxtà ac spiritualibus studiis ætatem salutariter consecrasse.




Cùm deinde grandi ætate affectum, sed magis podagræ doloribus afflictum corpus vix traheret, linguæ tamen deliquium nunquam passus est; cuius exercendæ & populi docendi tanto ardore incendebatur, ut in ædem D. Laurentii, quam CRABBI nomen celebrem vulgo reddiderat, sellâ gestatoriâ ferri & supra confluentis populi cervices ad suggestum manibus tradi quasi & trudi debuerit. Denique ad podagram & senectutem, quæ ipsa non minimus morbus est, aliis succenturiatis & vim facientibus, vitæ ejus arcem mors invasit, & migrare jussit ad illam, quæ perpetuæ pacis gaudiis æternùm fruitur. Abiit III. Idus Octobris, anno post Deum hominem ∞ . IO. XCIIX.

Extat in bibliothecâ Bruxellensi manu  
ejus scriptum

*Diarium controversiarum, quas cum hæreticis habuit, de Sacramento Eucharistiæ, de cultu Sanctorum, & imaginum, de Ecclesiâ Romanâ, de Hispanico Imperio, &c.*

ANGE-









ANGELVS ROCCA Ord. Erem. S. Aug. S. I. D. iussu Sixti V. Pont. Max.  
Biblia, Concilia, Patresque restituit in Typographia Apostolica Vaticana per annos  
decem. Eum Clemens VIII. honoravit praefectura Sacrarum Apostolicarum, et Episcopatu  
Tagestensi. Multa, ac Varia doctissime scripsit. Obijt Romae anno M. D. CXX.



# ANGELVS

## ROCCA,

### SACRARI PONTIFICII

Præfectus & Episcopus Tagastensis.



NGELO lucem primam & cognomen dedit *Rocca Contrata*, oppidum in Piceno non omnino obscurum ; sed quod maiorem ab ANGELO nostro lucem accepit. Camerinum ad meliorem,

AVGVSTINIANAM vitam genuit, & Musis obstetricantibus ad mansuetiorem litteraturam atque humanitatem egregiè efformavit. Sanctiorem deinde sapientiam pleno ore hausit Perusiæ, Venetiis, Romæ. Patavii denique supremâ laureâ mactus, in numerum etiam Doctorum Academicorum adoptatus est, & emolumenta, quæ alii cupidissimè inhiant, ipse accepit ingratiis. Non potuit tamen viri integritatem flectere, nedum corrumpere pecuniarum sitis, ut non paulò post ex illo se albo expungeret, abiretque Venetias, ubi in Fratres suos & Cruciferos sine lucello

Ma-



Magisterium exerceret. Institit & Ecclesiasten ibidem inter has curas agere: cujus numeros omnes ita implevit, ut dicentis pro concione facundiam admirarentur omnes, nemo non doctrinam suspiceret. Neque suum interim calamum feriari passus, typographos in sudorem dedit. Tam multis argumentis probatum, Augustinus Fivizanus Eremitarum summus Præfectus Romam evocavit, ei que universi Ordinis secreta, & Augustini Triumpho de potestate Ecclesiasticâ opus emendandum cômisit. Ad utraque se accinxit, absolvitque porro non tam invitâ Minervâ, quam animo: ut Sixtus postea V. Pontifex Maximus eum ad Typographeion Apostolicum, pro Bibliis, Conciliis que, & sanctorum Patrum monumentis restituendis, promulgandisque magnificentissimè in Vaticano institutum, acciverit. Vbi ANGELVS toto decennio difficilem, sed simul insignem operam navavit. Præter enim molestiam, quam devoravit in castigandâ typographorum negligentia, sanctorum etiam Patrum, Gregorii imprimis Magni, & Doctoris Seraphici Bonaventuræ opera revocavit ad incudem, pleraque etiam doctissimis scholiis illustravit. Præclaram hanc ejus industriam deinde Clemens VIII. honoravit præfecturâ



Curâ Sacrarii Apostolici; decem pòst annis in-  
fulâ etiam Tagastensi. Vt porrò ANGELVS præ-  
claro apud posteros monumento ostenderet, non  
sibi se, sed aliis potius omnibus vixisse, adorna-  
vit Romæ in cœnobio S. Augustini locupletissi-  
mam, & omne genus Auctoribus instructissi-  
mam Bibliothecam, quam utilitati omnium,  
sed præcipuè advenarum, qui sine litterariâ su-  
pellectile ad Urbem veniunt, publicè dedicavit,  
hâc epigraphe.

*Supra Biblothece januam.*

ΤΟΙΣ ΒΟΤΑΟΜΕΝΟΙΣ.

VOLENTIBVS.



*Ad januae dexteram.*

F. ANGELVS ROCCA, CAMERS,  
ORDINIS FRATRVM EREMITARVM SANCTI AVGVSTINI ALVMNVS,  
ET APOSTOLICI SACRARI PRÆFECTVS,  
BIBLIOTHECAM,  
OMNI ARTIVM ET SCIENTIARVM GENERE REFERTISSIMAM,  
VIRORVM ITEM ILLVSTRIVM ICONIBVS AD VIVVM EXPRESSIS  
ORNATAM,  
LONGO TEMPORVM SPATIO,  
MAGNOQVE LABORE, AC SVMPTV COMPARATAM,  
COENOBIO S. AVGVSTINI, VRBIS, STVDIOSORVMQVE OMNIVM  
NON SOLVM RELIGIOSORVM,  
SED ETIAM CLERICORVM, ET LAICORVM COMMODITATI,  
DAT, DICAT, DONAT:  
VT ANIMI GRATI PIETATEM ERGA FAMILIAM AVGVSTINIANAM,  
PARENTEM, ALTRICEM SVAM,  
ET ERGA LITTERATOS, LITTERARVMQVE AMATORES PROPENSIONEM,  
VIVIS, POSTERISQVE PATEFACIAT,  
ANNO SALVTIS M. DC. IV.

*Ad laevam.*

### BIBLIOTHECA ANGELICA.

CAVTVM EST, VT NE QVIS HANC BIBLIOTHECAM,  
VEL MINIMAM EIVSDEM BIBLIOTHECÆ  
SEV LIBRI, SIVE CVIVSCVNQVE ALTERIVS REI  
IN DIPLOMATE PONTIFICIO CONTENTÆ  
PARTEM AVFERRE, ABSTRAHERE, ALIOVE  
ETIAM STVDENDI COMMODITATE ASPORTARE AVDEAT:  
QVI SECVS FECERIT,  
ANATHEMATIS VINCVLO ALLIGATVS ESTO,  
NON NISI A SVMMO PONTIFICE ABSOLVENDVS.  
QVI VERO DICTAM BIBLIOTHECAM, VEL MINIMAM EIVS PARTEM  
VENDERE, AVT VLLO PACTO AB HAC DOMO ALIENARE AVSVS FVERIT,  
PRÆTER EXCOMMUNICATIONIS LATÆ SENTENTIÆ POENAM,  
BIBLIOTHECAM IPSAM VNIVERSAM  
CVM OMNIBVS ET SINGVLIS REBVS AD EAM SPECTANTIBVS  
AD CAMERAM APOSTOLICAM PRO BIBLIOTHECA VATICANA  
ILLICO DEVOLVTAM ESSE SCITO.

Obiit



Obiit porrò ANGELVS plenus dierum, Romæ  
VII. Eidus Aprileis ∞. 1500. XX. Cui Fratres Ro-  
mani tale gratitudinis perpetuum monumen-  
tum didicarunt.

## D. O. M.

FRATRI ANGELO ROCCÆ CAMERTI ORD. EREM.  
S. AVGVSTINI, EPISCOPO TAGASTENSI, ET APOSTOLICI  
SACRARI SVB CLEMENTE VIII. LEONE XI. PAVLO V.  
PP. MM. PRÆFECTO, INSIGNIS BIBLIOTHECÆ ANGE-  
LICÆ FVNDATORI, AC LIBERALISSIMO LARGITORI,  
VIRO ERVDITISSIMO, ET DE AVGVSTINIANA REPV-  
BLICA OPTIME MERITO. PISSIMI PP. AC FF. S. AV-  
GVSTINI DE VRBE GRATITVDINIS ET BENEVOLENTIÆ  
AVGVMENTO POSVERE.

OBIIT ANNO SALVTIS M. DC. XX. DIE VII. APRILIS  
ÆTATIS SVÆ LXXV.

Elucubrationum ejus hic est catalogus.

*Bibliotheca vaticana, quæ omnes Bibliothecas insigniores  
tam antiquas, quàm recentes, Conciliorum item genera-  
lium præcipua, & potiora, &c. Aliaq; plurima scitu di-  
gna comprehendit. Romæ 1591.*

*Bibliotheca Theologica & Scripturalis, ordine Alphabetico  
digesta, ad promptius inveniendâ, & facilius intelli-  
genda, quæ in Scripturam sacram à Doctõribus SS. &  
præcipuis aliquot Theologis elucubrata sunt, &c. Ro-  
mæ 1594.*



*Commentarius de Sacrosancto Christi Corpore, summis Pontificibus iter conficientibus præferendo, &c. Romæ 1599.*

*Commentarius de Canonizatione Sanctorum. Romæ 1601. & 1610.*

*Scholia in S. Gregorii Magni, ejusque Parentum Imagines ære incisas, & à Ioanne Diacono diligentissime descriptas, &c. Romæ 1575. Deinde Parisiis cum Operibus S. Gregorii 1605.*

*Oraculum heroico versu Latino de auspiciatâ salute, urbi Venetæ divinitus redditâ, tempore pestis, adventante aureâ Rosâ à Gregorio XIII. ad Venetos missâ. Venetiis 1577.*

*Commentariolus de Nuce, ad Innocentium IX. stemma ejusdem Gentilitiû mysticè repræsentante. Romæ 1591.*

*Expositio in Orationem Dominicam, Italico & Latino sermone conscripta. Romæ 1594.*

*Altera item brevior: in quâ multarum rerum Septenarii conceptus, juxta septem Petitiones in Oratione Dominicâ comprehensas explicantur. Romæ 1594.*

*Commentarius de Tribulationibus, linguâ Italicâ, le Visite del Signore inscriptus. Romæ 1591.*

*Commentarius de Patientiâ, Latine & Italicè conscriptus. Romæ 1588.*

*Commentarius Philosophicus ac Theologicus de Cometis Italicâ linguâ conscriptus. Venetiis 1577.*

*Opuscu-*



*Opusculum de Præsentationis Deiparæ Mariæ semper Virginis in templo Historiâ, & Festivitate. Romæ. 1597.*

*Chronohistoria de Apostolico Sacrario; Nomenclaturam, Institutionem, & Instructionem; Munia item & seriem sacristarum in Augustinianâ familiâ tercentum & amplius ab hinc annis conservatam, & nunquam interruptam comprehendens. Romæ 1605.*

*De particulâ ex pretioso & vivifico Ligno sacratissimæ Crucis Salvatoris IESV Christi desumptâ, &c. Commentarius. Romæ 1609.*

*Commentarius de sacrâ Romani Pontificis Communionem Missam sollemniter celebrantis. Romæ 1610.*

*Observationes in sex libros Elegantiarum Laurentii Vallæ, cum Apologiâ contra Laurentium Vallam, pro Boëthio de Personis Divinis. Venetiis 1576.*

*Observationes de linguâ Latinâ, &c. Venetiis 1576. Romæ 1589.*

*Bibliotheca Angelica omnium Artium ac Scientiarum generibus refertissima, &c. Romæ 1608.*

*Commentarius de Campanis.*

*Interpretatio obscurarum vocum, quæ apud S. Gregorium Magnum, præsertim verò in Registro Epistolarum leguntur.*

*Opusculum de mendaciis, ac deliramentis Poëtarum, & Philosophorum per Scripturam Sacram patefacta.*

*De sacris aliquot Ritibus, ad superstitiones Ethnicorum*



extirpandas magnâ cum pietate institutis: nec non  
*Variarum Lectionum Ecclesiasticarum Opusculum.*

*Speculum humanæ vitæ Climactericum, Philosophicum,  
 Historicum, ac Theologicum.*

*Commentarius de Sanctorum Apostolorum Petri & Pauli  
 prælatione, sive Imaginibus eorumdum, utra scilicet in-  
 ter eas collocandas, aut pingendas præferenda sit.*

*Commentarius de Romani ac summi Pontificis Nomi-  
 bus ac muneribus, nec non de Ministeriis vel obsequiis  
 eidem præstandis.*

*Commentarius de Summi ac Romani Pontificis Potestate  
 Spirituali ac Temporalis; Donatione Constantini Ma-  
 gni, &c.*

*Opusculum de Confessione Sacramentali, quam vocalem  
 vel auricularem vocant, non præstandâ per litteras ad  
 Confessarium absentem missas, &c.*

*Notæ sive Scholia in utrumque Testamentum, ad ea com-  
 probanda, quæ ex Concilii Tridentini Decreto, in sacris  
 Bibliis vulgatæ editionis corrigendis à sacris Congrega-  
 tionibus tam Linguarum varietate, ac manuscriptorum  
 antiquitate, quàm auctoritate ac lectione SS. Patrum,  
 atque rationibus ipsis præstita fuerunt.*

*Plurima deinde diversorum Auctorum monimenta è tene-  
 nebris ad lucem revocavit: præsertim Librum secundum  
 sententiarum Ægidii Columnii Romani (de quo vide Pos-  
 sevinum in Apparatu sacro, verbo Ægidius) necnon Sum-  
 mam*



*nam Augustini Triumpho de potestate Ecclesiasticâ, ante annos trecentos editam; Commentarios ejusdem M. S. in Canticum Deiparæ; in Orationem Dominicam; & in Salutationem, atque Annunciationem Angelicam. Univerſa item Opera S. Bonaventuræ; cujus Commentariū ad librum IV. Sententiarum Scholiis, Notationibusque & Indicibus illustravit.*

*Denique alia complura.*

## POMPEII VGONII

## Carmen Panegyricum.

**O** Lumen ingens Ordinis ANGELE,  
 Quem mente sacrâ lux Lybiæ Pater  
     Fundavit AVGVSTINVS, unde  
     Progenies numerosa fluxit  
 Latè per oras, artibus ingenI,  
 Virtute fulgens nec minùs aureâ,  
     Ecclesiæ navi tremente,  
     Præsidium, columnęque fidum.  
 Te te ille se nunc altiùs evehit  
 Felici alumno cœtus amabilis,  
     Te gloriatur, quem secundo  
     Per patrias properare laudes  
 Gressu tuetur. non tibi desides  
 Labuntur horæ, non hebet otio

*Erecta*



Erecta mens; sed perspicaces  
 In studiis teris usque curas.  
 Adhæc superbis æmula Regibus  
 Colenda nimirum, est locuples tibi  
 Collecta librorum supellex  
 Pontificum in lare Vaticano.  
 Te sede in illâ, nam pietas tua  
 Pridem locavit, magnanimo auspice  
 CLEMENTE, sacræ qui beatas  
 Divitias tueare gazæ.  
 Rectè merenti quod decus Ordini  
 Sanxere justo munere Principes,  
 Servatque ad hoc ævi, trecentos  
 Perpetuâ serie per annos.  
 Celata sed quid gloria proficit,  
 Oblivioso tecta silentio,  
 Cum clara tot Patrum jacerent  
 Nomina? tot memoranda facta?  
 En te resurgunt jam modò vindice  
 Sub lucis auras; te duce secula  
 Æterna vivent, quos iniquis  
 Obruerat tenebris vetustas.  
 Quos & laboris non tenuis tibi  
 Fuisse dicat, qui leget, abditis  
 Hinc inde chartis, eruisse  
 Ingenio, vigiliq̃ curâ.



*Evolvat isthac posteritas lubens  
Afri Parentis; nec tibi gratias  
Referre servanti gravetur  
Prisca suæ monumenta gentis.  
Tum nuper alto qui solio Petri  
Consedit, & cui ritè dicas opus,  
Te fronte respectet serenâ  
Egregius pietate Princeps.*







F. IŌES BABBISTA A GLANO S.T.D. Ord. Erem. S.  
AVGVSTINI, in Belgio quondam Prouincialis. Vir  
virtute ac doctrina pene sui temporis omnium.  
clarissimus.

I. Fran. inu.



## I O A N N E S

## A G L A N O.



EODII in Eburonibus natus est  
 familiâ tenui, sed oppidò honestâ.  
 Facile promptumque adolescentis  
 ingenium litteris politioribus ex-  
 coluerunt Fratres, qui animis ami-  
 cè pieque inter se conspirantibus, & (ut sunt πάντες  
 κοινὰ ἔφιλον) collatis in unum reclusis suis, com-  
 munem vitam professi, per ea tempora juventu-  
 ti in Belgio erudiendæ diligentem eamque uti-  
 lem operam navabant. Deliciis Musarum suavi-  
 ter, & pro istâ ætate (quatuor jam lustra nume-  
 rabat) insigniter imbutus, ad maturitatem & vi-  
 rile robur alibi sese exercere statuit. Placuit sa-  
 pientiæ & sanctitatis fontem, Christiani orbis  
 sacrum Athenæum, Romam adire. Hanc ut in-  
 travit, Vrbs illi eremus visa, donec, quem adiret  
 familiariter, in Eremo Augustinianâ Ioannem  
 à Leodio, popularem suum reperisset. Hunc amicè  
 primùm & crebrò visere, deinde monitorem au-  
 dire non illibenter, denique ex consuetudine vi-

Ερημία με-  
 γάλη ἡ με-  
 γάλη πόλις.  
 Strabo.



*Consuetudo  
concinuat  
amorem.*

Lucret l. 4.

Anno 1572.

Anno 1575.

rum amare, & convivere omnino voluit: adeoque dum solitudinem vitare studuit, in Eremiticæ vitæ studium incidit. Thadæus Perusinus, qui summo cum imperio Augustinianum Ordinem Romanâ è speculâ administrabat, accepit pro nomine non infelici, tum sibi offerri ingenuum & ingeniosum è Belgio adolescentem, quando novi è spelæo Calviniano emissi scythæ crudelitatis & sævitæ omnes fluctus evomebant in monachos, eorumque claustra propudioso sacrilegio violabant. Hunc ergo Reverendissimus Pater destinare fulcimentum nutanti in Belgis religioni: sed & cælum visum annuere. Non enim multò post valetudinem ejus à radice corripit morbus pertinax, ut nullam salutis illi spem reliquam darent medicorum filii, nisi quantulacunque esset in patrio aëre, qui ad vitam interdum eos revocat, quos omnes antè Machaones damnaverunt. Dimissus ergo ad Eburones suos, Leodium intravit, id est bonæ valetudinis portum. Morbo enim illic defunctus, vires facile recepit, animumque ad sacra studia, in quorum proludio eum ægritudo prehenderat. Itaque Parisios abit: ubi in divinas litteras tam diu incubuit, donec per omnes pedetentim gradus, ad summum pervenit, lauru Theologicâ inter Magistros



gistros Sorbonenses solenniter coronatus. cui Regentis dignitatem ceu auctarium supremus Ordinis Prior adjecit; cum prius Ducem Nivernensem, cui inprimis carus erat, Henrici III. ad Xystum V. recens electum Legatum, Theologi titulo comitatus esset. Tandem patriæ suæ redditus, Priorem sæpe & diu Leodiensem; deinde provinciæ totius Præfectum iterum egit. Comitibus in oppido Angiensi vice Generalis præfedit: alia denique munia omnia obivit, quæ in Religione Augustinianâ sunt amplissima. In medio domesticarum molestiarum oceano, licet gravibus interdum fluctibus jactaretur, non tantum clavum non dimisit è manibus, sed neque scholastica exercitia omisit, simul & Prior bonus, & bonus Magister. Sicut enim principium sapientiæ esse timorem Domini non ignorabat; ita putavit sapientiam esse initium amoris Domini.

— *Ignoti nulla cupido.*

Fratribus ergo suis, (quod olim Parisiis fecerat, ubi Ioannem Puteanum discipulū habuit) Theosophiæ sacra adyta aperuit tam sincerâ animi cum lubentiâ, ut desideria amicorum & optimatum, qui eum in Seminario Episcopali Leodii (cathenam vocant) publicè audire avebant, non admitteret. Ne tamen eorum vota contemnere



omnino videretur, verbum Dei pro concione frequens explicavit oratione tam solidâ & suavi, ut de forti egredi dulcedinem diceres, & à BAPTISTA nostro solvi Sampsonis illud obscurum problema. Neque intra Mosæ ripas cohiberi potuit luxuriantis eloquii ejus grande flumen, ut non Bruxellam, Antverpiam, Tornacum, & Lillam abundè irrigaret. Parum videri poterat satis auribus fecisse; venire etiam in oculos & manus omnium voluit, & præla typographorum defatigare doctissimis commentariis, non minùs stilo quàm linguâ disertus. Porro labores, quos in munere Provinciali exantlavit, hîc perscribere non est opis meæ. Est tamen aliquod operæ non parvæ pretium scire, Conventum Tornacensem, quem Franci ad annum usque  $\infty$ . 10. xc. sibi subditum habuerant, provinciæ nostræ esse insertum, ejus industriâ, & operâ Ioannis Vendevillii Nerviorum Episcopi, quem deinde in agone luctantem BAPTISTA invocatus piè seduloque adjuvit. Occurrit quoque non indignum commemoratu illud in obitu provinciæ periculum, incertum, an lugere illud magis debeam, an ridere. Trajecto petebat Aquas-Grani, viâ admodum difficili, quam latrones undique hæretici obsederant. Vident, irruunt in hominem prædæ avidi,



avidī, & in silvarum abdita raptant. Sed dum tumultuariè examinant, & aliquem è fæce culinæ mediaſtinum ſe prehendiſſe credunt (humili in ſchemate, linguam ſuam Leodinam, ore præ metu abſono, balbutiebat) adeoq̃ue putant theſaurum ſuum carbones eſſe, bene pulſatum dimittunt. Enimverò ille verbero maluit, quàm longi in Bataviâ carceris cuſtos eſſe. Secundùm illa Romam ad Comitia Generalia Diffinitor proſectus eſt: ubi inſulam à Pontifice oblatam recuſaſſe vulgò dixerunt. & fidem rumor habuit, quòd & dignitate illâ non indignum eum, & ſimul dimiſſionis unicè ſtudioſum ſcirent. Poſt illà miſſus Lutetiam ſummâ cum auctōritate, Fratres ad modum vivendi arctiorem revocavit: ad quem deinde ſuos etiam Leodiennes induxit, magis ſuo exemplo, quàm diplomate, quod Româ miſerat. Scilicet

— non ſic inflectere ſenſus

*Humanos edicta valent, quàm vita regentis.*

ſed — — tunc obſervantior equi

*Fit populus, nec ferre vetat, cùm viderit ipſum.*

*Auctorem parere ſibi.*

Non tantùm verbis nudis ad ardua provocabat, ſed factis præibat, opere, non ſolâ linguâ magiſter,



ster, sciens longum iter per præcepta, breve per exempla esse, &

Ἡ μὴ διδάσκειν, ἢ διδάσκειν τῷ τρόπῳ.

*Vel non docendum, vel docendum moribus.*

IOANNES ergo BAPTISTA suis dux erat ad virtutem, ad religiosam vitam, ad perfectionis studium, ad regulæ & statutorum accuratam observationem. Monita ipsa factis antevertebat. Suis parcere facilis, sibi verò nunquam indulgere, in se suumque corpus durus sævusque. Hisce ergò laboribus & gravi senio emaciatus, cùm ad scenam vitæ claudendam ab imperioso morbo urgeretur, trepidare cœpit; & qui tam piè semper religioseque vixerat, ut de vitæ æternæ præmio dubitare vix posset, mortē vicinam spectare non potuit constantibus oculis. *Quis est enim* (Tullii verbis utor) *aut quotus, quisque, cui, mors cùm appropinquat,*

*Non refugiat timido sanguen, atque exalbescat metu?*

Georgius Maigretius, qui moribundo adstabat: Eja, age, venerande, ait, senex, qui aliis in hac ultimâ luctâ tam sæpe animum addidisti, nunc temetipsum ne desere. Tum ille: Non desero, inquit; sed jam primùm experior, quantum sit inter theoriam & praxin discrimen. Quo dicto, placidè in Domino obdormivit. Affecit mors  
ejus



ejus graviter Leodienses omnes, apud quos summa in veneratione semper fuerat, ob multijugem doctrinam, raram sapientiam, & eximiam vitæ probitatem, omnia in modestiæ fundo firmata.

Ingenii sui monumenta posteris reliquit,

*Historiam Pontificalem, seu demonstrationem veræ Ecclesie à Christo fundatæ. cui præmittitur, Directorium ad eandem historiam.*

*Oeconomiam Christianam in VIII. libros divisam.*

*Librum de officio puellarum in duas partes distributum.*

*Prior agit de iis quæ ad nuptias efformantur: posterior de iis, quæ ad virginitatem perpetuam.*

*Europam, seu de primariarum Europæ provinciarum ritibus, ceremoniis, & vestibus.*

*Historiam Antonii Goveæ, de progressu Ecclesiæ Catholicæ in Indiâ Orientali, ex linguâ Hispanicâ transtulit in Gallicam, cui adjunxit*

*Exhortationem ad Belgii Catholicos.*







## I O A N N E S

## P V T E A N V S.



OANNEM PVTEANVM, Cimontii humili in Vasconibus oppido parentes nullo avorum sanguine, sed tantum suâ virtute nobiles genuerunt, lactarunt Gratia, Musæ educarunt. A puero

in disciplinam gymnasiarchæ traditus, prima studiorum tirocinia posuit tam feliciter, ut ingenii fecunditate, & firmitate memoriæ nemini illâ ætate concederet. Ecclesiastæ Augustiniani oratione ad IESV Crucifixi amorem incensus, mundo sua habere iussu, Tholosæ D. Augustino nomē dedit: ubi litterarum, quæ antea jecerat, fundamentis, virtutum religiosarum magnificam fabricam inædificare cœpit. In oppido, quod à Sancto Genesio nomen habet, ad ripam Oldi fluminis, publico è pulpito rhetoricam profiteri iussus, non vulgare eloquentiæ specimen dedit. Inde missus Burdigalam, Philosophicis se studiis totum immergit, emerfitque tam præclarus, ut non



modò per ora doctorum volitarit; sed etiam vir optimus eruditissimusque Pater Portaginus, ex Ordine Seraphico, divini verbi præco celebris, Burdigalensium Eremitarum cœnobium propter unum unicum PUTEANVM civibus è suggestu non rarò commendarit. Lutetiæ in Theologiâ audiuit clarissimum virum Ioannem Baptistam à Glano Leodium, socios habuit Leonardum Cocquæum Lotharingum, & Stephanum Rabachium vitæ communis in Galliâ restauratorem, illustres ex eodem Ordine Magistros, scriptis omnes notissimos. Cùm verò Parisiensem aërem infecisset sæva pestilentiae contagio, adeoque Academicorū exercitiorum cursum stitisset, ipse quoque retrò iter flectere, & Tholosam ad suos redire coactus est. Sed ambulanti alia multò immanior pestis invasit. Ex impietatis carnificinâ, Calvinii aliquot satellites, quibus

— *gaudium in omni*

*Culpâ est, in quacunque est aliquid sceleris;*

PUTEANO manus & vincula injiciunt, & abripiunt in carcerem. Primæ in animum machinæ validæ, sed frustrâ expeditæ: vis deinde tortorum omnis in corpus ejus incubuit. Scripta, quæ sola alicujus pretii putabat, discerpta atque ustulata; integumenta, & pauxillum viatici, itineris quale-



le-quale levamen, direpta. Vt ne autem nihil pro his se recepisse quereretur, largâ virgidemiâ & robusto fustuario donatus, tandem è custodiâ in libertatem exivit. Tolosam itaque intravit à recenti luctamine nudus athleta noster, & pugnae victoriæque notis, lividis adhuc vibicibus insignis. Iam non tiro PVTEANVS, neque contentus simplice istâ adorea, sese in se armavit; ut qui alios vicerat, se quoque ipsum triumpharet. Quare theodulum egit maximè, cùm theologum maximè agere juberetur: & cùm in gymnasio gnæviter desudaret, noluit tamen, contrâ quàm fieri amat, ullas à choro ferias sibi indulgere. Immò cùm perdius pernoxque in scholâ & templo doctrinam & pietatem coleret, non putavit se doctum aut pium verè esse posse, nisi quoque humilis esset. A cathedrâ ergo Theologicâ sæpiculè descendit ad manticam, & religiosæ mendicitatis officium cum reliquis obivit, & sollicitiùs reliquis. Vt dubitares majorine maiestate suggestum impleret, an demissiori animo panem rogaret ostiatim. Magister ad docendum oppidò facundus; ad faciendum doctissimus, memor illius, quod Græci monent:

Ἔργῳ φιλόπονός ἐστι, μὴ λόγοις μόνον.

*Esto opere, non sermone solo industrius.*



Tantam cum insigni eruditione virtutem comes statim honor secutus est: nam & Tholosanum Lycæum supremam illi lauream, & Regentis dignitatem contulit summus Ordinis Antistes. Anno deinde ∞. 15. xciii. Idibus Ianuarii, superatis in publico conflictu antagonistis doctissimis, ad primariam cathedram, Patrum Academicorum suffragiis evectus, regium stipendium meruit. Et verò meritum fuisse, testis ipsa schola est, cujus splendorem auxit maximè, confluentibus famâ nominis ejus ad sacrarum litterarum studium sine numero discipulis. Scholasticæ enim Theologiæ exercitamina jam diu omissa, ne dicam explosa, postliminiò revocavit PUTEANVS, habuitque tantâ cum solertiâ, ut qui vix quinque primùm auditores numeraret, plena deinde gymnasii subsellia videret. Erat in eo vegetum ac facile ingenium, judicium prætereà tam exactum, ut quæ multis alii horis, prolixisque verbis perplexè disseruerant, unâ ipse periodo statim & ex tempore, solidè certoque expediret; tantâ apud omnes recti opinione, ut vocem perorantis mox totius coronæ assensus sequeretur. Quare Procerum, urbiumq; vicinarum frequens ad eum in arduis rebus concursus erat: & quod ipse unus dixerat (Pythagoricâ auctoritate,



αὐτῷ ἔφα) quasi pro Academiae oraculo omnes exciperent. Et tamen, quod monstro simile, ille, qui aliis omnibus omnia, nihil sibi scire videbatur: ut, quàm alii pulchrum putant monstrari digitis, & dicier, hi sunt; tam ægrum illi esset, aliquo honoris titulo nominari. Certè PUTEANVS habuit, si quis alius,

— καὶ μὴ κακῶς φρονεῖν.

Θεὸς, μέγιστον δῶρον.

— donum maximum

Dei, modestè sapere.

Vtpote, qui scientiâ, doctrinâ, auctoritate maximus, jam seipso major esset, cùm magnitudinem ipse suam non agnosceret. Porro ad hanc profundam animi demissionem adjunxerat insignem erga Deum Divosque pietatem, quos officiis singularibus ita sibi devinxit, ut opem eorum præsentariam, variis in periculis, sæpenu-merò senserit. Auctor est Simplicianus San-Martinus S. Th. Doctor Tholosanus, vir fide dignissimus, cives complures in desperato vitæ, utriusque discrimine animi semper, corporis etiam frequenter sanitatem ad ejus orationes, à cælo impetrasse. Ille ipse tandem longo hepatici sanguinis fluxu exhaustus atque elanguidus, cùm viatico sacro ad iter universale muniretur, animo

Æschylus in  
Agamem-  
none.

per



per vivam fidem & spem firmam ad Deum erecto ; *Quemadmodum* (inclamabat crebrò) *desiderat cervus ad fontes aquarum, ita desiderat anima mea ad te Deus.* & , *Quid mihi est in cælo , & à te quid volui super terram ?* Demum cum veniam à singulis Fratribus singulari cum submissione flagitasset , & *Deus in adjutorium meum intende , &c.* absolvisset , spiritum ex hâc tetrâ caligine transmisit ad eum , qui habitat lucem inaccessibilem. Corpus autem cum nihil hominis præter pellem & ossa haberet , ut lucerna Punica lucidum , postridie totâ urbe ad funebres exequias effusâ , honorificentissimè sepulturæ mandatum est.

*Quibus intimum cor aret , & sitim sacram  
Aquis Sophiæ vultis ire sedatum,  
Licet, crepate : lege ferreâ namque  
Trium Sororum PUTEVS olim inexhaustus  
Scientiarum clausus est quibuscumque.*

Scriptit IOANNES PUTEANVS

*Commentaria in Summam D. Thomæ.*



M m

IOAN





IOANNES COOLS.

*Ord. Erem. S. Augustini Prior Provincialis, Incredibili laude annis quadraginta  
totidem Adventus, et quadraginta est concionatus. Politiorum literarum scholas Bruxella  
reliquar. seminariarum aperuit. Deceßit in monast. Gandens. Prior eiusd. añ. m. d. c. xii. etat. l. xii.*



# IOANNES

## COOLS.

**E**Thunc Flandriæ Ciceronem (ita vulgò audiebat) Lovanio debemus, ubi natus est parentibus honestis anno ∞. 10. XLVIII. die XXV. Novembris, Catharinæ Palladi Christianæ sacro. Primum adolescentiæ florem Deo consecravit, Lovanii Augustinianum monachum indutus, professus verò Middelburgi, Zelandiæ primâ urbe. Ad sacra studia apud Grudios in urbe patriâ incubuit; ubi juvenis admodum, & tantum diaconio initiatus,

*Ante annos animumq; gerens, curasq; viriles,*  
 è suggesto auditus est tam libenter, ut ipso concionante vel maxima templa complerentur. Cum verò anno ∞. 10. LXXIV. hæreseos malum ingravesceret, & omnia divina juxtâ atque humana jura pudendâ rebellione polluerentur, eversis cum fidei orthodoxæ excidio monachorum cœnobiis, gemente sub immani tyrannide universo Belgio, COOLSIUS solvit Middelburgo,



& in Hispaniam navigavit : ut quando solum mutare cogeretur , non deberet fidem aut Regem. Vallisoleti ergò hæsit annis aliquot , expectans , dum primus rebellii furor defervesceret , & populus se converteret ad sacra cæremoniasque majorum. At verò , ubi animadvertit omnia ad diuturnum bellum , & patriæ religionisque interitum spectare , statutum cum animo habuit ac deliberatum , ad suos reverti. Ergo COOLSIVM reducem vident Grudii , audiunt iterum arrectis auribus de pulpito declamantem. Non multò post revocato ad Regis obsequium Iprensi oppido , ablegatur eò cum Prioris dignitate COOLSIVS , ut pro illo , quod hæreticorum vesania in suburbio everterat , excitaret in ipsâ jam urbe dispersis Fratribus monasterium. Dum totus in eo est , casus eum quidam Gandavum evocavit. Ibi plusculû hærenti negotium faceessivit otium , à quo ut se expediret , sermonem ad populum habere voluit : quem profectò dixit lectissimum , eoque unico populum sic inescavit , ut eum sibi Magistratus Priorem flagitaret. Spartam eam ornare jussus , diu stetit , dubius cui primùm operi manus admoveret : nihil enim præter rudera illic reperit ; cùm furentium hæreticorum impetus , qui primus adeoque ferocissimus in Augustinianos



stinianos datus est, cum monasterio templum ipsum funditus evertisset, ductâ per medias ruinas publicâ viâ. Primus COOLS I O labor, cœnobii instaurationem à pietate inchoare. Sodalitatem sanctissimi cruoris Domini, quæ ab eximio hostiarum miraculo nata pridem, tunc extincta jacebat, resuscitat, ordinatque quæsitissimo delictu ex viris honoratis magnificum collegium. Ecclesiam à fundamentis erigere majoris molis erat. Placuit super eo Regem adire atque audire. Abiit eo animo in Hispaniam, simul cum mandatis, quæ illi commisisse Gandavenſes Optimates dicuntur. Madritum ubi appulit, poſtridie Rex multo mane (quo nescio modo rumor de adventu COOLS I ad eum penetraverat) virum tam longi itineris lassitudinem suaviter edormientem accersiri fecit. Ille nihil cunctandum ratus, deterſis leviter oculis, & conceptâ ex tempore oratione, tam dextrè diserteque consilia sua aperuit, ut nihil admodum eorum, quæ rogabat, Rex denegare voluerit. Bonis ergo avibus rediit ad suos, modoque & medio invento, quo ædem sacram exædificaret, jecit primum, deinde ultimum lapidem, anno, quem Gandensium Poëtarum flos, Maxæmylianus Vrientius hoc disticho notavit:



*O Mæstas Lætāsque VICES ! popVLi fVror antè*

*QVoD rVIt, ID popVLi nVnc faVor eCce strVIt.*

Porro cum Gandavenſis cœnobii clavum laudabiliter multos annos tenuiſſet, totius Provinciæ gubernaculum ei committere Patres voluerunt. Quanto cum honore & commodo id muneris obiverit, nulla poſteritatem inobſcurabit obli-  
vio: ut, qui politiorum litterarum gymnaſium in principe urbe Bruxellæ aperuerit; cujus deinde optimi exempli gloria ad alios pleroſque conventus permanavit. Quo uno habere meruit encomiaſten Nicaſium Baxium. Sed omni laudatione major fuit vis eloquentiæ, quâ in ampliſſimis præclariffimiſque totius Belgii templis fulgurire & tonare viſus, dixit ad populum quadraginta totis Adventibus, ut loquuntur, & Quadra-  
geſimis. Vt mirum ſit hominem unum tot munis ſatis potuiſſe facere. Nam præter Prioralem ſolicitudinem, fabricæ & œconomiæ cura illi incubuit: quibus ſi concionandi neceſſitatem addideris, quid erit, niſi gigantem etiam hominem velle opprimere? Nihilo tamen minùs, cum eſſet religioſæ diſciplinæ obſervantiſſimus tenaciſſimusque, in choro & communi triclinio aſſiduus, præſens & præſidens iis exercitiis aderat, quibus novitiam juventutem præpoſitus magiſter imbuebat.



buebat. Vin' plura? Reos & capitis damnatos ad alteram vitam disponere, ad supplicii theatrum comitari, salutis eis curam inculcare, animare, excitare continuis adhortamentis, pro cibo illi erat: ut dubites, humilitate an caritate magis excelluerit. Accedebat oris maiestas & morum gravitas, ut magnates eum pro Antistite quasi suo venerarentur; comitas deinde & lenitatis cuiusdam mira gratia, ut infirmes eum ceu communem Patrem amarent. Hæ porrò tam claræ virtutes COOLSIVM ad supremum Iudicem, urgente fato, abeuntem secutæ sunt VIII. Kal. Februarii an. ∞. IDC. XII. ætatis suæ LXIII. climacterico, viris ut plurimum magnis exitiali. Cadaver tri-duo expositum, effusæ ad spectaculum totius civitatis lacrymas excivit. Non minori frequentia solenniter ei iusta persoluta: à quibus nemo abfuit, qui de vulgi fæce non esset. Oratio funebris non dicta, sed singultibus interrumpentibus quasi excussa est: tantum sui desiderium vir bonus apud omnes bonos reliquerat.



P. N I C A S I B A X I

O R A T I O

In laudem R. P. I O A N N I S C O O L S I I  
Augustiniani.

**S**I quidem R. P. I O A N N E M C O O L S I V M etiamnum in  
viviis haberemus, Auditores, non magna facultas eum  
laudandi nobis esset, cum propter singularem ipsius  
modestiam, quâ prædicationes ejusmodi non admitteret;  
tum etiam ne quid assentationis causâ dicere videremur. Ve-  
rùm cum apud nos esse desierit, Literisque sacris admonea-  
mur à vitæ termino laudes ordiri, res ab eo præclare gestas  
commemorabimus: haud omnes tamen, ne earum copiâ,  
quod usu venit, steriles, ac inopes reddamur; sed in paucis,  
illud præcipue laudabimus, quod cum esset instituti Augu-  
stiniani defensor acer, & propagator industrius, scholas bo-  
narum artium suis aperuerit; quibus & Reipublicæ Chri-  
stianæ utilitatem augeret, & Augustinianæ familiæ pluri-  
mum commodaret. Quæ res si à nobis paullo fusiùs explica-  
bitur, ejusque fructus palàm ostendentur, existimate fieri  
propterea, ut tantò major gloria possit in hunc egregium  
virum redundare. Ea ferè ratio Catholicæ pietatis est, Au-  
ditores, ut ii qui hoc tempore eam restaurare conantur, à  
pueris initia faciant. Nam eorum hominum qui jam adole-  
vere,



vere, mores pravi, vel non ita facile corriguntur, vel non ita lubenter eorum emendatione cupit optimus quisque distineri. Et quidem si de privatis colloquiis agatur, quotusquisque eorum, qui jam sunt ætate corroboratâ, præceptorum ferat, à quo de suis vitiis admoneatur? aut rursus, quàm multi reperientur, qui se verecundiâ dicent impediri, quò minùs audeant viros quoslibet peccantes arguere, atque ad rectam viam traducere? sanè in concionibus, tametsi fructus existere frequentes constat, sunt non pauci, qui dicentis eloquentiâ delectati, quæ præclarè dicta fuerunt à concionatore, & ipsi eleganter postmodum referunt: ceterum quæ in vitia graviter, ac minaciter dici audire, non sibi, sed aliis applicant, in eodem luto semper hærentes. Non ea puerorum est conditio, qui tanquam virga tenera in omnem partem flectuntur, ac exiguo tempore virtutibus assuefiunt, nondum vitiis propter ætatem imbuti. Id quum animadverteret, vir iudicio singulari, primùm Bruxellæ scholas Augustinianas, seu archipalæstram quandam literariam instituit, ut exemplo civitatis tam inclytæ plures alias ad imitandum provocaret. Quæ sanè spes eum non fefellit; nam brevi pòst tempore Antverpiæ, Gandavi, Lovanii, Heredalii, Diesti, Hoiæ, Boviniaci, Thenis, Ipris Flandrorum, atque adeò Casali in ipsâmet Italiâ bonarum artium proprio solo literas nostræ docere cæperunt: & , nisi me conjectura fallit, pluribus in civitatibus, adeoque Provinciis eandem facient Theologiæ præstructionem. Verùm roget aliquis,

Nn quod



quod sit istud tantum momentum in ludis literariis, ad id, quod initio diximus, Catholicam pietatem restituendum? Alios equidem vobis, Auditores, optarem ea recensere, quæ ad laudem nostram attinent; tamen quia præsens tempus sic exigit, rationem instituti nostri paucis aperiam. Ac in primis hoc maneat, caput omnis eruditionis esse, ad actiones Christiano homine dignas puerorum animos efformare; quod quidem hic fieri manifestum est: nam & crebræ sunt in scholis virtutum exercitationes, & usus ipse quotidianus cum Ascetis versandi, puerorum moribus affricat utile quiddam, ac salutare. Non dico rudem ætatulam percommodè doceri ab iis, quibus abundè tempus suppetit, qui quæ vitam cælibem, & ab omni strepitu domesticarum curarum semotam exigunt. Profectò non ita liberos existimem homines eos esse, quos uxoriam impedimenta, liberi quæ circumstant, quos eosdem familiæ curæ distinent, & procurandi victus necessitas inquietat, quibus omnibus vitæ tricis hi nostri Ascetæ sunt expediti. Atqui non desunt homines alii, similiter & ipsi consecrati Deo, qui hanc provinciam literariam summâ cum laude sustinent. Hos ego quidem, uti non possum non vehementer probare, sic infitari haud debeo, tum hos eosdem, tum nos ipsos quoque rebus publicis valde prodesse. Expedit enim in unâ civitate, præsertim magnâ, ac populosâ, scholas plures esse; quod tametsi non omnibus probatur, usu tamen & experientiâ plurimum utilitatis adferre constat. Quin etiam, ut dicebat ille, Turpe est



est tacere Aristotelem, & Isocratem loqui, nobis in parte debeat applicari, quippe fuit olim mos iste docendi in monasteriis usurpatus, imò etiam viri graves inter minutum istum, ac balbutientem gregem considerare non erubuerunt. In his fuit Cassiodorus Romanus singulari præditus nobilitate, tradendis elementis occupari solitus; itemque Lupus Abbas, & Benedictina familia, nec non plures Deo sacræ sodalitates, quæ pueris erudiendis aliquando vacarunt. Quapropter ita sentio, Auditores, R.<sup>do</sup> Patri COOLSIO pro scholis quas instituit, seu potius restauravit (fuit enim olim Monachis id proprium docendi munus) cæteros quidem homines gratias permagnas, suos autem maximas debere. Atque utinam viventi easdem agere possemus: tametsi non dubito, qui piè functorum sensus est à morte, ipsum pulcherrimi facti sui memoriâ incredibiliter oblectari. Sed hætenus de scholis per eundem apertis: nunc de viri admirabili facundia, deque singulari modo familiam gubernandi pauca accipite: tam enim in utroque genere R. P. COOLSIVS excelluit, ut addubitem præstantiørne concionator, an cænobiarcha debeat haberi. Et quidem in templis ad populum verba facere est solitus eâ commendatione auditorum, ita ut cum paucis debuerit conferri. Testis est Flandrorum civitas ipsa primaria, testis Antverpia, testis Bruxella, quibus in locis viget atque vigebit ipsius eloquentiæ memoria sempiterna. Et sanè, quæ Christiano sunt oratori necessaria, abundè in hoc viro fuisse constat. Nam imprimis fuit eâ dignitate, &



conformatione totius oris , ac corporis , eâ proceritate , iis viribus , iis lateribus , ac vocis præstantiâ , quæ ad bonam actionem requiruntur. Verborum autem ejus tantus splendor fuit , tanta copia , tantusque delectus, uti Ciceronem Flandrum complures homines eundem appellarint. Etiam in affectibus movendis præcipuus semper fuit, & ad quemcunque animi motum facillimè potuit auditores impellere. At ejusce gubernationis modus non minorem laudem , imò. vel maximam habet; siquidem annos plurimos Augustiniano Conventui Gandæ præfuit , & idem aliquando totius provinciæ Belgicæ gubernacula rexit eâ moderatione, ac prudentiâ, ut suis quidem valde gratus , civibus autem non minùs acceptus esset. Quæ profectò virtus est hominum paucorum ; maximeque ei necessaria, qui multitudinis alicujus diversis è nationibus collectæ præfecturam habet. ad eam enim regendam, nec sola vis ingenii , nec annis multis parta auctoritas , nec singularis quædam vis eloquentiæ tantum valet , quantum facultas illa quibusdam hominibus insita, atque innata , quæ quidem proprio vocabulo difficulter exprimi potest: quâ eadem facultate qui sunt præditi, influunt in animos subditorum , ut & hi imperata libenter faciant, nolintque non à talibus gubernari.

Possẽm equidem, Auditores, in R.<sup>di</sup> Patris COOLSII laudem plurima huc adferre , de quæ rebus ab eo cum gloriâ gestis orationem prolixam facere: sed quia nostrorum Patrum malo parcus esse laudator , pauca tantum commemoravi, atque



atque id potissimum, quod auctor Scholarum suis ipse imprimis extiterit. Nec enim ingrato silentio res ea præteriri debuit, unde tanta commoda percipit, utque conjicio, percipiet Christiana respublica: neque nos apud posteros negligentiae notam effugere potuissemus, si de Scholarum nostrarum origine, progressuque nihil monumentis literarum tradidissemus. Quare universam posteritatem, ac vos omnes imprimis rogo, & obtestor, ut de R. P. IOANNE COOLSIO, magnificè atque honorificè, ut facitis, sentiatis, eundemque quoties animis vestris præsentem statuetis, toties ejus divinam eloquentiam, toties gubernandi summam facultatem, toties utilitates eas quæ de Scholis proficiscuntur, memoriâ vestrâ recolatis. Ego sanè, quoad in me fuit, ejusce famam ab interitu vindicare; nomenque viri tam singularis immortalitati commendare sum conatus.







PETRVS VALDERAMA *Hispalensis Ord. Erem. S. Aug.,*  
*Prior Prouincialis, concionatorum suo sæculo princeps. Conciones*  
*eius conuersæ in Gallicum, ceteraque opera præclare scriptæ*  
*Authoris sui encomium prædicant.*



P E T R V S  
V A L D E R A M A.

**P**ETRVS VALDERAMA, Hispali provinciae Bœticae urbe clarissimâ natus ex nobili familiâ, religionem Augustinianam maximè illustravit: in quâ summam apud suos præfecturam adeptus, industriæ suæ præclara & multa posteris exempla reliquit. Casas Eremitarum vetustate collapsas, aut jam lapsas abundas instauravit, excitavit nova à fundamentis ædificia, eaque sic instruxit, ut commodè in iis habitare, & sine curâ craftini vivere Fratribus liceret. Eam verò eloquentiæ famam apud omnes obtinuit, ut Ecclesiastarum suo sæculo Princeps haberetur, & esset. Erat enim in illo præter insignem oris facundiam, excellens ingenium, singularis deinde prudentia multo rerum usu constituta: quæ omnia adhuc spirant editæ ab eo conciones, quas ex Hispano in Gallicum idioma, A. Simeon ex Ordine Prædicatorum Sacrę Theologię Doctor Parisinus, & G. Chappuys Regis Christianissimi Inter-



F 636

C 827v

03-20

288 ELOGIVM PETRI VALDERAMA.

terpres, transtulerunt. Obiit Hispali ∞. 1500. XI.  
vii. Kalendas Octobris.

Eloquentiæ suæ testes libros reliquit

*Tomos duos in festa totius anni.*

*Tomos duos in totam Quadragesimam.*

*Conciones in Dominicam quinquagesimæ, sexagesimæ, &  
septuagesimæ.*

*Volumen unicum in octavam S. Sacramenti.*


*Mariale duobus tomis comprehensum.*

*Orationem in beatificatione B. Ignatii Loyolæ.*


*Theatrum omnium Religionum. Impressum Hispali  
anno 1612. & Barcinone an. 1615.*

F I N I S.











38537



